

WAN

NIUSPEPA BILONG YUMI OL PAPUA NIUGINI STRET! 27 YIA NAU

32 pes

Namba 1,306

Wik i stat long Fonde Julai 8, 1999

70t

Nupela we bilong
baim skul fi - p2

Ol stua i noken
aplm prals - p3

Orogen skul soka
tonamen - p30

Prais bilong
WANTOK
niuspepa i go
antap long 70t

Praim Minista Bill Skate i risain

YAKAM KELO i raitim

PRAIM Minista Bill Skate i risain long sia bilong Praim Minista long Trinde aste.

Dispela toksave bilong Praim Minista i kamap taim ol politikel pati i wok long bung long train kamapim tenis long Gavman bilong Bill Skate long neks wik Tunde.

Praim Minista i tokaut olsem as bilong em i risain em bikos politiks insait long Papua Niugini i wok long go nogut we ol memba bilong palamen i no sanap strong na kalap kalap nabaut i go kam.

Mista Skate i tok long stretim dispela hevi, em i mekim dispela disisen long lusim sia bilong Praim Minista na stap olsem memba nating bilong palamen.

Em i tok nogat man i pusim em long risain bikos dispela em wanpela hatpela disisen we em yet i bin mekim taim em i skelim olgeta samting pastaim na mekim.

Mista Skate i mekim bikpela tok amamas i go long olgeta

kristen insait long kantri long prea bilong ol long kamapim Gavman bilong em, em i tok amamas long ol hailans lida, ol Momase, Niugini ailan na Sauten riji long lida long sapotim em long Gavman na wok wantaim em.

Mista Skate i tok taim em i bin stap Praim Minista, em i bin bungim planti hevi na salens long wok bilong em na sampela taim ol pren bilong em yet i daunim em tasol em i bin go het long wok bilong em long lukautim kantri long tupela krismas i kam inap nau.

Em i tok em i amamas olsem em i namba wan Papua man long kamap Praim Minista na em i askim olgeta memba bilong Oposisen long sapotim Gavman nau long lukautim gut kantri.

Mista Skate i singaut tu i go long ol arapela Minista husat i bin lusim Gavman bilong em na go joinim Pipels Demokretik Muvmen (PDM) na Edvens PNG Pati long kam bek long Gavman na strongim dispela Gavman bikos ol yet i bin kamapim dispela Gavman long 1997.

Mista Skate i tok em i nogat wanpela bel nogut o bel kros long wanpela memba bikos em i lusim sin bilong ol na em i askim ol long kam bek wok long strongim Gavman na stretim ol hevi kantri i stap insait long em.

Mista Skate i tok em ino ronawe long wanpela hevi o rong na em bai wok strong long kam bek gen long 2002 nesanel ileksen na kamap gutpela Praim Minista bikos em i lainim planti samting pinis long dispela tupela krismas em i kamap Praim Minista.

Em i askim olgeta sapota na lain bilong em long Mosbi long stap isi na noken bel nogut. Ol i mas bihainim lo na sapotim plis fos long karimaut ol wok bilong ol insait long siti.

Em i askim olgeta lain tu long i noken mekim ol trabel o birua nabaut long dispela tenis na ol i mas stap gut bihainim lo tasol.

Mista Skate em rijinol memba bilong Nesanel Kapitel Distrik (NCD) na em i bin stap long palamen 8-pela krismas nau. Em i lida bilong pipels Nesanel Kongres Pati we ol i senisim i go gen long PNG Fest Pati.



Amamasim spesel lotu... • Bisop bilong Goroka Francesco Sarego i amamasim yia bilong Papa God wantaim ol skul pikinini bilong santu Bernard komyuniti skul long Goroka, Isten Hailans provins las mun.

Marit bilong PDM, Edvens PNG na Oposisen inap bruk - pes 3

LOOK UNDER CAPS OF

PLANTI SANS TRU LONG WIN

SPRITE, FANTA, AND LIFT ARE REGISTERED TRADE MARKS OF THE COCA-COLA COMPANY

WHILE STOCKS LAST!

PLIS RIPOT.

Manus:

Wanpela Paak Ailan man i dai na narapela man Loniu i stap long haus sik bihbainim wanpela hevi namel long tupela grup long las wiken.

Plis ripot i tok man Paak i bin dai taim ol i katim em wantaim naip insait long pait we tupela grup i bin wokim long Manus Spots klub.

Ripot i tok tupela grup i bin birua yet stat long las yia we wanpela man i bin dai long en. Ol i kisim man Loniu wantaim bikpela bagarap i kam long Mosbi Jenerel haus sik long dispela wik.

Ol plis i wok long was gut long dispela samting na lusim olsem situesen i no go nogut.

Kokopo, Is Nu Briten:

Tupela pipel i bin dai long Kokopo long las wik Fonde bihain long ol strongpela spak brus i mekim longlong wanpela man na em i katim ol wantaim naip. Na narapela tupela i stap long haus sik wantaim bikpela bagarap.

Plis ripot long Is Nu Briten i tok wanpela long ol i dai em wanpela yangpela plisman husat i bin wok i stap na painim birua na dai long Tunde nuit.

Narapeal i dai em meri bilong dispela man husat i kilim dai em (meri) na plisman.

Ailans Divisinel Plis Komanda na Asisten Plis Komisina John ToGuata i tok man ya i bin kisim spak brus na wokim dispela pasin we i kirap nogutim ol plis na pablik long Kokopo.

Mista ToGuata i tok em i namba wan taim long kain samting i kamap longls Nu Briten provins. Em i tok long ol ripot, man ya i bin ron i go long Kokopo Plis stesen na kilim meri bilong em ausait tasol long stesen. Kwiktairim stret na em i kirap na katim dai wantaim naip, yangpela plis konstebol. Em bin katim gen narapela tupela plis man na meri husat nau i stap long Nonga haus sik.

Man ya i stap nau long han bilong Kokopo plis.

Wewak, Is Sepik:

Tupela sios grup long Is Sepik i bin pait long las wik na 20 memba bilong ol i stap long haus kalabus.

Provinsel Plis Komanda Leo Kabilo i tok tupela grup em long Katokik na Asembli ov God Sios memba.

Long sampela taim nau, tupela grup i wok long gat belhevi namel long ol. Las wik samting i go nogut na sampela memba bilong tupela grup i pait long Maprik na bagarapim ol samting bilong sios.

Mista Kabilo i tok tupela grup i pait bihainim ol sampela tok kros long ol samting we i sut long lotu na bilip bilong ol.

Em i askim tupela grup long kamapim bel isi na wok wantaim long autim Gutnius.

Bihainim pait long las wik, 20 pipel i stap nau long Boram haus kalabus.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Cordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group
Editor in Chief:
Anna Solomon.
Advertising Manager:
Mike Kanin.

Papers distributed by air
throughout PNG.
Available by air mail
subscription within
Papua New Guinea
and overseas.
Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Nupela wei bilong helpim papamama long peim skul fi

PEKU PILIMBO i raitim

PAPAMAMA husat laik salim pikinini long skul neks yia ken kisim lon wantaim wanpela mani kampani ol i kolim FinCorp.

Kampani bin tokaut long dispela plen ol i kolim Kumul Pikinini Skul Plen long Fraide igo pinis olsem dispela plen bai helpim ol papamama long peim skul fi bilong pikinini bilong ol.

Michael Sta Juana, Trening na Rilif Menesa long FinCorp i bin tok dispela plen bai pinisim

olgeta wari bilong papamama bilong wanem kampani bai peim skul fi bilong ol pikinini bilong ol.

Em bin tok olsem long kisim lon bilong skul fi long neks yia, aplikesen mas go insait wantaim las pei slip na benk akaunt namba bipo long mun Ogas na bai ol lain long FinCorp i ken rausim liklik mani bilong peim bek lon long stat bilong mun Septemba long dispela yia.

Win mani kampani bai kisim long ol lons yu kisim em stap olsem 14.25 pe sen long wanwan yia na papamama i ken bekim dispela mani insait long 17 fotnait.

Kumul Pikinini Skul Plen tok tu olsem sapos ol manmeri save kisim wan kain amaunt long wanwan pei de, ol i ken kisim lon olsem faiv taim moa long mani ol i save kisim long pei. Long wanpela pepa kampani bin givim aut, dispela i min olsem sapos wanpela man i save kisim K100 long pei bilong em, dispela man i ken kisim lon mani inap long K500 na bai peim win mani bilong kampani long wanwan fotnait. Sapos yu kisim K500 lon mani na laik peim bek insait long 17 pei de, dispela em bai i go olsem: K29.41 bilong lon stret, win mani bilong kampani em bai K2.74

na K5 bilong ol lain stretim pepa wok bai bringim mani bai yu peim wanwan fotnait i go antap long K37.15.

Mista Juana i bin askim ol papamama wantaim pikinini husat bai go skul neks yia long stat aplai nau long kisim skul fi bilong neks yia.

Dispela mani kampani, FinCorp i gat ol opis bilong ol i stap long ol taun olsem Lae, Madang, Hagen, Kokopo, Wewak, Alotau, Goroka na Pot Mosbi.

Ol i bin askim ol papamama husat laik kisim lon mani long peim skul fi bilong pikinini bilong ol neks yia long go lukim ol long opis bilong ol.

Sapos Tari i no kaikai, PNG i no inap kaikai

PETER MAIME i raitim

Taim Gavana bilong Sauten Hailans, Anderson Agiru i stap long Mosbi na tok tok long husat bai kamap Praim Minista bilong kantri, ol pipel bilong em long Tari i bungim taim nogut.

Mista Agiru i stap pas wantaim gavman bilong Praim Minista, Bill Skate na wok hat long kamapim namba long holim yet pawa taim palamen i bung long neks wik Tunde.


Taim Mista Agiru i mekim wok politikis bilong em long Mosbi, olgeta sevis i go long Tari, Koroba, Komo na Kopiago distrik i bagarap na pas pinis.

Ol pipel bilong Hela Huli i kisim hat taim bihain long haiwe namel long Mendi na Nipa i pas. Ol pipel i no inap long yusim dispela hap bilong haiwe bikos ol i pret nogut ol lain long Nipa i bagarapim ol.

Dispela pret i stap long ol lain Hela Huli bihain long indai bilong olupela gavana bilong provins, Dick Mune.

Tasol ol famili bilong Mista Mune i tok long tupela wik i go pinis olsem ol lain long Hela Huli i pret nating bikos i nogat rot blok long hap bilong ol.

Wanpela lida man na memba bilong Takali Lokel Levol Gavman Kaunsil, Sir Matiabe Yuwi i tok i gat rot blok long Nipa



• Sir Matiabe Yuwi: Sapos Tari i no kaikai, PNG tu bai i no kaikai.

na ol pipel bilong Tari i no inap yusim dispela hap bilong haiwe.

Sir Matiabe i singaut i go long Nesenel Gavman long putim wanpela stet ov imejensi na larim ol plis na ami long bosim haiwe namel long Nipa na Mendi.

Em i tok ol pipel bilong Hela Huli i wet longpela taim na ol i kisim inap bagarap na ol i no laik kisim moa bagarap.

Em i tok sapos gavman i no mekim wanpela samting, bai ol 100,000 manmeri long Hela Huli bai pasim ol wok develop-

men bilong Hides Gas, Moran Wel na Porgera Gol Main.

Em tok moa sapos ol pipel bilong Tari i no kaikai, Papua Niugini tu bai i no inap kaikai.

Ol pipel bilong Hela Huli i gat 5-pela hai skul, Tari, Koroba, Magarima, Kopiago na Lumulumu. Ol i gat wanpela Tisa Koles long Dauli.

Ol dispela skul i no inap long kisim ol saplai olsem ol kaikai bilong ol sumatin.

Ol kaikai olsem tin pis, tin mit, rice, plawa long ol bikpela bak stua long Mendi, Bromley Manton na Sullivans long Tari taun i sot na ol pablik sevan i kisim taim.

Sampela ol liklik bisnis man husat i yusim baksait rot i go long Kandep long Enga Provins na kisim ol kaikai i go bek long Tari i sasim bikpela prais long ol kastoma. Prais bilong tin pis na wanpela paket rice i go antap long K4. Prais bilong ol maket kaikai tu i go antap.

PNG Benging Kopresen na pos opis long Tari i pas pinis. Ol wok manmeri i no inap long kisim mani long beng na long pos opis.

Tari haus sik tu i no inap long kisim marasin long Mendi i go long Tari long haiwe.

Sir Matiabe i tok Provinsal na Nesenel Gavman i slip i stap na i no mekim wanpela samting long stretim dispela hevi bilong ol pipel.

Narokobi i wanbel long Gavman i kisim Taiwan helpim

YAKAM KELO i raitim

PRAIM Minista bilong Papua Niugini Bill Skate i stap pinis Taiwan long kisim helpim mani bilong stretim ol hevi kantri i stap long en tude.

Mista Skate i bin go long Taiwan long las wiken bihain tasol long em i tokaut long Fonde las wik olsem em i laik kisim tripela de malolo i go long Kens Australia long lukim famili bilong em na tu kisim liklik malolo. Praim Minista wantaim Foren Afeas Minista Roy Yaki i bin sainim pepa pinis wantaim Taiwan Gavman long kamapim poroman namel long tupela kantri na kisim ol helpim long strongim poroman bilong tupela.

Tasol strongpela toktok salens i kam long Australia olsem dispela pasin PNG i mekim wantaim Taiwan i no gutpela bikos dispela bai kamapim hevi long gutpela poroman we i stap pinis wantaim olgeta kantri insait long Esia Pasifik rijon.

As Australia i mekim dispela


toktok em bikos Taiwan i stap aninit long Saina olsem het bilong kantri. Taiwan i stap aninit long Saina we ol i Kominis kantri.

Aninit tu long wanpela polisi bilong PNG i tok wan-Saina polisi em PNG i save holim olsem poroman namel long PNG na Saina na dispela poroman inap bruk sapos PNG i givim dispela luksave long Taiwan we i stap aninit long Saina.

Lida bilong Oposisen Bernard Narokobi i tok Australia i no ken subim nus bilong em i kam insait long ol foren polisi bilong Papua Niugini. Mipela yet bai go pas long rot bilong mipela. Mipela i luksave long interes bilong kantri na nogat narapela kantri bai tokim mipela long wanem samting mipela i mas mekim, Mista Narokobi i tok.

Taiwan i gat klin mani. Ol i gat inap mani long saplain na mipela i laik yusim dispela sans, Oposisen lida i tok.

Em i tok olsem PNG i mas gat olsem K500 milien long stretim ol hevi bilong mani na bisnis insait long kantri long winim na pulim bek bisnis



• Bill Skate

interes bilong kantri.

Mista Narokobi i tok PNG i luksave long poroman wantaim Saina aninit long wan-Saina polisi tasol em i no inap sapotim Gavman sapos Gavman i laik brukim poroman pasin namel long Saina aninit long wan-Saina polisi.

Tasol em i tok PNG i mas sanap fri long mekim prensip

wantaim Taiwan long kamapim moa sapot na helpim insait long ol eria bilong wok bisnis na developmen.

Dispela em i nupela nek we Oposisen i mekim namba wan taim olsem em i wanbel long wokabaut na plen bilong Gavman i go long Taiwan long painim helpim

Ripotim ol stoa i no bihainim lo na apim nating prais

VERONICA HATUTASI
i raitim

Velu Eded Takis (VAT) i kam insait long Julai 1, prais bilong ol kaikai samting i no inap long go antap long wanem 12 pe sen Provisnel Takis we i bin stap pastaim i aut pinis.

Mista Kore i tok ol stoa i no inap yet long apim prais bilong ol samting nau long wanem dispela ol samting we ol i salim long ol stoa long dispela taim em ol olupela stok ya.

Ol bin kisim ol bipo long Julai 1 na i min olsem bipo long VAT

i kam insait.

Long ol dispela samting, ol papa bilong ol stoa na bisnis bai i kisim 10 pe sen kredit long ol na ol i no mas sasim VAT takis long publik.

Mista Kore i tok publik i gat rait long kwesteniem ol stoa lain sapos ol i lukim olsem ol stoa i wok long giamanim ol na sasim nating VAT. Na ol (publik) i mas ripotim samting kwiktaiem i go long CAC.

Ol opisa bilong CAC em ol lain Intenel Revenyu Komisn i trenim ol long go aut long ol stoa na

sekim ol sapos ol i bihainim lo na i no apim nating prais bilong ol samting na sasim VAT nating, Mista Kore i tok.

Publik i ken ringim CAC long ol opis na telipon namba insait long ol rijinel opis ya.

Bilong Sauten rijon 3231344 em telipon namba we yu ken kisim ol long Mosbi na feks namba em 3253078. Telipon namba bilong Momase rijon em 4726188 na feks em 4726122 long opis bilong ol long Lae.

Long Hailans rijon, yu ken kolim ol long Hagen long telipon namba 5243001 na feks em 5243001. Long Niugini Ailans rijen, yu ken autim komplem bilong yu i go long Kokopo CAC opis na telipon namba em 9828620. Feks namba em long 9828620.

"CAC i laik toksave long publik long luksave long rait bilong ol na glasim na skelim ol prais long ol stoa bipo ol i baim ol samting long prais we i gutpela", Mista Kore i tok.

PABLIK i mas putim ripot i go long Konsuma Afeas Kaunsil (CAC) sapos ol i lukim olsem ol stoa i apim nating prais long ol kaikai samting, Asisten Eksekutyutv Dairekta bilong CAC Francis Kore i tok.

Mista Kore i tok maski 10 pe sen

Marit bilong PDM, Edvens PNG na Oposisen inap bruk

MARIT bilong tripela bikipela grup, Pipels Demokretik Muvmen (PDM), Edvens PNG na Oposisen bai bruk sapos ol i no sanap long wanpela astingting bilong senisim Gavman.

Insait long ol bung bilong dispela tripela grup, ol i no kamapim wanpela bikipela tok-tok yet long wanem ol bikipela wok ol i mas mekim long lukautim Papua Niugini taim ol i senisim Gavman.

Lida bilong Oposisen Bernard Narokobi i tokaut aste olsem bikipela tingting bilong Oposisen em long taim ol i senisim Gavman, ol bikipela samting bilong mekim em,

• ol lida i mas bringim bek bilip na gutpela tingting bilong ol na bihainim gut kastom na lo long mekim ol disisen. Olgeta disisen ol lida i mekim i mas bihainim banis bilong lo o kastom bilong kantri. Long bringim bek bilip na gutpela tingting i no isi samting. Yu no inap baim wantaim mani bikos dispela samting i stap long laipstail bilong wanwan lida long wokabaut, pasin na toktok bilong em long ol arapela na wok bilong em, Mista Narokobi i tok.

• narapela samting bilong Gavman i mas mekim em long stretim gut ol publik sevis. Ol publik sevis wokman i mas kisim wok bihainim skul na save bilong ol long wok. Husat man i wok bikos politiks i makim em long wok bai Gavman i skelim wok bilong em inap 6-pela mun. Sapos em i pilai wantok sistem na politiks yet bai em i wok-abaut, em i tok.

• narapela samting Gavman i mas mekim em long strongim mani (Kina) long kantri. Strong bilong Kina i mas go antap olsem long US\$50 cents na AUS\$60 - 70 cents long K1. bilong PNG. Em i tok long kisim bek strong bilong mani long kantri, bikipela samting em long senisim gut piksa bilong kantri bai ol bisnis i ken stat long wok gut na moa bisnis i ken kam insait long kantri na wok bisnis bai muv gen na apim strong bilong Kina i go antap.

• narapela tingting bilong Oposisen em long sekim gut olgeta Publik Invesmen Projek (PIP) fan na lukim amas mani Gavman i kisim long ol ovasis kantri o beng. Sapos i gat mani istap long dispela PIP program, ol i mas kisim na putim i go insait long Sentrel Beng na apim risev mani bilong kantri i go antap bai dispela i ken

strongim ol projek na wok insait long kantri. Mista Narokobi i tok sapos i gat samting olsem K300 o K400 milien i stap long dispela PIP fan, dispela bai inap tru strongim risev mani insait long Sentrel Beng na bisnis i ken ron gut long kantri.

Lida bilong Oposisen i tok dispela em tingting bilong Oposisen long ol i mas kamapim sapos ol i senisim Gavman long neks wik Tunde.

Mista Narokobi i tok em ino laik long senisim Gavman long kisim wok tasol na i no gat wanpela astingting bilong mekim long ronim gut kantri wantaim.

Mista Narokobi i tok sapos i nogat kain tingting o plen olsem i kamap taim Gavman i senis, em i no inap stap long Gavman bikos ol i nogat wanpela samting long sanap long en na mekim wok bilong sevim kantri long ol hevi em i gat tude.

Ol dispela tingting Mista Narokobi i tokaut long en i soim olsem tripela grup wantaim, PDM, Edvens PNG na Oposisen i no pasim tingting yet long sanap bilong ol na ol wok ol bai mekim long sevim kantri yet.

Mista Narokobi i tokaut tu oisem em ino inap go long Madang long bikipela bung ol memba bilong tripela grup ya i bung i stap bikos em i gat sampela hevi long famili na em bai i stap bek long Mosbi. Tasol bel na laik bilong em i stap wantaim ol lain long Madang kem.

Dispela i soim gen olsem ol tripela lida bilong ol dispela grup, Sir Mekere Morauta, John Pundari na Bernard Narokobi bai i no inap sindaun wantaim na mekim ol kain plen olsem bikos Mista Narokobi bai i no inap go long Madang olsem em yet i tokim Wantok long Tunde dispela wik.

Mak olsem 61 memba bilong tripela grup ya i bung long Madang long strongim namba bilong ol na pasim toktok na tingting long wanem rot ol bai mekim long senisim Gavman bilong Bill Skate na lairo Lasaro long rieks wik Tunde Julai 13, 1999.

Long wankain taim tu ol lain bilong Gavman i wok long holim kem bilong ol long Rabaul long strongim namba na grup bilong ol long holim bek Gavman egensim vot i nogat bilip we bai kamap long neks wik Tunde.

Grup bilong Gavman i gat mak olsem 40 memba tasol.

Isten Hailans kaunim vot

PETER MAIME i raitim

OL pipel bilong Isten Hailans bai save tumora husat i winim Isten hailans bai ileksen.

Ileksen i pinis na stat long dispela wik Mande, ol ileksen opisal i wok long kaunim ol vot.

I gat 8-pela tim i kaunim ol vot. Faivpela tim i kaunim long Wes Goroka komyuniti skul na tripela i kaunim ol vot long Goroka YC Komyuniti Hol.

Asisten Provisnal Ritening

Opisa, Frank Gabi i tok, kaunim bilong ol vot i go isi bikos ol i wok long kisim-planti komplem long ol skrutinia bilong ol kendidit. Em i tok sapos olgeta kaunim bilong vot i go orait, bai ol i tokaut long husat i win long ileksen long tumora.

Aste long belo, olupela gavana, Peti Lafanama i go pas long 7481 vot. Bihain long em, Mal Smith Kela wantaim 4846, John Giheno 3242, Aita Ivarato 2941 na George Pirie 2932.

Planti balot bokis i bin stap yet na dispela ol vot bilong ol kendit bai senis. Kaunim bilong ol vot i go het yet aste

apinun na nau gen long morning.

Isten Hailans i go long bai ileksen bihain long Mista Lafanama i lusim sia bilong em long Suprim Kot.

Long Kainantu bai ileksen, Ilektoel Komisina, Reuben Kaiulo i tok aste olsem bai i gat wan de vot long Julai 20, 1999.

Mista Kaiulo i singaut i go long olgeta kendidit long wok bung wantaim ol wok manmeri bilong ileksen na kamapim gutpela ileksen.

Em i tok ol pipel bilong Kainantu ilektoel bai save husat em memba bilong ol long Ogas 5, 1999.

Kaiabe askim ol Oposisen long lusim PDM na Edvens PNG kem

YAKAM KELO i raitim

NESENEL Ges Kopresen siaman Alfred Kaiabe i singautim olgeta memba bilong Oposisen long kam bek bung gen bikos ol i nogat wanpela luksave tru insait long dispela grup bilong Pipels Demokretik Muvmen na Edvens PNG Pati husat i bung nau long Madang.

Mista Kaiabe i tok em i luksave olsem taim planti memba tumas i bung long kamapim Gavman, planti i save nogat sans na i save nogat spes bilong ol we ol i no save kisim wanpela gutpela luksave long helpim bilong ol.

Mista Kaiabe i tok long bihainim pasin na rot bilong Wes Minista sistem we olgeta Gavman insait long Komonwel kantri i save bihainim, ol Oposisen em lain bilong senisim Gavman.

Husat arapela i laik senisim Gavman i mas joinim Oposisen na go wantaim Oposisen long mekim kamap senis. Na i no ol bai i go pas na Oposisen i bihainim, em i tok.

Long PNG, dispela sistem i senis we pati i gat bikipela namba, Oposisen i mas bihainim lek bilong ol long senisim Gavman, Mista Kaiabe i tok.

Mista Kaiabe husat tu em memba bilong Komo Magarima i singautim ol Oposisen memba olsem Ledi Carol Kidu, Andrew Baing, Bart Philemon, Moi Avei, Ted Diro, Sir Michael Somare, Athur Somare na ol arapela Oposisen memba long Madang kem long lusim na kam bek long Mosbi.

Alfred Kaiabe em memba bilong Yunaited Risos Pati husat i stap nau long Gavman tasol em wanpela i stap long Oposisen sait. Ol wanlain bilong em long pati em Enga Gavana Peter Ipatas, Sauten Hailans

Gavana Anderson Agiru, Roy Yaki, Jimson Sauk na ol arapela Enga na Sauten hailans memba bilong palamen.

Em i tok sapos olgeta Oposisen memba i sanap wantaim, bai ol i gat 16 memba olgeta na dispela namba i ken brukim strong bilong senisim Gavman i go hap hapwe Oposisen i holim balens bilong pawa.

Ol Oposisen memba husat i stap bek long Mosbi na wok i stap em, Oposisen lida Bernard Narokobi, John Momis, Peterson Lowa na Alfred Kaiabe yet.

I gat luksave olsem kem bilong PDM, Edvens PNG Pati na Oposisen i gat olsem 61 memba olgeta na sait bilong Gavman i sot long namba we ol i stap long 43 tasol.

Tasol taim bilong namba i senis long senisim Gavman long vot i nogat bilip egensim Praim Minista Bill Skate bai kamap long las 11 aua long Tunde Julai 13, 1999.

TORO

TORO YUSIM KAR BILONG KAMPANI NA GO LONG BENK...



LONGPELA LAIN TRU NA TORO SANAP LONG LAS STRET...



HAMAS AUA IGO PINIS NA RAUSIM MONI NA WOKABAUT IGO AUT NA GO STRET LONG BAS STOP NA KISIM BAS...



BAGA LUS TINGTING OLSEM EM DRAIVIM KAR BILONG KAMPANI IGO BENK NA LUSIM LONG HAP...



WANTOK

NIUSPEPA BILONG OL PAPUA NIUGINI

Skate tru risain o giaman

PRAIM Minista, Bill Skate i bin risain long aste apinun. Em i tok em i rasain bikos wok politiks i laik bagarapim kantri.

Kabinet bai bung na makim wanpela man olsem Ekting Praim Minista, inap palamen i bung long neks wik Tunde na makim wanpela nupela Praim Minista bilong kantri.

Bikpela kwesten mak i stap em, Mista Skate i risain tru o em wanpela hap wok bilong politiks bilong grisim ol narapela politikel grup.

Pipels Demokratik Muvmen (PDM) bilong Sir Mekere Morauta, PNG Edvens Pati bilong John Pundari na ol memba bilong Oposisen i kem long Madang.

Narapela hap bilong PDM aninit long lidasip bilong Deputi Praim Minista, Iaro Lasaro, Pipels Risos Pati na PNG Fes Pati bilong Mista Skate i go bung long Rabaul.

Sir Mekere, Mista Pundari na Mista Narakobi i no yet stretim husat bilong ol bai kamap Praim Minista sapos ol i winim vot i nogat bilip long neks wik. Dispela samting i hagamap i stap.

Nau Mista Skate i risain olsem Praim Minista. Nau rot i op.

Las wik Sir Mekere, Mista Pundari na Mista Narakobi i promis long stap wantaim na rausim gavman bilong Mista Skate.

Mista Pundari na Mista Narakobi, tupela gutpela lotu man na i no inap long tok giaman long ol pipel bilong PNG.

Nau long dispela taim PNG i noken save husat bai kamap Praim Minista bilong PNG inap neks wik Tunde.

I gutpela long was long wanem samting i kamap long kantri long dispela taim bikos politiks i wok long tanim tanim olsem maliau.

Mista Skate i risain tru o giaman em kantri bai save long neks wik.

Woksop long strongim helt bilong mama na pikinini

VERONICA HATUTASI i raitim

BIKPELA wok i stap long kamapim bek gutpela helt sevis long ol mama na pikinini insait long kantri, wanpela helt woksop i bin harim long klosing seremoni las Fraide.

Seventin Helt woka insait faivpela Niugini Ailans provins i bin pinisim wanpela wanwik helt kos long Mosbi long las Fraide Julai 2.

AusAID i bin putim mani long ranim dispela woksop na JICA, Uniceff na WHO i bin givim helpim taim nesanel Helt Dipatmen i bin go pas long lukautim na ranim kos ya ol i kolim long Nesanel Kol Sen Lojistiks woksop we i sut long skruim save long lukautim ol marasin, ol masin na ol aisbokis we ol i save putim ol

marasin long ol.

Tim lida bilong PNG Australia Developmen Coporesen Program long sait bilong helt, Chieko Sakamoto long pasim woksop i tok insait long las faiv yias, helt bilong ol mama na pikinini long PNG i go daun tru. Na piksa bilong PNG long dispela i no

gutpela. PNG i stap long mak nogut long dispela eria insait long Saut Pasifik rijen.

"Yupela i save pinis olsem wok long banisim ol pikinini na ol mama long ol sik insait long PNG i go daun long 50 pesen mak na dispela mak i stap long daumbilo level long rijen. PNG i save amamas long gutpela banisim sik program tenpela kris-mas i go pinis bikos em i save karamapim 80 pesen long ol pipel insait long kantri. Yumi mas wok bung gut wantaim na kism gutpela wok i go long level we i bin stap long en bipo.

"Na long kamapim bek gutpela banis

sut program, PNG i mas gat gutpela kol sen sistem we i wok, " Mis Sakamoto i tok.

Em bin tok ol banis sut program na ol arapela program moa long kism ol helt sevis i go long ol pipel insait long ol ples longwe long taun bai i no inap long wok na go gut inap ol helt woka i gat gutpela save long kol sen program i wok gut.

Em i tok nau kol sen sistem long PNG i no wok gut olsem wanpela wok painimaut i soim. Tripela as long dispela hevi i kamap em long :

• Nogat stended kol sen ikwipmen. I gat ol kain kain aisbokis na ol i no wankain. Ol i no bungim intenesenel stended.

• Narapela em helt sevis i sot long mani long baim piul na karimaut mentenens na long helpim ol long lukautim olsem kol sen sistem i wok .

Namba tri em planti ol helt woka i sot long ol wokman bilong operet na manesim ol kol sen ikwipmen. Na planti helt woka i nogat save long ol kol sen ikwipmen.

• na i nogat gutpela wokbung namel long ol dona ejensi bilong sekim sistem. Planti dona ejensi i givim helpim long kamapim gut sistem tasol ol no wok bung wantaim bilong kamapim gutpela wok go het na ol mas lainim long asua ol bin mekim pastaim.

Mis Sakamoto i tok trening we ol i kari-maut insait long tupela mun bai helpim ol helt woklain em i stat long salens bilong lukim olsem kol sen sistem insait long kantri i wok gut na banis sut program bai ron gut insait long kantri na helpim long stapim ol kain sik bilong ol mama na pikinini.

Bilong makim ol kos lain, Mista Pahun bilong Helt Dipatmen long Manus i tok ol i amamas long lainim ol nupela samting long sait bilong polisi na menesmen bilong kol sen sistem na ol bai kism save wantaim ol i go long trenim ol arapela wanwok bilong ol long ol haus sik na helt senta insait long ol wan wan provins.



• Elizabeth Kom bilong Wes Nu Briten provinsel helt opis long Kimbe i kism setifiket pepa long han bilong Yens Pake kolen logistiks advisor-wimen na pikinini projek. Photo: Helen Rei.

Butuwin Helt Senta kism nupela ambalens

BUTUWIN Helt senta insait long Kokopo, Is Nu Briten provins i bin kism wanpela nupela ambalens long las wik long memba bilong Kokopo Sir Rabbie Namaliu.

Sir Rabbie i tok ambalens ya we pe bilong em inap long K50,000 bai i helpim helt senta long karimaut ol wok bilong en, moa yet long sait bilong helpim ol emensi na ol aksiden o ol bikpela biru.

Long wankain taim tu, em bin givim wanpela sek wantaim K3,955.56 bilong helt senta long yusim baim ol marasin long en.

Sir Rabbie i tok Kokopo Distrik Plening na Baset Praioriti Komiti i givim bikpela tingting long helt sevis na mani long fandim ol. Dispela em i wankain wantaim tingting bilong Is Nu Briten Provinsel Gavman.

Em i tok bikpela samting em long gavman em inapim ol tok promis we em bin mekim long givim mani i go long go hetim ol Lokol Gavman Rifom, moa yet long provinsel na sios helt sevis.

Sir Rabbie i tok maski kantri i bungim hevi long mani, yumi mas lukim olsem gavman i givim mani long go hetim ol helt sevis long taim bilong em yet.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Asia Pasifik na Japan	US\$55.00
Amerika na Yurop	US\$95.00



Bot pipel wetim disisen bilong Foren Afeas

SIKSTI refuji bot pipel bilong Asia i stap nau long Kimbe wetim ol toktok long PNG Foren Afeas long wanem samting bai i kamap long ol.

Dispela grup pipel i bin kamap sua long nambis bilong Gasmata insait long Wes Nu Briten provins long tupela raba dingi long Jun 23.

I gat 57 man na tripela meri long dispela grup. Wantok i kism ol ripot long Kimbe olsem wanpela long ol meri ya i gat bel na em i karim pikinini long las wik Fonde. Tasol niuspepa i no kism wanpela kliapela toktok long Kimbe haus sik o long opis bilong Provinsel Plis Komanda.

Ol ripot long Kimbe i tok dispela ol pipel ya i kam long Futsia insait long Sentrel Saina. Taim ol i go sua long Gasmata, ol bin tok olseme sip bilong ol i kapsait na ol i go kamap long hap. Tasol ol plis i kwestenim ol, ol bin tok olsem wanpela sip i lusim ol.

I nogat kliapela toktok watpo tru na ol lain ya i kam sua long PNG.

Ol plis na Provinsel gavman edministresen i kism ol na putim ol long Amgen loging kem long Gasmata na bihain ol i muvim ol i go long Amio long Gasmata yet. Long dispela ples, ol bin

stretim ol toktok wantaim ol lain long Stetten Be Timba kampeni na kism ol long bot i go long Kimbe we nau ol i stap long Wimens hal. Plis i bin lukautim ol long wokabout bilong ol long Gasmata i kam long Kimbe, ripot i tok.

Ripot i tok tu olsem ol pipel i painim hat long lukautim ol long sait bilong kaikai tasol ol i helpim ol gut long wei bilong ol yet.

Wantok i kism toktok olsem PPC na ol provinsel atoriti i wetim tasol ol daireksen long Foren Afeas opis long Mosbi bilong wanem samting long mekim na tu sasim ol aninit long Imigresen Lo. Wantok i bin toktok wantaim wanpela opisa long Embasi bilong Saina long Mosbi na em i tok ol nogat toktok yet long mekim bikos ol Foren Afeas lain i wok long lukluk yet long dispela samting na ol bai i edvaisim ol. Em i tok ol Foren Afeas opisa i kism ol toktok yet long ol dispela bot pipel long traim painimaut wanem kantri stret ol i kam long en bikos i nogat ol kliapela toktok long soim olsem ol i kam long Saina.

Wantok i no bin kism toktok long Foren Afeas opis bikos ol bikman i bisi o i stap aut long opis. Na wankain tu wantaim PPC bilong Kimbe.

Gavman oraitim K100 milien long Is Sepik na Sandaun provins rot

NESENEL Gavman i orait long givim K100 milien long stretim rot namel long Tounumbu long Is Sepik i go long Lumi long Sandaun provins.

Trenspot Minista Sir Pita Lus i tokaut olsem Nesenel Eksekutiv Kaunsil (NEC) i bin oraitim dispela rot bihain long ol wokman bilong Trenspot Dipatmen i pinisim ol pepa wok bilong mekim kamap dispela rot projek.

Sir Pita i tok dispela rot em bikpela samting bikos em bai

givim sevis na helpim long ol ilektoret olsem Yangoru Saussia, Maprik, Wosera Gawi, Ambunti Drekikier na Aitape Lumi long Sandaun provins.

Dispela rot em ol olupela Gavman i no bin mekim wanpela samting long em inap dispela yia.

Sir Pita i tok em i amamas long Gavman bilong Bill Skate na lairo Lasaro na ol Gavman memba long luksave long dispela rot bilong ol pipel bilong Is na Wes Sepik long sapotim

na tok orait long mekim kamap.


Dispela rot bai ol wokman i stretim na putim kolta long en na mekim em i kamap olsem wanpela bikpela nesenel rot insait long kantri.

Sir Pita i tok singaut tu i go long ol manmeri bilong Is Sepik na Sandaun provins we dispela rot bai ron long hap bilong ol long givim sapot na wanbel long dispela rot i mas kamap long helpim ol wantaim sevis na developmen.

Dispela bikpela rot bilong Tounumbu na Lumi i karamapim tu ol arapela liklik han rot olsem Haifil Pawi rot, heifil Lainga rot, Balif Lainga, Balip Ambunti, Wawasi Swain Lumi na Drekier i go long Ambunti rot.

Sir Pita i tok nau em bikpela wok bilong em long hariap painim mani bilong mekim dispela rot i kamap tru na i mas pinis gut long sevim tupela provins, Is Sepik na Sandaun provins.

Helpim mani bilong Aitape i no stap klia



• Sandaun Gavana John Tekwie

JASON TAU i raitim

Sandaun Gavana John Tekwie i tok Nesenel Gavman i no bin mekim wanpela klia disisen long husat bai lukautim helpim mani bilong Aitape Tidel Wave.

Mista Tekwie i tok, helpim mani i bin kam long olgeta hap na Gavman i no bin wokim wanpela klia disisen long gavman o sios bai lukautim hepim mani na wokim wok bilong kirapim bek gutpela sindaun bilong ol pipel long Aitape.

Em i tok, Gavman bilong Sandaun na Katolik sios long Aitape i no bin yusim helpim mani long mekim wanpela wok olsem wokim nupela skul, haus sik, rot, bris na ol arapela samting bikos ol i bin wetim tok orait bilong Nesenel Gavman long tok orait long Katolik sios o nogat Sandaun provinsel gavman long lukautim helpim mani na mekim ol wok we ol pipel i nidim.

Mista Tekwie i tok, em i bin lonsim wanpela wok-sop pinis wantaim Sandaun Provinsel Gavman na Edministresen long wik i go pinis na ol i tok orait long Sandaun provinsel gavman bai lukautim ol helpim mani bilong Aitape na mekim wok bilong kirapim bek gupela sindaun bilong ol pipel long Aitape.

Gavana i tok, ol i bin wetim Nesenel Gavman long wokim disisen long husat bai lukautim mani tasol nogat wanpela maus man bilong Nesenel Gavman o Nesenel Eksekutiv Kaunsel i bin go long dispela miting.

Mista Tekwie i tok, wanpela maus man bilong Ostrelia tasol i stap wantaim ol long dispela miting na ol narapela ol stap wantaim em: maus man bilong Aitape Distrik Komiti, Aitape Daiosis Komiti, Sandaun Provinsel Gavman na Edministresen.

Em i tok, gavman na sios i paul long husat tru bai yusim mani long mekim wok ol i no bin yusim wanpela mani long helpim ol pipel.

Gavana Tekwie i tok, ol i no bin mekim wanpela wok olsem haus sik, skul, rot, bris o ol arapela samting kirapim bek gutpela sindaun bilong ol pipel.

Em i tok, K3 milien tu i bin stap long Treseri tasol ol i paul olsem em bilong Nesenel Disasta Dipatmen o Aitape Disasta na husat i yusim dispela mani, ol i no save.

Mista Tekwie i tok, ol memba i bin pilai politiks long Aitape Disasta na sapos mipela i wok long mekim olsem long Aitape, mipela bai no inap mekim gut long Hailens, Ailens o Papua taim sem kain samting i kamap.

UNISCO givim K23,000 long Hularina komyuniti long Is Sepik

FUZO PAUL i raitim

UNISCO i givim pinis K23,000 olsem namba wan hap mani i go long Hularina komyuniti insait long Is Sepik provins, bilong buildim wanpela Komyuniti Lening Senta.

UNISCO Jenerel Seketeri long Papua Niugini Misis Regina Kati na Peter Sepsi man husat i lukautim edukesen program bilong UNISCO long kantri i bin bungim ol komyuniti bilong Hularina long Fonde Jun 24 na i bin givim dispela sek mani i go long han bilong ol.

Bipo long Jenerel Seketeri bilong UNISCO i givim sek mani i go long han bilong Hularina komyuniti. Misis Kati i tokim ol pipel long komyuniti olsem dispela projek we Hularina komyuniti i kisim nau, em i Nesenel Projek.

Dispela em i namba wan projek insait long Papua Niugini na Esia Pasifik rijen olgeta.

Em i tok planti kantri insait long Esia Pasifik Rijen we Papua Niugini tu i memba, i bin laik kisim dispela projek, tasol Papua Niugini i bin laki long kisim dispela projek na Hularina Komyuniti i laki tru insait long Papua Niugini olgeta long holim na kisim dispela projek i kam insait long komyuniti bilong ol.

Em i tok gutpela bilong dispela projek i stap long han bilong komyuniti na em i bikpela samting tru long Papua Niugini na Esia Pasifik olgeta. Sapos Hularina



• UNISCO Jenerel Seketeri Regina Kati i givim K23,000 Sek mani i go long Daniel Holonga husat i makim Hularina Komyuniti. Foto: Fuzo Paul.

Komyuniti i bagarapim dispela projek. Papua Niugini na Esia Pasifik rijen olgeta bai bagarap, bikos dispela projek em i nesenel projek na tu em i pailot projek na sapos i bagarap, Papua Niugini na Esia Pasifik bai i no inap kisim moa fanding long kirapim bek o kamapim wanpela kain projek olsem gen insait long kantri na rijen olgeta.

Em i tok dispela projek we Hularina Komyuniti insait long Is Sepik i kisim nau long kamapim wanpela Komyuniti Lening Senta, em i pailot projek na i impotent tru long Papua Niugini olgeta.

Em i tok namba wan risos em pipel, Pipel i mas gat pawa, pipel i mas gat save

long rit na rait. Long dispela as tingting ol ovasis kantri olsem Japan i save putim mani long helpim ol developmen kantri long helpim developim ol yet, em i tok.

Man i go pas long Hularina komyuniti long toktok wantaim UNISCO long kamapim dispela projek Mista Daniel Holonga i givim bikpela tok tenkyu tru i go long UNISCO long givim dispela projek long Hularina komyuniti.

UNISCO i laikim namba wan hap bilong projek long building bilong dispela Komyuniti Lening Senta i mas pinis long mun Oktoba long dispela yia.

Laip spen bilong dipsela

projek em 3-pela yia na UNISCO i holim pinis K300,000 fanding bilong dispela projek sapos projek i ron gut.

Projek i gat 3-pela hap long em, namba wan hap em Hularina komyuniti i kisim pinis fanding bilong K23,000 long buildim dispela Komyuniti Lening Senta.

Misis Kati i tok moa tu olsem, bikos dispela projek em i Nesenel Projek we UNISCO i fanding, Gavman bilong Is Sepik i mas luksave tu na putim liklik mani insait long Provinsal Baset bilong em olgeta yia long sapotim dispela projek taim UNISCO i lusim o taim laip spen bihain projek wantaim UNISCO i pinis, em i tok.

BIG HI-WAY BEER

Paradise

NEW



Ol sumatin amamasim yia bilong God Papa

- Ol sumatin bilong Santu Bernard komyuniti skul i bin bilas tumbuna long makim Yia bilong God papa.
- 4-pela sumatin i karim baibel i go insait long haus lotu.

MARYANNE APINI i raitim

MOA LONG 150 skul pikinini long Santu Bernards Komyuniti Skul insait long Isten Hailens i bin bilas tumbuna long selebretim Yia Bilong God Papa.

Ol tisa na pikinini i bin bung wantaim long namba ten de long Jun na ol i bin wokim kainkain drama, pilai na singsing.

Ol i bin redi long selebresen inap long tu wiks.

Selebresen i bin stat wantaim drama na nambawan drama ol i mekim em 'God i kamapim olgeta samting long de wan i go inap long de siks long buk Jenesis'. Gret 1 i ektim de namba wan, Gret 2, ektim de namba tu na i go inap long Gret siks i ektim de namba siks.

Bisop bilong Goroka Daiosis, Bisop Francesco Sarego wantaim peris pris bilong ol Pater Mirek i bin go pas long misa. Pater bilong Tafeto peris, Pater Stan Michalik i bin stap wantaim ol tu long wokim vidyo piksa bilong dispela de.

Olgeta lain i bin amamasim long drama, pilai na singsing. Bilong pinisim dispela de, ol man i bin jasim ol pikini long tumbuna bilas bilong ol na ol i givim ol prais we peris pris i bin putim. Ol jas i bin jasim olgeta pikini na ol i givim pes prais (gol) i go long Skola Monda husat i wokim gret siks, secon prais (silva) i go long Devit Kinde husat i mekim gret tri na tet prais (brons) i gong Susan Ti husat i mekim gret 2.



Bisop bilong Alotau kisim bagarap

KATOLIK Bisop bilong Alotau, Bisop Sir Desmond Moore i wok long kamap orait long haus sik bihain long sampela raskol i bin paitim em long las Fraide.

Ol ripot i tok sampela raskol i bin go insait long banis bilong ol Sista na ol (Sister) i ringim Bisop long dispela samting. Na Bisop i bin laik go painaut taim wanpela man i kam long baksait na brukim botol long het bilong em.

Ripot i tok ambalens i bin kam na kisim Bisop i go long haus sik. Em i bin kisim marasin na slip long haus sik long ol dokta i lukluk long en. Long Sande em i go bek long haus na nau em i maolo i stap long haus bilong em.

Bisop Desmond i gat 71 krismas na long las wik tasol, Bisop Desmond i bin selebretim 29 yias olsem Biscop bilong Alotau.

Reveren Taval em Bisop bilong Rabaul

JASON TAU i raitim

Pop Jon Pol II i bin makim Reveren Patrick Taval olsem Bisop bilong Rabaul.

Bihain long Pop i makim Reveren Taval olsem Bisop, em i bin stap olsem Masta bilong ol Novis insait long PNG na Kongregesen bilong em i Misinari ov Sacred Heart ov Jisas.

Dispela nius i bin kamap klia taim Holi Si bilong PNG i tokaut long namba 2 de bilong mun Julai 1999.

Ol i bin karim Reveren Taval long April 5 1956 long ples Taranga long Rabaul. Em i bin pinisim komyuniti skul bilong em long

Vunavavur Katolik Paris na em i bin go long St Mary's hai skul long Vuvu. Bihain long hai skul bilong em long dispela hap, em i go long St Peter Channel Maina Seminari long Ulapia. Taim em pinis long hap em i joinim Kongregesen bilong ol Sacred Heart Misinari.

Reveren Taval i bin mekim nambawan promis bilong em long kamap misinari long Februari 111977. Stat long 1977 i go inap long 1982, em i bin skul long Holi Spirit Seminari long Bomana. Long 2, Februari 1983, em i bin mekim las promis bilong em bilong kamap pris na ol i bin makim em olsem pris long 8, Januari 1984.

Bihain long ol i makim em olsem Pater Taval, em i bin wok olsem

namba tu paris pris long Kimbe. Long narapela yia, ol i bin makim em olsem paris pris bilong Kaliai na em i wok long hap siks pela krismas. Bihain long dispela, ol i salim em i go long Tapo paris long Rabaul na em i wok long hap i go inap 1993. Long 1993 i go inap long 1996, em i skul stap long SAIDI Fomesen Institut long Pilipens.

Taim em kam bek long 1996, ol i bin makim em olsem Supirya na Novis Dairekta bilong Vunapau Sacred Heart Novitiet long Rabaul. Em i bin hamamas wantaim ol pipel long wok olsem pris i kam inap dispela yia taim ol i makim em olsem Bisop bilong Rabaul.

TU MINIT TINGTING



FRANK MIHALIC i raitim

Bilipim samting yu no inap lukim

LONG wanpela de wanpela dokta i askim wanpela pris olsem: "Pater, bilong wanem na oltaim oltaim yu save skulim ol pipel long ol i mas wok long sevim sol bilong ol? Ating yu bin lukim wanpela sol yet, laka? O ating yu bin harim wanpela sol i tok-tok? O ating yu bin smelim wanpela sol yet, laka?"

Pris i bekim tok olsem, Nogat. Mi no bin lukim o harim o smelim wanpela sol yet. Tasol mi bin pilim wanpela sol."

Nau dokta i tok, "Sore mai pren. Sapos ai bilong yu na nus bilong yu na yau bilong yu i no inap tok save long yu gat wanpela sol, orait, mi ting olsem: i nogat wanpela sol tru i stap. Yu driman nating."

Orait, nau pris i tokim dokta olsem: "Pren, yu dokta. Em i wok bilong yu long givim kain kain marasin slekim na tekewe olkain pen. Orait, long wanem taim yu bin lukim o harim o smelim wanpela pen? I no ken. Tasol sapos mi paitim pinga bilong yu wantiam hama, bai yu pilim pen na bai yu singaut. Olsem na yu save pen i stap? Yu no inap long lukim o harim o smelim em."

Yu saveman bilong pen. Yu save, pen i no driman nating. Yu inap pilim em tru, bikos em i stap.

Orait, i wankain long sol bilong yu. Maski yu no inap lukim sol, em i stap. Sapos yu tekewe sol, bai bodi bilong yu i dai na i sting olgeta.

Harim, mai pren. Sapos yu tok: yu no lukim wanpela samting bikos em i no stap, dispela tingting i kranksi. Yu no inap lukim hat bilong yu i pairap; tasol em i stap. Yu no inap lukim toktok i kamaut long maus bilong yu, tasol em i stap. Yu no inap lukim win i stap nabaut long yu, tasol em i stap na sakim ol lip na tri. Yu no inap lukim tingting i stap insait long kru bilong yu, tasol em i stap.

Olsem tasol, maski long yu no inap lukim sol bilong yu, em i stap. Olsem tasol yu no inap lukim God, tasol em i stap.



Hailans Nius

Simbu wetim nupela ediministreta

DIPATMEN bilong Simbu bai kisim nupela ediministreta long liklik taim tasol.

Provinsal Eksekutiv Kaunsil i givim 5-pela nem i go pinis long Dipatmen bilong Pesenol Menesmen (DPM). DPM bai glasim ol dispela nem wantaim save na ekspriens bilong na bihain askim Nesenel Eksekutiv Kaunsil long makim wanpela long kisim wok olsem ediministreta bilong Simbu.

Pastaim i luk olsem dispela man o meri kabinet i makim bai kisim ples bilong Ediministreta, Joe Bal olsem ekting ediministreta.

Mista Bal nau i stap long saspensin long sampela sas em i kisim long paulim mani bilong dipatmen. Em bai wet inap long ol i mekim wok painim aut na stretim ol dispela sas. Sapos em i nogat wanpela asua bai em i kisim dispela wok bilong em bek.

Tasol Wantok i save olsem Provinsal Eksekutiv Kaunsil i laikim bai Nesenel Eksekutiv Kaunsil i rausim Mista Bal olgeta long wok na makim wanpela nupela ediministreta bilong provins.

Long ol narapela stori, Simbu nau i gat nupela memba long Provinsal Eksekutiv Kaunsil.

Ol dispela nupela memba em:

Pater Louis Ambane (Gavana. Siaman Fainens long Simbu Holdings), Willie Kale (Deputi Gavana), John Kultu (Siaman Komes), John Posi (Works), Mathew Kewa (Helt), Paul Parunga (Fainens Asisten long Gavana), Robert Maima (Kalsa na Turisim), James Arnold (Edukesen), Danny Kunda (Lo, Oda na Jastis), Joe Gandhi (Lokol Levol Gavman na Pablik Sevis), Mary Kale (Yut, Wimens na Sios).

Kot oda long kaunim vot bilong Kagua Erave

PETER MAIME i raitim

NESENEL Kot i odaim Ilektoel Komisin long kaunim ol vot bilong Kagua Erave bai ileksen.

Dispela oda em bilong kaunim ol tripela bokis bilong Yalapala, bokis namba 55, Ronga bokis namba 23 na Karanda bokis namba 21.

I bin gat 79 balot bokis taim ol i bin kaunim ol vot long Mendi Kaunsil Semba. Tasol ol ileksen opisal i bin kaunim 76 bokis tasol. Tripela bokis i bin gat kompelen na ol i no bin kaunim.

Bihain long ol i kaunim 76 balot bokis, Charles Miru Luta i bin win wantaim 6973. Man husat i bin kamap namba tu em Daniel Bali Tulapi wantaim 6830 na man i go pas long kotim Ilektoel Komisin long ileksen, David Basua i kam namba tri wantaim 6362.

Ol narapela kendidet i kisim vot olsem:

Kenda Nakisi 5080, Komeali Kapo Ropa 2972, Yakó Mano 1709, Philip Kende 1153, Daniel Mugu 13 na Ray Rendepo Yandi 7.

Jastis Woods husat i harim

dispela kot bilong Mista Basua engensim win bilong Mista Luta i tok, i nogat wanpela asua long dispela tripela balot bokis na i odaim Ilektoel Komisin long kaunim ol vot i stap insait.

Sapos ol dispela 9-pela kendidet i kisim sampela ol vot long tripela bokis, ol dispela vot bai go insait na bung wantaim ol vot ol i kisim pinis long en.

Ol dispela namba bilong vot wan wan kendidet i kisim bai Ilektoel Komisin i bungim na bihain kisim i go bek long kot, na larim kot i mekim disisen long en.

Go bek long Goroka Seravo tokim Lafana

MINISTA bilong Lens na Memba bilong Henganofi, Viviso Seravo i askim Gavana bilong Isten Hailans, Damson Lafana long go bek long provins.

Mista Seravo i mekim dispela singaut bihain long em i harim olsem Mista Lafana i go stap long Cairns, Australia inap long tupela mun olgeta.

Taim Mista Lafana i stap long Australia na amamas long gutpela laip, wok long provins i pundaun.

Em i askim Mista Lafana long lusim Australia na go bek long Goroka na ronim provins.

"Mi toktok long ol bikipela rot prosek long provins. Provinsal na Lokol Levol Gavman i no inap long mekim wanpela samting bikos Gavana i no stap long sainim sampela ol pepa," Mista Seravo i tok.

Em i tok Asia Developmen Beng husat i sapatim ol rot prosek i bin stap long provins sampela taim i go pinis tasol ol i no inap long mekim wanpela samting sapos het bilong Provinsal Gavman i no stap long givim tok orait.

Tasol Fes Sekreteri bilong Gavana Lafana, Daniel Peter i tok Mista Seravo i rong long tok olsem Mista Lafana i bin stap long Cairns, Australia long tupela mun. Em i tok, Mista Lafana i bin stap long Australia long wanpela wik tasol. Em i tok nau em (Lafana) i stap long Madang wantaim ol narapela memba long fomim nupela gavman.

Mista Peter i tok ol toktok Mista Seravo i mekim long Gavana Lafana em tok politiks bilong em.

Goroka haus sik opim nupela autpesen wing



• Ol SDA Wimens Buela kwaia grup i go singsing long opening bilong Goroka haus sik aut pesen wing. Foto: Sape Metta.

SAPE METTA i raitim

GOROKA Bes Jeneral Hospital nau i gat nupela autpesen wing we bai ol pipel bilong Goroka na Isten Hailans i ken yusim long taim ol i painim sik.

Dispela autpesen wing i kamap bikos long bikipela helpim i kam long Nesenel Helt Dipatmen husat i bin givim moa long K214,000 i go long Goroka haus sik na haus sik bod i bin givim dispela mani i go long woks dipatmen long go het wantaim wok bilong bildim dispela autpesen wing.

Wok i bin kirap na stat long Ogus 1994 i kam long 1997 tu yias wok i bin stap bikos i no bin i gat fans long strongim wok go het long bildim dispela wing.

Long Janueri dispela yia PNG Gaming Bot i bin luksave long dispela hevi na kamap wantaim K150,000 helpim mani e ol i givim long Goroka haus sik bod na ol i skelim dispela mani na givim 88,000 i go long pinisim wok long dispela autpesen wing bilding.

Na Goroka haus sik bod i bin singautim na givim hona long man asples na Gavana Jeneral bilong PNG, Sir Sailas

Atopare long kamap na opim ipela autpesen wing we ol i kolim nau olsem Leonard Kaupa wing.

Planti manmeri na pikinini i bin kamap long witnessim dispela autpesen wing openim.

Ol bikman husat tu i bin kamap long dispela openim seremoni em Helt Minista Ludger Mond, Deputi Gavana bilong Isten Hailans Dufe Tivai, Goroka taun Meya Michael Gotaha na biknem bisnisman na siaman bod ov Dairektas bilong Goroka haus sik Sir Danny Leahy.



BOROKO MOTORS
Heading for the future!


Waigani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S

Madang Nius



Kurumbukari pipel amamas long Madang Gavana

BEN TAUMAI i raitim

OL MAUS man bilong papa graun long Ramu Nikel projek insait long Madang provins i tok amamas long Madang provinsel gavman long sampela plen em i bin mekim long givim sevis i go long ol papa graun bilong Ramu Nikel Projek.

Ol bikman bilong papa graun i tok amamas bihain long Madang Provinsel Gavman i bin bung wantaim ol na Madang provinsel administresen long 21 Me 1999. Astingting bilong dispela miting em bilong pinisim hap toktok bilong hau ol papa graun bai kisim kaikai bilong dispela Nikel Projek.

Ol maus man bilong papa graun i tok amamas long disisen bilong provinsel gavman na administresen bilong Madang na ol bai bung gen wantaim Highlands Pacific kampani husat bai developim dispela Ramu Nikel Projek.

Administreta bilong Madang, Clant Alok husat i bin stap siaman bilong dispela miting i tok, astingting bilong miting em bilong tok orait long olgeta samting ol tok orait pinis na lukluk gen long ol samting we sampela man i no bin wanbel. Em i tok, ol bai lukluk gen long ol samting ol sampela i no wan bel na traim sampela we long mekim olgeta man i amamas long Ramu Nikel projek i ken go het.

Mista Alok i tok, astingting bilong dispela miting em bilong mekim gutpela toktok na mekim gutpela disisen long mekim ol papa bilong graun, ol kampani, gavman, sios na ol arapela lain long kantri i amamas. Em i tok olsem taim olgeta i amamas, maining bai stat klostu olsem ol i bin plen pinis.

Ol maus man bilong asples long Ramu Nikel projek i bin amamas long ol planti samting Madang provinsel gavman na Administresen i bin mekim. Ol i bin tok orait long Royalti, Ikwiti distribisen na Spesel Sapot Gran.

Mista Alok i tok, ol bai lukluk gen long sampela liklik samting ol as ples i no bin wan bel.

Ol papa bilong graun i tok olsem olgeta samting stap long ples em bilong ol tasol ol i no bin giti long skelim kaikai we Ramu Nikel projek bai kamapim.

Ol i laikim 2% royalti i go antap long 4%, 5% Ikwiti i go antap long 15%. Ol i tok, ol bai toktok wantaim gavman na kampani long dispela 15% Ikwiti.

Sapos Orogen Minerals i no tok orait long 15% Ikwiti, Ramu Nikel projek bai no inap go het olsem we ol i bin plen pinis long stat.

Buduas stap wantaim hevi long Bogia Kea Senta

MOSIBU ALAUNG i raitim

BUDUA pipel long Manam Allan i stap yet long Bogia Kea Senta.

Ol dispela pipel i bin kam stap long kea senta, bihain long Manam volkano i pairap na bagarapim ples bilong ol.

Ol sios lida i komplem olsem laip bilong ol Budua i no gutpela tumas.

Haus bilong ol long kea senta i bruk daun, ol haus sel ol i kisim i sting pinis na planti i kisim sik malaria na pneumonia.

Brata Cassius Hirtz bilong Madang Asdaisos, husat i bosim saplai stua long Bogia, i tok wanpela rot tasol long stretim dispela hevi em long salim ol dispela lain i go bek long ples bilong ol.

Em i gat strongpela bilip olsem ol pipel bai stap orait long ples bilong ol. Em i tok

laip long kea senta i go nogut olgeta.

Brata Hirtz i tok em i no gutpela long holim ol pipel long kea senta bikos kain kain sik i ken painim ol isi tru.

Ol papa graun long Bogia tu i no larim ol Budua pipel long yusim graun bilong ol. As bilong dispela em bikos ol pipel long Bogia i no tingting bai ol lain long Manam i stap longpela taim long kea senta.

Norman Philemon, Dairekta bilong Madang Provinsal Disasta Opis, i tok ol Buduas husat i stap moa long tripela yia long kea senta i gat hevi tasol i nogat we ol i ken helpim.

Em i tok gavman na pipel long Madang i pasim ai na givim baksait long ol Buduas.

Brata Hirtz i tok ol Budua pipel i no inap long go bek long ples bilong ol bikos ol lain i stap long pawa i pret, nogut volkano i pairap gen.

Mista Philemon i tok ol pipel i no inap long go long ples bilong ol bikos volkano i bin bagarapim viles ol i kam long en.

Ol Budua pipel i save stap long wanpela bilong ol 5-pela viles long allan. Olgeta i kam stap long Bogia Kea Senta taim volkano i pairap long hap.

Ol pipel long narapela foapela viles i bin go bek long ples bilong ol.

Ol Buduas husat i tok, "Ol i tokim mi olsem i nogat moa mani long givim kaikai long ol pipel."

Em i tok gavman i bin givim sampela mani long Madang Asdaisos long lukautim ol pipel long kea senta pastaim tasol nau i nogat.

Ol Buduas husat i stap long kea senta long 1996 i kam inap nau i pilim olsem ol mas kisim sampela helpim long stretim hevi bilong ol.

Ol meri Manam wokim mani long bus bia

JAMES KALTOBIE i raitim


OL meri long Manam Allan i wokim strongpela bus dring long salim na kisim mani long lukautim famili bilong ol.

George Boli, wanpela komyniti lida long Boda viles long Manam Allan, i tok ol meri wokim iawa o strongpela dring long salim na kisim mani long baim ol samting bilong famili.

Em i tok ol meri i no wari long ol hevi dispela dring bai kamapim. Ol i salim ol dispela dring ol yet na i no givim long ol man bilong ol bikos ol i nogat bilip long man bilong ol.

Iawa em wanpela strongpela dring taim ol i miksim wantaim wara bilong ol prut, suga na ist bilong stua. Mista Boli i tok, ol lida man long Manam i bin traim hat long stapim dispela dring tasol ol i no inap bikos em wanpela isi we ol meri i ken mekim mani.

Wanpela meri i makim



• Graun i bin bruk long ol ples namel long Madang na Morobe provins long 1994. Tupela lapun i krai long lusim ol samting bilong tupela.

Almami Lokel Gavman, Jacinta Ginis i tok dispela hevi bilong iawa i mekim ol viles lida i wari.

"Mipela i gat hevi taim ol yanpela i dring na spak na taim ol i orait, ol i no save wanem samting ol i mekim."

Sampela ol yangpela man long Almami na Yawar eria long Bogia i tok iawa i as bilong sampela trabel olsem stil, kros long famili na ol pait. Mista Boli i tok iawa i ken kamapim pen long bodi, kamapim hevi insait long bel na ken givim strongpela tuhat long bodi.

Dokta Philip Base husat i ronim wanpela praivet klinik long Madang, i tok dringim iawa i no gutpela long bodi. Em i tok iawa i ken bagarapim ol sel long kru bilong ol man, ol sel bilong bodi na i ken bagarapim ai.

Mista Boli i tok dispela wok long kamapim iawa i bin stat long Kuluguma viles long Manam long 1986. Wanpela man long Kokopo long Is Nu Briten i soim ol man long wokim iawa. Dispela nem iawa i kam long nem bilong wanpela banana long Is Nu Briten we ol i save yusim long wokim ol strongpela dring.

Mista Boli i tok ol lain long Manam Allan i kam na skulim ol lain long bik ples Yawar na Almami long Bogia long wokim iawa. Ol samting ol i save yusim long wokim iawa em painapol, popo, mango, kokonat, wara bilong kako, kaukau, na tapiok.

Mista Boli i tok bihain long 1996, taim Manam volkano i pairap, planti pipel i bin salim iawa long mekim mani long baim kaikai na klos. Iawa prais i stap olsem, 'A' gret em K10 na 'B' gret em K5 insait long wanpela bia botol.

Madang pipel egensim VAT takis

PAULUS TALI i raitim

MADANG pipel i luk save pinis long hevi bilong Velu Eded Takis (VAT), na moa long 500 manmeri i no amamas long Gavman i kamapim dispela takis.

Enti-VAT Provinsal Fan Reising Kodineta, Mista Steven Andambo, tok awenes bilong ol long Madang i kamap, na moa manmeri i amamas long stopim VAT long provins. Mista Andambo tok dispela takis bai bringim hevi na wari kamap long ol

pablik sevis wokman na ol grasrut long ples. Madang pipel bin putim pinis K700.00 na bai ol putim moa kontribusen. Morobe provinsal gavman putim moa long K700,000.00, na Gavana bilong Isten Hailans provins Danson Lafana putim K10,000.00 long Mei-28, 1999. Ol tu sapatim tingting long rausim VAT takis. Ol mama bilong Madang Provinsal Kaunsil, o Wimen's putim K200.00 long stopim kempen ong provins. Siaman Mista Andambo, nau singaut go long 7-pela memba bilong Madang provins, olsem Jacob

Wama, Matthew Gubag, Gavana Jim Kas, Stahl Musa, Bernard Mollok, Tommy Tomscol na Deputi Gavana Pengau Nengo na arapela Madang memba long mas kam aut pablik, wantaim ol kaunsil presiden long mas tok aut long pablik long wanem gutpela o nogut bilong VAT.


Mista Andambo kisim pes bilong Madang pipel tok ol bai holim mini forum bung long Laiwanden na 7-pela memba mas kam aut tok aut long ol Madang pipel. Forum bai kamap mun Ogus. Mipela laikim sapat kontribusen bilong ol 7-pela

memba tu i go long ol bisnis haus, long inap kam na givim sapat na, helpim, kondineta Andambo i tok. Wanpela komiti memba bilong Enti-VAT Sam Kila, ol laikim 7-pela memba long kam tok aut, bilong wanem ol tok orait na VAT kam.

Mipela long Madang (VAT) singaut go long PM Bill Skate mas resain o nogat mas step daun em bai orait, Mista Andambo i tok.

Nupela takis o VAT bai apim ol takis i go antap long 10 pesen (%). Olgeta Provinsal gavman takis bai stop na dispela 10 pesen takis tasol bai wok. Nupela takis lo bilong VAT i kamap pinis long Fonde 1, Julai long las wik.


INGERSOLL-RAND® CONSTRUCTION & MINING




AIR COMPRESSORS



LIGHT COMPACTORS



HEAVY COMPACTORS





ROCK DRILLS



Niugini Limited

• LAE Aircorps Road Ph: 472 2444 • PORT MORESBY Morea Tobo Road Ph: 325 5766
• RABAU Malaguna Road Ph: 982 1488 • VANIMO Ph: 857 1437

Lae Nius



Ron haiwe long nait i gat birua

Strongpela tok lukaut i go long ol jenerel pablik na bisnis manmeri olsem ron long haiwe rot long nait ino sef o gutpela.

Dispela to lukaut i kam long Morobe Provinsal Rurel Plis Kodineta Inspekta Simon Yipam.

Inspekta Yipam i mekim dispela toktok bihain long ol raskol o stilman i wok long holim o stil long ol ka i ron long nait long haiwe rot.

Mista Yipam i tok long las wik wanpela ka bilong wanpela bisnismen long Wau i kisim kago long Lae na i go bek long nait taim na bungim birua.

Dispela ka i bin kuapim maunten namel long Bundun konferens senta na Zenag fam taim ol stilman i kalap

long ka na stilim ol kago.

Mista Yipam i singaut strong long pablik na PMV draiva na ol bisnismen long harim tok na noken ron long leit nait.

Dispela hevi i kamap planti taim pinis we ol plis i givim strongpela tok lukaut long noken draiv long leit nait.

"Tasol ol bisnis man i no wok long harim toktok na ron yet long nait", Em i tok.

Plis traim long helpim yuupela tasol dispela kain pasin en ino gutpela tumas. Em i tok.

Mista Yipam salim tok lukaut igo long ol dispela lain husat wok long mekim trabel mas lukaut long wanem taim plis i holim ol bai mekm save long ol.

Long wankain taimyet Inspekta Yipam

i tok long las wiken long ples Bua i bungim ol stilman mi stilim 40 hos pawa moto bilong kaunsel presiden bilong Labuta lokol level gavman kaunsel na i go salim.

Inspekta Yipam i tok dispela hevi tu em ino nambawan taim, planti i bin kamap pinis bipo na em ino amamas.

Em i tok planti stil pasin i wok long kamap long ol nambis ples bilong Morobe provins we ol pipel long ples mas was gut long oil samting bilong ol.

Ol man i wok long stilim aut bod moto na salim long liklik prais. Em i tok dispela ol lain husat i baim ol stil samting, bai plis i mekim save long ol sapos plis i painim aut o holim ol.

Christian askim ol Morobe lida long wokbung wantaim

OLPELA Primia bilong Morobe provins, Titi Christian i askim olgeta Morobe lida long haus palamen long tingim Prais Minista Bill Skate long ol bikpela helpim em i mekim long ol ilektoret Morobe provins.

Mista Christian i mekim dispela toktok bihainim ol raun bilong Prais Minista i go long ol ilektoret olsem Huon Galp, Bulolo, Kabwum na Lae we em i mekim sampela bikpela toktok long kamapim ol wok developmen long hap.

Mista Christian i tok long luk-save bilong em olsem olpela het bilong provins, Prais Minista Bill Skate i laik givim helpim long provins olsem na ol Morobe lida long palamen i mas amamas long dispela na wok klostu wan-

taim em bai em i ken mekim ol dispela wok i kamap tru bilong helpim ol Morobe pipel. Mista Christian i tok tupela krismas tasol i stap yet long narapela ileksen i kamap. Olsem na ol lida bilong Morobe i noken kalap kalap nabaut na wok klostu wantaim Gavman long pinisim olgeta wok na developmen we Gavman i laik kamapim. Bikos taim i sot nau, yumi no ken pilai politiks tumas, tasol yumi mas hariap long pinisim ol wok we yumi laik kamapim tasol yumi no pinisim gut yet, em i tok.

Em i tok ol Morobe lida long nesenel gavman i no kamapim inap helpim yet long ol pipel bilong provins olsem na ol i no ken seksek long politiks na mekim senis nabaut we i no inap

helpim ol na ol pipel bilong ilektoret. Olpela Morobe Primia i tok long kamapim vot i nogat bilip long Gavman em lo i tok orait long ol i ken mekim. Tasol taim Gavman i senis, ol inap kamapim wanem kain bikpela helpim na sevis long ol pipel na kantri insait long tupela krismas tasol, em i askim.

Em i tok sapos Prais Minista Bill Skate i bin mekim ol gutpela helpim pinis long ol pipel bilong Morobe, yumi no ken kisim ol samting bilong em na ronawe long em. Dispela i no pasin bilong yumi ol Morobe.

Em i askim olgeta Morobe lida long bung wantaim gut na pinisim gut dispela taim bilong palamen inap yia 2002 we ol i ken go bek gen long ileksen.

Papagraun laikim kompensesen long Aseki stesin

DAMAIYA Len Grup long Aseki sab distrik insait long Morobe provins i laikim gavman long baim K82,000 long graun we nau Aseki Gavman stesin i stap.

Long wanpela leta ol i raitim i go long Lens Dipatmen Provinsal Edvaisa Mista Lawrence Billy, ol i tok sapos Gavman i no hariap long baim bihain long 3-pela mun bai ol pipel i pasim stesin. Wanpela mausman Chris Angkas i tok ol pipel bai kisim graun bek sapos gavman i no hariap long stretim ol.

Ol papagraun i tok olsem ol i bin givim graun i go long gavman long 1958, inap long dispela taim i kam nau i nogat wanpela pemen o mani gavman i baim graun.

Ol i tok, toktok bilong graun wantaim gavman i bin stat long 1987 long baim graun bilong ol we samting olsem K7600, ol i bin lusim long mekim ol pepa wok.

Ol papagraun i tok strong long gavman long noken mekim moa toktok long nusat tru i papagraun bilong Aseki stesin inap long ol i baim dispela kom-

pensesen. Tasol wanpela sos o wokman long lens dipatmen i tok graun long Aseki stesin em gavman i bin baim stret bihain lo, long taim bilong koloniel edministresen.

Wokman ya i tok i gat rekod i stap na ol papagraun noken haitim dispela. Dispela wokman i tok, "mipela i salim pinis aplikesen o pepa bilong Aseki stesin graun long (Gazette) o kamap rijista olsem nesenel graun aninit long nesenel lens rejistresen ekt. Dispela long Aseki stesin tasol i wankain tu long arapela stesin long Morobe provins.

Taim stet i tokaut olsem graun em nesenel graun, em bai givim sans long ol papagraun long givim ol fainol setelmen klaim bilong ol. Dispela sos o wokman i tok ol mani ol baim i no olsem kompensesen tasol i peim taim ol papagraun i ting em gutpela risen long mani ol baim long taim bilong kolonel.

Sos i tok tu olsem dipatmen i redi tasol long protektim interes bilong stet na Damaiya Lens Grup eksen em long nau kisim stet i go long kot we bikpela kot bai skelim.

Rot kontrekta ino mekim wok gut long Morobe provins

FRANCO NEBAS i raitim

Ol kontrekta long mekim rot mentenens na arapela kontreksen long Morobe provins ino mekim ol gutpela wok.

Kaunsel presiden bilong Aseki Lokol Gavman Thomas Pomase i bin kamap wantaim dispela mosen long Morobe Tutumang (Aseml).

Mista Pomase i tok olsem long las stupela yia long distrik bilong em long Menyarnya ol i bin bungim hevi long nogat gutpela ka dinasen na fan komitmen long ol kainkain kontrasen na mentenens.

Long dispela as kaunsel biong em laik long kamapim gutpelas sistem we i ken helpim long darim aut projek we bai helpim olgeta reru populasen. Em i tok wok ipatmen ino save skelim gut ol kontrekta bipo givim ol projek long ol we planti bilong ol dispela kontrekta ino save mekim gutpela wok.

Plati taim moa projek fan save go nating long baim kontrekta na nogat gutpela wok save kamap.

Arapela samting tu ol i lukim em opisa long wok divisen save sainim nating ol pepa bilong kontrekta long kisim mani na ino save go long projek ples na lukim pastaim sapos ol i wokim wok o nogat.

Em dispela hevi i kamap sampela yia pinis long distrik bilong en na ino long kamap gen long dispela yia. Tutumang i bin sapotim dispela mosen na i tok dispela em i tru long planti kontrekta save kisim mani nating na ino save mekim gut wok.

Gavana bilong Morobe, Luther Wenge i tok Tutumang bai makim wanpela komiti we wanpela memba bilong Tutumang bai go pas long en.

Dispela komiti bai lukluk long ol kontrekta na skelim gut bipo givim projek i go long karim aut wok. Planti memba bilong Tutumang i bin kamap wantaim planti tinging long dispela mosen.



Wanpela eksen drama bilong Duadua Tieta grup bilong Lae. Stail bilong ol i save mao yet na ol manmeri i save laikim tru long lukim ol.

The Leprosy Mission

long olgeta hap graun

i makim 125 krismas

long lukautim manmeri busat i gat sik lepra long Nem bilong Bikpela Jisas

"Wanpela man i gat sik lepra i kam long Jisas ... brukim skru na i tokim Jisas olsem, 'Sapos yu laik, yu inap long mekim me i kamap klin!!' Na Jisas i sori tru long em, na i putim han long em, na i tokim em olsem, 'Mi laik. Yu kamap kilin!' Orait wantu sik lepra i lusim dispela man."

Mat 1: 10-12

Pawa Marasin i autim tiket bilong sik lepra

The Leprosy Mission, P. O. Box 447, MADANG 511, Papua New Guinea

Hevi bilong mani mekim planti lusim siti

MATHIAS MALE i raitim

WANPELA bikpela bung i bin kamap long Mosbi long Morata long Sande 4, we ol i toktok long ol hevi we ol komyuniti i kisim taim stret long dispela yia 1999.

Namba wan samting ol i toktok long en em hevi bilong mani i mekim save long ol long sindaun na wokabaut bilong ol.

Planti pipel i lusim Mosbi na go bek long asples bilong ol bikos hevi bilong mani nau i go antap tuma na kainkain hevi long famili na sindaun bilong ol i bagarap.

Pipel i lusim Mosbi bikos prais bilong ol kaikai na kolos na transport i antap tuma na ol mani olsem

K100 i kamap olsem K10 taim ol i baim ol samting. Long dispela hevi tasol planti i lusim siti na go bek long wanwan asples bilong ol.

Long dispela bung yet, moa long 100 pipel bilong Hailans wantaim ol bisnisman tu i bung na toktok long ol dispela hevi we i kamap. Ol i toktok strong long bai ol i lusim siti na bihainim ol wan poroman bilong ol, ol i go pinis long ples.

Planti long ol PMV bas papa tu ol i tok ol i kisim taim tu long ronim dispela bas sevis bikos fuel na oil na ol pats prais i go antap na ol i les pinis long ronim o givim bas sevis i go long pablik.

"Ol i tok olsem planti bas bilong ol i go pinis na ol i ronim PMV bas sevis long Hailans haiwe. Ol i tok nau yet ol i salim ol haus na propeti bilong ol na i laik go long

ples bilong ol.

Planti ol PMV bas tu ol papa bilong bas ol i salim pinis na planti ol i tok sori long ol pablik we save kisim bas sevis olsem i no ol i mekim nating tasol mani problem i mekim na ol i les pinis long ronim bisnis long siti nau.

Long dispela bung ol Hailans komyuniti long Morata na ol bisnisman i tok, ol i lukim na pilim tru pawa bilong mani i kisim ol stret na ol i pasim pinis planti bisnis bilong ol. Ol i tok bipo ol i lukim na holim tru mani tasol nau i no olsem bipo 'kina' i lus na daun olgeta.

Long dispela bung yet wanpela bisnisman Simon Komb i tokim ol komyuniti olsem ol i mas lusim Mosbi bikos hevi bilong mani i kamap bikpela na givim hevi long sindaun na wokabaut bilong ol

famili, komyuniti, kristen, bisnis haus, kampani sampela ol gavman lidas na Papua Niugini olgeta. "I gutpela yumi go bek long asples bilong yumi wanwan na kamapim gutpela sindaun bilong yumi na stap long asples bilong yumi," Mista Komb i tok.

Em i tok moa olsem em i salim pinis ol PMV bas na wanpela stua bilong em na salim tupela bas wantaim ol meri pikinini go pinis long ples. "Em bai weit liklik taim em i salim haus na eria bilong em na bai lusim Mosbi," Mista Komb i tok. I gat planti as tru long lusim Mosbi o ol taun na siti bikos hevi bilong mani mekim na laik i hat tru long kain ples olsem siti na taun.

Long dispela bung long Morata, moa long 100 manmeri i bung na ol i tok yes long planti laik lusim

Mosbi na go bek long ples bilong ol. Nau yet planti komyuniti ol i stat salim haus na propeti bilong ol long daun prais o liklik prais tasol.

Narapela bas papa tu i tok, ol bas bilong em ol i raun nating westim disel na oil na ol i no karim mani olsem ol i mekim bipo.

Em i tok bipo ol bas i save kisim mani i kam long haus. Em moa long K170 i go K200 long de tasol nau K60, K70 long de na long dispela as em i tok em i laik salim ol bas na go long ples, Mista Philip i tok.

Mista Philip i tok, em i tok tenkyu na sori i go long ol pablik husat i raun long ol bas bilong em long ol yia i go pinis. Em i tok ol pasindia i no peim bas 50t 40t, ol i baim 20t, 30t bikos ol i kisim hevi long mani tu.

Kempen bilong VAT kamap gut

FRANCO NEBAS i raitim

NESENEL siaman bilong Enti VAT kempen Roy Miringke i amamas long raun bilong gavana bilong Morobe provins Luther Wenge long VAT kempen insait long ol provins.

Mista Miringke i tok raun bilong ol long Hailans rijon i bin namba wan stret we planti pipel i bin givim bikpela sapot na helpim.

Long las wik we Gavana Wenge i bin wokim wokabaut bilong en long Westen Hailans na Simbu provins bihain long askim bilong ol pipel i lukim bikpela kamap bilong ol manmeri na pikinini. Long Simbu Gavana

Louis Ambane i bungim ol komiti bilong VAT na givim K10,000 i go long helpim kos bilong kot we Morobe Gavana laik kisim gavman i go long kot. Wankain helpim tu bin kam long Gavana bilong Isten Hailans Mista Damson Lafana husat gavman bilong en i givim tu K10,000 i go long dispela wok.

Mista Miringke i tok ol VAT komiti long olgeta hap kantri i wokim fan reinis na kamapim mani inap olsem K40,000 tasol namba bilong mani bai go antap long K90,000 long nek wik.

Dispela em i no wantaim mani K10,000 we bai kam long 28 Lokol Levul Gavman Kaunsil Presiden bai givim. Ol bai kamapim totol olsem K280,000 i go long dispela VAT kempen, Miringke i tok.

Tupela sumatin bilong Maris Oda mekim las promis


SAMUEL K PAPSII i raitim

Tupela sumatin bilong Maris Kolis long Katolik Tiolojikal Institiut (CTI) long Bomana i mekim las promis long stap memba bilong ol lain Maris Misinari na mekim wok bilong Bikpela Jisas i go inap tupela i dai. Bruder Justin Ratsi na Bruder Paul Wa'abu i mekim las promis bilong tupela long Sarere 26 Jun, long Holi Spirit Seminary ausait long Mosbi. Moa long 100 manmeri na wan lain sumatin bilong ol i bin kamap long witenesim. Na Darekta o rekta bilong Maris kolis i makim bikpela bos bilong ol long Rom na kisim promis bilong tupela.

Tupela ya i mekim fainel yia (yia 6) skul bilong ol long kamap pater. Na dispela em i mak bilong redim ol yet long narapela level long kamap diken na pater we em olgeta misinari oda i save mekim. Bruder Justin Ratsi, em i bilong Hanahan peris long Buka. Em i bin painim hevi bilong mani long baim hai skul fi long Gret 8 na i go stap long ples.

Taim em i go stap long ples, em i wok olsem katekis long peris bilong em. Em man i no save les long wok na skul. Long de taim, em wok olsem katekis na long nait em i sindaun olsem sumatin na tisa bilong em yet long C.O.D.E stadi.

Na bihain em i go long Sanel Kolis long Rabaul na pinisim Gret 11 na 12 long 1990 na 1991 bipo long em i kam long Katolik Tiolojikal Institiut long Bomana. Bihain long em i kamap pater, Justin i laik kamap misinari na wok long autim tok bilong



• **Tupela Bruder Justin Ratsi na Bruder Paul Wa'abu i katim kek long makim amamas de bilong tupela taim tupela mekim promis long wok bilong tupela.**

Bikpela long narapela hap bilong graun olsem long Afrika o Amerika.

Bruder Paul Wa'abu, em bilong Kirakira peris long Sen Kristobal Ailan long Solomon Ailan. Bipo long em i kam joinim ol Maris, em i bin wok Sevenpela yia wantaim Wes Pek Beng long Honiara. Bihain em i tingting i go bek long laik bilong em kamap pater taim em i stap long hai skul. Bruder Paul i tok long nambawan taim ol Maris i kam long Pasifik, ol i kam pastaim long ailan bilong em long Sen Kristobal long yia 1845. Na sampela yia bihain ol i kam long PNG. Long wanpela o tupela yia bihain Bruder Paul bai i kamap nambawan pater bilong Sen Kristobal. Dispela em bihain long 154 yia nambawan Maris

misinari i kam kamap long ailan bilong em. Tupela ya i no bilong wanpela kantri, nogat. Tupela i bilong PNG na Solomon Ailan na nau ol i stap wantaim ol Maris. Dispela grup misinari i gat ol wokman misinari long planti hap bilong wok.

Dispela oda i kisim nem bilong ol bihainim nem bilong Santu Maria na ol i kolim "Maris". Na wok bilong ol insait long Katolik Sios, em long "bihainim pasin na stap bilong Mama Maria long stat bilong Sios long taim bilong ol aposel. Wok bilong ol em long sapotim sios wok insait long ol lokol misin na peris we ol i wok na stap long en". Na long wanem hap ol i go wok, ol i save kisim asples lain na trenim ol long kamap misinari.

Vanimo pipel sutim tok long plis

FELIX RAMRAM i raitim

OL komyuniti insait long Vanimo, Sandaun provins i mekim wanpela petisen na putim olgeta hevi bilong lo na oda we i wok long kamap i go antap long plis insait long provins.

Olpela plis opisa na komyuniti lida bilong Vanimo, Bob Talis i tok olsem maski Vanimo plis stesin i pas ol pipel i lukim liklik lain plisman i stap yet long Vanimo taun bikos ol plis ka i ron i go i kam i stap olgeta de long rot.

"Plis i noken yusim eskus olsem plis stesin i pas olsem na ol i no mekim wok.

Bikos plis i no mekim wok

bilong ol, pait i bin kamap we tupela yangpela bilong Wes Kos i kisim bagarap long bodi bilong ol".

Mista Talis i tokaut tu olsem planti ol plisman bilong Vanimo i nogat disaplin na tu ol i spakman. Pasin bilong ol long ai bilong pablik i no soim olsem ol i gavman opisa husat i holim ol spesel wok insait long komyuniti.

Em i go het na i tok, planti taim ol i save dringim strongpela dring long ol pablik ples tu. Na long pasin, ol i save kamapim pren wantaim pablik, i save hat long ol long mekim stret wok bilong ol long taim ol i mekim disisen.

Taim Dahli komyuniti lida Joshua Itinbien i tokim miting olsem planti taim ol plisman i

save larim ol trabel na bikhet lain i go fri taim ol komplek lain i lusim pinis plis stesin na go ausait.

Long dispela taim Provinsal Plis Komanda Sief Inspekta Manguva i tokaut olsem mani i as bilong gutpela operesen bilong plis insait long ful operesen, tasol em bai i traim long mekim sampela samting long amamasim bel hevi bilong ol Wes Kos pipel.

Bihainim displela ripot long miting, Sandaun Administreta Maran Nataleo i tokaut olsem em i amamas tru olsem dispela mas i bin kamap na i givim sapot long em olsem het bilong ednistresen long mekim samting long stretim gut sindaun bilong Vanimo taun na Sandaun provins.

WE WANT YOU TO READ THE INDEPENDENT KOKOPO & RABAUl READER'S COMPETITION

Keep this section to answer the questions to be found in The Independent on Thursday 8th July 1999 which will have a coupon you must complete and deposit at Anderson's Foodlands Kokopo by a.m. Monday 12th July.

- Prizes:**
- 1st Prize: K250's worth of Anderson's Foodland Vouchers.
 - 10 Prizes: Each K50's worth of Anderson's Foodland Vouchers.
 - 10 Prizes: Six months subscription to The Independent
 - 10 Prizes: Six months subscription to PNG Business.

- The clues:**
1. Think Independently
 2. Read Independently
 3. Weekly on Thursday's
 4. Best value for news & sports.

Conditions: Only residents of ENBP are eligible to enter. Staff of Word Publishing, its Distributors & Anderson's Foodland Kokopo not eligible to win a prize.

Narokobi i no laik toktok long Bogenvil hevi

JASON TAU i raitim

Ol lida na memba bilong Oposisen i no bin tok orait long Bernard Narokobi long toktok wantaim ol maus man bilong Bogenvil Pipel Kongres gavman.

Minista bilong Bogenvil Afeas, Sam Akoitai i bin askim Mista Narokobi long bung wantaim ol maus man bilong Bogenvil Kongres gavman na toktok long hevi kamap insait long Bogenvil.

Tasol ol lida na memba stap long Oposisen i tok long las wik Mande olsem, em i no gutpela long Mista Narokobi i ken toktok wantaim ol mausman bilong Bogenvil Pipel Kongres gavman, bihain long em yet i stap Oposisen lida na salensim gavman long kot olsem em i laik stapim provinsel gavman na eleksen bilong Bogenvil Pipel Kongres gavman.

Ol i tok olsem, sapos Mista Narokobi i bung wantaim ol lain bilong Bogenvil Pipel Kongres, em bai brukim lo na em i no gutpela piksa bilong em olsem wanpela gutpela lida.

Mista Narokobi i tok orait long toktok wantaim Bogenvil Pipel Kongres gavman bihain long kot i no bin wokim wanpela disisen long ol pepa we em i bin putim pinis long stapim Bogenvil provinsel gavman long liklik taim tasol na stapim Bogenvil Pipel Kongres gavman long kamap. Tasol bihain em i tok nogat gen long go long dispela bung.

Tekwie laikim moa wok painimaut long Tsunami

JOE KANEKANE i raitim

GAVANA bilong Sandaun John Tekwie i tok em i no bel pulap long ol wok painim aut i kam long ol save man husat i painim long as bilong dispela tsunami o solwara i birua wei i kilim planti pipel long Aitape.

Mista Tekwie i tok ol i ripot i wok long kam long em tasol nogat wanpela toktok i mekim klia tru as we dispela tsunami i bin kamap. Em i tok taim em i bung wantaim ol pipel long dispela hap stori ol i wokim em i narakain long ol stori we ol niuslain i wok long toktok long ol raun.

"Taim mi sidaun wantaim ol lain na mipela i stori, mi kirap nogut long harim olsem ol bagarap ol i kisim em i moa long bagarap we ol lain bai kisim. Mi bilip olsem i gat planti wok painimaut i stap yet na gavman i mas putim moa savelain i go long hap," em i tok.

Mista Tekwie i tok em i laikim sampela saveman bilong ol ovasis kantri long kam na ol yet i mas mekim dispela wok painimaut long wanem em i bilip olsem ol lain we gavman i makim ol i no mekim gut wok bilong ol. Em i tok planti ol pipel long hap i kisim bagarap we i luk olsem paia i bin kukim ol, na planti bilong ol em lek han i bruk tasol dispela i nogat wanpela bekim i kam bek ol saveman.

Mista Tekwie i tok ol pipel i wok long stori olsem ol i bin lukim kainkain ol masin i plai antap long skai na tu sampela kain samting i no save kamap long solwara i kamap pastaim long dispela birua i kisim ol.

"Sapos dispela ol kain stori i kamap long maus bilong ol lain husat i kisim taim, ating gavman i mas luksave na kisim nupela savelain long kam wokim sampela wok painimaut," mista Tekwie i tok.

Mista Tekwie i tok tu olsem em i no wanbel long pasin we nesenel gavman i wokim long tok save long wanem lain bai go pas long ol retoresen program. Em i tok nau yet provinsel gavman wantaim ol misin i wok long pait namel long tupela yet long husat tru bai go pas long mekim ol dispela wok.

"Ol lain i givim donesen mani i laik save wanem grup i go pas pastaim long ol i givim mani, na tu ol i laik save ol rot we dispela ol mani i bin go long. Gavman i mas mekim klia sanap bilong em," mista Tekwie i tok.

Wok bilong plis i noken pundaun long mani

BUSTIN ANZU i raitim

DAIREKTA bilong ol plis bilong mekim ol wok bilong painim aut ol raskel i tokim olgeta seksen bilong plis dipatmen long noken sutim tok i go i kam na tok nogat mani long mekim wok.

Supirintenden Raffael Huafolo i tok, maski plis i nogat mani long lukautim olgeta seksen, wokman mas noken slek long wok.

Mista Huafolo i tok, olgeta seksen long plis dipatmen em i ki na ol bai senisim ol planti samting insait long ol wanwan seksen.

Long dipatmen bilong wokim wok bilong painim aut ol raskel, ol i gat planti seksen olsem: finga prin, potograps, dokumens na kraim sin.

"Mipela i nogat mani tasol mipela ino inap wet long wanem, ol pasin bilong birua i

kamap klostu klostu. na i no wetim mipela," Supirintenden Huafolo i tok.


Em i tok seksen bilong wokim wok bilong painim ol raskel i no bin ron gut bipo tasol nau planti ol samting bai senis.

Mista Huafolo bin mekim dispela toktok taim em i opim wanpela tude kibung bilong ol plis bilong wokim wok bilong painim aut raskel. Dispela kibung em i bin kamap long

las wik Tude long Melanesian Hotel long las wik Tude.

Astingting bilong dispela woksop em bilong mekim seksen bilong painim ol raskel kamap gut na strongim ol plis man bilong dispela seksen.

Ostrelia i bin givim mani long ronim dispela woksop na wanpela man bilong Darwin long Ostrelia yet i bin ronim dispela woksop.



• Ol plisman long Wewak sekim ripot we wanpela ka i kilim wanpela liklik pikinini long las mun. Poto: Fuzo Paul.

Vanimo asples laik rausim ol trabel lain

FELIX RAMRAM i raitim

MOA long 100 manmeri bilong Vanimo wes kos i givim wanpela petisen i go long Sandaun Edministreta, Maran Nataleo long Jun 30 long rausim ol bikhet man na bikhet pasin long Vanimo taun.

Petisen i tok strong olsem Edministresen i mas mekim sampela o nogat, ol Wes Kos pipel i redi long rausim ol bikhet lain insait long Vanimo taun na long ol setelmen.

Dispela samting i kamap bihainim wanpela pait i kamap long Vanimo pilai graun long Jun 26 we tripela spakman i bin statim na wanpela yangpela man i bin kisim bagarap na slip long haus sik.

Protes mas ya em ol Wes Kos pipel i go pas long en. Na ol i tokaut olsem, sapos i nogat kaikai long askim bilong ol, ol i redi long holim pasim ol trabel lain na bringim ol i go long plis sasin na lukim olsem plis i mas sasin ol.

Ol ripot i tok dispela samting i kamap bihainim ol trabel i kamap

planti taim i go pinis we plis i slek long stretim ol. Long wankain pasin tu, planti spak pasin em ol arasait lain, ol pablik seven wantaim ol plisman i save soim na mekim long ol pablik ples.

Ripot i tok ol manmeri husat i save spak ol i nogat rispek long wanpela na narapela na i save mekim planti tok nogut long pablik ples. Ol bikhet lain i save singaut na pusim ol narapela long givim ol mani.

Taim ol i givim dispela mani long ol, ol i yusim dispela mani long baim ol strongpela drink na spak brus. Long wankain taim tu i gat planti stil pasin i wok long kamap insait long ol haus long Vanimo taun.

Pipel long Wes Kos i gat bikpela laik long lukim olsem ol plis na pablik seven i mas trensfea na lusim Sandaun. Bikos planti bilong i stap longpela taim tumas na ol i no mekim gut wok bilong ol.

Sampela pablik sevens na ol plisman i save stap insait long ol dispela bikhet pasin tu.

Ol lida bilong Wes Kos i bin tokaut long dispela petisen olsem i gat tingting long mekim ol narapela samting tu i stap sapos edministresen na gavman i no mekim sampela gutpela samting bihainim dispela petisen. Petisin ya i tokaut olsem ol Wes Kos pipel wantaim sapot i kam long Bewani, Sohottio, Krisa, Ossima na ol narapela insait long Sandaun.

Ol bai i blokim Vanim Wutung rot na sanapim ol sek poin long sekim olgeta gavman na praiwet ka long ol trabel man. Ol bai blokim solwara na pasis long Vanimo na sekim o sip i karim ol pasindia.

Ol Wes Kos pipel i sanap strong long askim bilong ol long ol trabel man i baim kompensesen inap long K5,000 ausait long kot insait tasol long dispela 14 des taim. Dispela mani bai i stretim ol bagarap dispela tupela manki Wes Kos i kisim long dispela pait. Na wankain taim ol i givim 30 de long olgeta famili bilong man i go pas long pait olsem ogeta i mas kirap na lusim Vanimo taun.

Bikpela bung bilong ol AOG meri long Lae

BUNG bilong ol meri Asembli ov God lotu we i kamap long Lae, Morobe provins i long dispela wik i pulim moa long 4,000 meri in sait long kantri na ausait tu.

Bung i bin stat long dispela wik Mande na i gat ol meri long olgeta hap bilong PNG i stap long en wantaim tu ol dispela i kam long ol arapela kantri olsem Australia, Fiji na ol Esien kantri.

Dispela em namba faiv bikpela bung bilong ol AOG lotu meri we planti sios memba insait long kantri na ausait bai i givim toktok long en.

Het tok bilong bung em "Righteousness and Holiness." Dispela i min olsem Strepela na Gutpela pasin.

Ol ripot i tok ol meri long kantri na ausait i bin kamap long Lae stat long las wiken yet bilong redi long dispela bikpela bung bilong ol.


Nesenel Presiden bilong ol AOG meri Veronika Amnol i tok het tok bilong bung i mekim klia olsem ansa bilong ol trabel i karamapim lo na oda hevi na ol arapela hevi kantri i bungim long dispela taim em Jisas Kraus.

Em i bilip olsem ol meri em ol rait rot long karim dispela mesej olsem gutpela famili em i stat long gutpela sosaiti. na bikos ol meri i holim ki long haus, ol i gat bikpela wok long lukim olsem sosaiti we yumi stap long en i kisim Jisas i go insait long laip bilong ol.

BIKPELA TOKSAVE

LONG OL GUTPELA
STOAKIPA NA OL MANMERI.

PRAIS INO INAP GO
ANTAP WANTAIM VAT



20t

VAT wantaim

10t



VAT wantaim

MR STUAKIPA, TINGIM

PRAIS BILONG YU LONG
BAKSTUA WANTAIM 10% VAT
EM LIKLIK NAO TAIM YU BAIM.
NOKEN BAIM MOA!

Australia Rotary Klap helpim ol Koiari pipel wantaim nupela klinik

KENNEDY EDENE i raitim

KONSTRAKSEN long wanpela liklik klinik long Kagi insit long Maunt Koiari distrik long Sentrel provins i wok long go het gut tasol.

Dispela klinik o eid pos em ol lain bilong Australia Rotari Klap i wokim.

Siaman bilong Koiari Developmen Atoriti (KDA) Gerry Imiri i tok dispela projek em i

kam aninit long Kokoda Memoriel Program we em bai helpim planti ples long Kokoda Treil eria na dispela em wanpela nupela klinik.

Em i tok dispela helpim i kam aninit long ol helpim program we i save karamapim ol sevis olsem helt na edukesen.

Olgeta mani na ol samting bilong mekim kamap dispela haus sik i kam long Australia Gavman yet.

Dispela projek em wanpela long ol planti arapela helpim we dispela lain i bin wokim kamap

pinis olsem wanpela dabol klasrum we ol i bin mekim na i pinis long dispela yia.

Mista Imiri i tok KDA i amamas na tok bikpela tenkyu long Australia Rotary Klap long mekim kamap dispela ol projek bilong helpim ol pipel bilong Koiari eria wantaim Kokoda Treil.

Em i tok dispela lain grup i tokaut pinis olsem bai ol i go het yet long givim moa helpim olsem long ol pipel bilong Koiari eria long bihain taim.



• Nupela rot long Mosbi i wok long kamapim birua long ol ka na ol manmeri. Ol ka i save ron hariap long kamap. Long piksa, ka i bamim wanpela mama long Mei dispela yia long friwe rot.

Ol Daru plis na komyuniti bai lukluk long lo na oda

JOHN DAU i raitim

PLIS bilong Daru bai bung wantaim ol komyuniti insait long provins long neks mun bilong

stretim lo na oda problem long provins. Ekting Provinsal Plis Komanda, Inspekta Lavi Kasi i tok, plis bai kamap wantaim komyuniti polising. Astingting bilong dispela wok em bilong wok wantaim ol komyuniti long lukluk long ol lo na oda problem

insait long wanwan komyuniti. Inspekta Lavi i tok, dispela wok bai helpim ol komyuniti long kamapim gutpela sindaun.

Na long wankain taim, em i tok tu olsem Daru i no bin gat wanpela bikpela lo na oda problem long mun i go pinis.

Lamana Motel helpim ol turangu

PEKU PILIMBO i raitim

CHESHIRE Home i gat nupela kompyuta bihain long Lamana Motel i givim wanpela nupela kompyuta wantaim printa i go long ol dispela wik tunde.

Ol i bin yusim K4 500 long baim ol dispela masin.

Dispela masin bai helpim ol lain husat i maus pas long raitim wanem samting ol i laik tokim ol man na tu ol i bai pilai ol gems i stap insait long kompyuta.

Sue Darby, Nesenal Kapital Distrik Siameri bilong Red Cross i bin askim Lamana Motel long helpim ol man meri husat i no inap toktok long ol i ken raitim samting bilong ol narapela manmeri long ritim.

"Long planti hap i gat planti lain husat i lekhan nogut i stap tasol ol i gat gutpela het stap insait long wanpela bodi nogut olsem na ol ino save toktok wantaim ol arapela manmeri.

"Tasol planti bilong ol dispela lain i bin save long toktok wantaim narapela manmeri bihain long ol i lainim kompyuta na raitim daun wanem samting ol i laik tokim ol," Ms Darby tok.

Ms Darby i bin go lukim ol lain long Lamana Motel bihain long wanpela docta bilong Australia bin tokim em olsem kompyuta i bin helpim planti manmeri long rait na toktok wantaim narapela ol manmeri.

Em tok Lamana Motel i bin tok yesa long askim bilong em na ol i givim wanpela komputa, masin bilong prin na tu i gat ol kainkain samting ol i kolim program i stap insait long dispela kompyuta we yu ken pilai ol kompyuta gems.

"Nau bai yumi weit tasol na lukim, sapos wanpela laip bilong ol lain i kamap gutpela bihain long dispela kompyuta, dispela em bai wanpela gutpela samting tru," em tok.

Na Administreta bilong Cheshire Home, Jeffrey Philips i bin tok dispela kompyuta bai helpim ol lain tarangu stap long Cheshire Home long raitim leta, ol stori na tu long pilaim ol kompyuta gems.

Mr Philips tok dispela masin bai ol i yusim long givim wanpela trening program i go long ol 20 lain we istap nau long Cheshire Home.

Em bin tok tenk yu i go long Lamana Motel long kompyuta na tok Cheshire Home bai stap sapos i gat strongpela support i

kam long olgeta business haus i stap insait long Papua Niugini.

"Mi amamas tru long kisim dispela kompyuta we bai i makim ol lain i stap insait long hia long lainim wei bilong yusim kompyuta," em tok.

Em i bin tok tenk yu tu i go long Sue Darby husait bin i go lukim Lamana Motel wantaim problem bilong Cheshire home.

Em bin tok tu olsem ol i bin kisim wanpela kompyuta tu i bin kam long Jeneral Eksiden Insurens ol i wok long usim long edministresen wok.

Em tok tu olsem Active Engineering bin givim wanpela kar we ol i wok long yusim olsem ambulens long nau.

Em bin tok olsem Sir Mekere Morauta bin tok olsem em bai wokim wanpela haus bilong ol wokman na ol i weit istap.

Yiannis Nicolou, Jeneral Menesa na Sandra O'Toole bilong Lamana Motel i tok ol i givim dispela kompyuta bilong wanpela gutpela as we bai helpim ol turangu long lainim we bilong kompyuta.

Tupela bin tok olsem ol i save givim long ol narapela lain husat i gat wan kain problem na dispela i bilong helpim ol lain long komyuniti.

Lukaut long birua bilong sik malaria

Wanem em moskito koil?

Taim paia i kukim moskito koil, smok bilong em isave kamap na pretim ol natnat i stap longwe long hap dispela koil i stap long en. Sapos ol natnat i ron i go insait long smok bilong dispela koil, ol i ken dai. Ol dispela koil i no bikpela mani tumas na i gutpela tru long apinun taim ol manmeri i laik sindaun ausait long varena da o ausait long haus.

Malaria na filiarisis natnat i save kam long we?

Malaria na filiarisis natnat i ken kam long:

- klinpela wara o doti wara taim ol i slip raun o ron isi isi tasol.
- ol liklik han wara we i no ron strong, raun wara we i stap bihain long taim bilong ren i pinis, o nogat gutpela lukaut long wara.
- hap bilong tais o graun malumalum,

hap bilong planim rais na dram o tenk we wara i save stap long en.

- ol tin na hap dram we i raun na i ken bungim wara long en
- olgeta arapela samting we wara i ken bung na raun long en.

Tingim, natnat we i kaikai yu i save groa na kamap ausait long haus o ples mak olsem 2 kilomita long hap yu stap long en.

Rot bilong stapim natnat long i no ken kamap planti

Yu wantaim famili bilong yu i ken stapim natnat long i no ken kamap planti bihainim ol dispela rot.

- yusim wasan long pulapim ol raun wara o hap we graun i bruk na wara i bung long en arere long haus na banis.
- rausim olgeta tin na dram o baket samting we wara i ken stap long en.
- karamapim ai bilong ol dram na baket yu save bungim wara long en wantaim ai

bilong ol o moskito net.

• klinim na rausim olgeta ston na diwai long rot bilong ol liklik han wara bai wara i ken ron na i noken raun na i stap long wanpela hap.

• wara i ken bung o kamap raun wara sapos maus bilong ol tep i no pas gut o bagarap na wara i ron. Olsem na stretim dispela samting hariap.

Taim yu gat hevi, askim ol lokol helt woka long givim yu sampela tok skul na tok stia. Sapos em i no inap givim yu wanpela gutpela ansa hariap, yu mas lukim ol saveman bilong sik malaria stret long kisim klia save na tingting long ol.

Tingim, yu inap stapim na daunim hevi bilong malaria long ples bilong yu sapos olgeta manmeri wok bung wantaim long karimaut ol wok bilong dispela. Olgeta manmeri i mas wok bung wantaim long kontrolim hevi bilong sik malaria na pait wantaim ol birua bilong natnat.

Lukautim gut bodi long sik na birua

Putim ol pipia gut

Ol binatang i save stap insait long ol samting i doti. Yu bai kisim sik sapos yu no putim ol pipia gut. Ol binatang na rat nogut i save stap insait long ol hap i doti long en na mekim yu sik.

Yu noken putim sampela pipia long gaden tasol, sampela pipia olsem tin i gutpela tu long yusim bihain. Sampela pipia i no gutpela tumas em yu mas noken tromoi nabaut nabaut.

Putim pipia insait long wanpela dram i gat ai long en. Askim papa na mama long tromo pipia gut. Putim ol emti tin na botol gut long salim.

Helpim komyuniti na lukautim gut hap ples yu stap long en. Lukautim gut ol diwai na gaden, ol maket ples na tu, o ples bilong kisim PMV.

Yu mas lukautim o nambis, wara na ol pablik ples i stap klin.

Putim ol pipia long wanpela bek na tromoi ol gut long hap bilong tromoim pipia.

Tromoi gut ol pipia na mekim hap we yu stap long en i stap klin.

Pilai insait long hap we i nogat birua

I gutpela long yu pilai spot long wanem dispela inap helpim bodi na tingting bilong yu. Taim yu pilai, traim long abrusim ol samting we bai ol i no inap bagarapim yu

Noken pilai klostu long ples bilong kukim paia, hap we pawa lain i go long en, ples bilong kukim kaikai na sampela hap bilong haus we i no gutpela tumas long en.

Noken pilai klostu long ol dispela hap olsem rot bilong ka i save ron long en, ol baret na nupela rot masin i wokim long en, klostu long solwara na hap ples i pulap long ol longpela gras, ol rip na klostu long hap we ol bikpela sip i save kam sua.

Kisim tok orait long papamama bilong yu taim yu laik go pilai.

Noken go klostu long ples bilong kukim paia, klostu long windua na ol step long haus. Noken pilai klostu long rot. Yu mas lukluk gut long hankais na hansut taim yu laik brukim na katim rot, nogut wanpela ka i ron i kam.

Noken swim sapos yu no save long swim long wara. Kisim tok orait long papa na mama bilong yu sapos yu laik go waswas long nambis o raunwara.

Noken pilai wantaim ol samting we i gat sap long en. Nogut yu pilai wantaim ol na yu katim skin bilong yu. Lukautim gut ol dok na arapela enimol. Nogut ol i kaikaim yu. Lukaut gut taim yu go antap long diwai na taim yu kam daun. Nogut yu abrus na pundaun. Lukaut gut long ol pawa lain i bruk pinis na i stap. Toksave kwik long ol bikman taim yu lukim pawa lain i bruk na i stap long rot.

Pilai long hap we i gutpela na i nogat trabel o birua. Bai yu i no inap bungim taim nogut.

Bihainim rot bilong spesim pikinini

Planti manmeri ol yet i save long hamas pikinini ol i laikim tru long en. Wanpela bikpela as bilong dispela kain tingting i olsem ol papamama i laikim tumas olsem ol pikinini i mas kaikai na groa gut. Planti man na meri i wok long yusim famili plening long spesim pikinini. Ol meri tu i save yusim long stapim ol kisim bel klostu klostu.

Sapos wanpela famili i gat planti pikinini, planti hevi bai kamap. Em bai hat tru long lukautim ol pikinini na ol bai i no inap kisim ol kaikai gut. Planti pikinini em mama i save karim klostu klostu i no save groa gut na papamama i no save lukautim ol gut tu.

Taim mama i karim pikinini klostu klostu, dispela bai i no inap helpim bodi bilong em na em bai i no inap lukautim gut ol arapela pikinini.

Ol famili i as traim long helpim mama taim em i no laik karim pikinini moa. Kisim mama i go long wanpela famili plening klinik na kisim toktok bilong ol helt woka.

Klia gut long ol dispela samting taim yu laik spesim pikinini.

• I no wanpela rot bilong spesim pikinini i inap stret long olgeta man na meri long bihainim. Wanem rot yu ting i gutpela yu mas bihainim.



• Givim susu tasol long bebi.

Toktok gut wantaim man o meri bilong yu taim yu laik bihainim wanpela rot bilong spesim pikinini.

• Skelim gut wanem rot bilong spesim pikinini i wok gut long yu. Ol meri i ken yusim kain marasin olsem pil, IUD, na daiapram bilong spesim pikinini. Ol man i ken yusim kondom na ol narapela kain we olsem o bihainim kalenda bilong meri i gat sik mun, na rausim spem taim yu slip wantaim meri na spem i laik kapsait. Sapos meri i no laikim long karim pikinini moa, em i ken lukim ol dokta bai ol i pasim bel bilong em.

• Skelim gut wanem rot bilong spesim pikinini i moa gutpela long yu. Toktok wantaim ol helt woka na dokta long dispela.

• Bikpela toktok nau long famili plening em spesim pikinini. Yumi ken tok olsem yu yet skelim na mipela bai helpim yu.

Yumi mas tingting gut long ol pikinini. Olgeta i gat rait long kamap olsem wanpela pikinini em yumi olgeta i mas laikim em.

Lukautim yu yet gut taim yu kisim bel pinis.

Taim yu wet i stap long karim pikinini, i gutpela sapos yu bihainim gut sampela pasin we ol bai inap lokng belpim yu. Yu mekim olsem bai yu helpik yu yet na liklik bebi.

Kisim gutpela kaikai taim yu i gat bel na stap. Kisim planti slip. Toktok gut wantaim man bilong yu long helpim yu. Yu mas kisim gutpela toktok long ol narapela meri tu.

Yu mas go lukim wanpela dokta na helt woka kwik sapos yu ting olsem yu kisim bel pinis. Sapos ol i tokim yu olsem i tru yu kisim bel, yu mas bihainim ol dispela samting.

• taim ol lain long haus sik i tokim yu pinis olsem yu i gat bel, tokim man bilong yu hari-

ap. Man bilong yu i mas helpim na sapotim yu long olgeta samting.

• Kisim olgeta tambu sut long haus sik taim yu i gat bel.

• Go na lukim wanpela helt woka kwik sapos yu kisim blut, hevi bilong yu i wok long go bikpela na bel i pen. Noken kisim marasin long laik bilong yu yet.

• Kisim ol gutpela kaikai long helpim yu long olgeta de. Dringim planiti wara na suga ken, susu, na kulai bilong kokonas. Noken dringim bia, kopi na ti na noken smokim smok brus.

• Noken kisim X-ray long taim yu kisim bel igo inap 5-pela mun i go pinis.

• Noken go klostu long ol man na meri husat i gat sik nogut olsem misel na taipoid. Yu mas kisim tambu sut bai yu na bebi bai ino inap kisim sik bihain.

• Taim wanpela mun i stap yet long karim pikinini, yu mas malolo na slip gut. Mekim sampela liklik ekseksais olsem wokabaut long gaden. Wasim bodi wantaim sop na klinpela wara.

• Givim susu tasol long bebi.

• Spesim pikinini tupela yia bihain long yu karim narapela bebi gen.

Givim pikinini bilong yu gutpela taim, stat long stap gut.

Gutpela amamas na sindaun long famili

I gat 7-pela bikpela rot bilong helpim long mekim famili i amamas na stap gut egen-sim ol sik.

• Gutpela klinpela ples wantaim klin toilet we ol manmeri i save wasim gut han bihain long ol i yusim toilet.

• Gutpela klin wara saplai na ol manmeri i save waswas gut olgeta de wantaim sop.

• Yusim taunam we i gat marasin bilong kilim natnat na ol binatang.

• Sekim klinik olgeta taim long ol sik na hevi long bodi na kisim sut bilong imunaisesen long sevim ol liklik bebi na mama.

• Givim gut kaikai long ol bebi na kisim ol gutpela na strongpela kaikai bilong ol mama i kisim na kisim strong.

• Save long ol rot bilong stapim kus na pekpek wara long haus pastaim long yu ken kisim pikinini wantaim ol dispela sik i go long haus sik.

• Yusim gut famili plening long spesim gut ol pikinini bilong yu.

• Ol papamama bilong gutpela amamas famili i save yusim ol rot bilong famili plening. Olsem na bilong wanem em i gutpela long spesim ol pikinini long famili em gutpela?

• Bai igat inap kaikai na ol samting bilong ol pikinini na famil i ken kisim gut na serim gut long ol yet.

• Mama i ken kamap strong bikos em inap kisim malolo na kisim bek strong bilong em bihain long em i karim pikinini.

• Ol spes long haus na rum i ken i gat inap spes long ol pikinini na famili i slip gut na kisim gut win.

• Long wanem hap moa yu ken kisim ol skul na save long lainim gutpela famili plening na tu traim ol sampela rot bilong famili plening?

- Long ol klinik
- Long ol helt senta
- Long ol eid post.

I no olgeta famili long ol viles i save stap gut na amamas. Olsem na wanem ol as we ol famili no save amamas na bungim ol sik?

• Bikos i gat planti pikinini i kamap klostu klostu long narapela narapela

• I nogat inap kaikai long ol bikpela famili olsem na ol i hangre, sik, kamap bun nating na lusim skin.

• Ol papamama i no save yusim rot bilong famili plening.

Yu save long sampela rot ol papamama i ken yusim o bihainim long ol i no ken kamapim pikinini, klostu klostu?.

• Yusim pils (tablet) lup (rop), sut na arapela rot moa we dokta na nes i ken toksave long en.

**FRI BAIBEL
KOS
LONG PAS**

I kam long wanpela pren long America sapos yu laikim fri kos salim nem na adres igo long:

**WOL BAIBEL SKUL
WBS - PNG 12, P.O. Box 9346,
Austin, TX 78766 USA.**

Kaiabe laikim ges projek i mas strong

SIAMAN bilong Nesenel Ges Kopresen Alfred Kaiabe i askim nesenel gavman long strongim poroman wantaim Saina bikos Saina em maket bilong ges prodak bilong Papua Niugini.

Mista Kaiabe i tok sapos PNG gavman i laik mekim wanbel o poroman wantaim Taiwan, em bai i no inap sapatim bikos Saina tasol bai baim ol ges bilong Papua Niugini we mani bai i kam long kantri.

Mista Kaiabe i tok ges em bikipela risos tru bilong kantri bikos em bai kamapim planti bikipela bisnis na wok bilong kantri long bihain.

Siaman bilong Nesenel Ges Kopresen i tok ges bilong PNG we i kam long Kutubu bai strongim ol bikipela bisnis olsem fektori na masin bilong wokim ol kaikai na planti samting we PNG yet bai kisim na yusim na i no ken baim moa long narapela kantri.

Em i tok wok bilong ges em bikipela samting tru bikos planti bikipela kantri olsem long Asia i save yusim ges long olgeta wok bisnis bilong ol na ges i pulim planti mani long kantri na ekoriomi bilong ol dispela kantri.

Mista Kaiabe i tok tru bai ges bilong PNG bai i go daun long Kwinsien long Australia, tasol PNG yet i mas strongim lo na agrimen long holim bek sampela ges bilong em long kamapim ol wok na bis-

nis bilong em yet long hia.

Mista Kaiabe i tok laik bilong ges bai i stap longpela taim moa long kantri taim arapela mineral i pinis long bihain. Na ges bai strongim kantri long pulim mani na kamapim planti arapela helpim na bisnis developmen long

kantri, em i tok. Mista Kaiabe i tok gavman i mas luksave long dispela bikipela mineral kantri i gat na sanap strong long strongim ol lo na wok bilong mekim dispela mineral i wok gut long lukautim kantri long bihain.

Dispela ges bisnis em nesenel gavman i

bin pasim tok pinis long las yia olsem olgeta provins i mas gat nem o sea long en. Olsem na ol i makim 10 pesen (%) long wanwan provins long baim sea bilong ol we dispela kampani o Nesenel Ges Kopresen em bai sanap olsem bisnis

bilong olgeta provins gavman insait long kantri. Na ol mani i kam o profit i kamap long dispela ges bisnis long Kutubu long Sauten hailans provins bai i go long olgeta provins gavman we ol i ken skelim long ol wok developmen bilong ol provins bilong ol.

Daru ples balus i bagarap

PLES balus long Daru, Westen provins i stap long hevi nau na i no inap long kisim ol bikipela balus moa. Dispela ples balus em ol i bin wokim long 1967 na i save kisim tasol ol liklik balus we i liklik long Des 8 balus.

Ples bilong balus i ron antap i bagarap olgeta long ol krismas i kam i no moa gutpela long ol balus i ron long en. Longpela bilong dispela ples balus i olsem 300 mita.

Minista bilong Sivel Eviesen (wok bilong ol balus) Kala Swokin i tok ol balus i save karim kago i no gutpela long pundaun na ron long dispela hap ples

balus bikos rot bilong balus i bagarap na bruk nabaut pinis. Olsem na bikipela wok bilong stretim ples balus i mas kamap long stretim dispela samting, Minista Swokin i tok.

Mista Swokin i tok wanpela tingting nau long larim ples balus i op yet em long larim tasol ol liklik balus olsem Des 6 o Twin Ota (liklik balus) tasol long ron i go kam long dispela hap ples balus. Na i no ol bikipela na hevi balus.

Mista Swokin i tok opis bilong em (Sivel Eviesen) i askim opis bilong Nesenel Plening na Implementesen long askim helpim i kam long AusAID

(Australia helpim program) long givim sampela moa mani bilong stretim dispela ples balus. Australia (AusAID) i gat dispela helpim mani bilong stretim ol ples balus insait long kantri.

Minista Swokin i tok opis bilong Sivel Eviesen i wok long wetim yet bekim bilong askim ol i bin mekim.

Tasol long dispela taim yet, opis bilong Sivel Eviesen i kamapim rot bilong salim ol kago na masin i go long stretim dispela ples balus long Daru bikos i nogat masin na ol samting bilong wok wantaim long karimaut ol wok long hap.

COFFEE INDUSTRY CORPORATION LTD INDUSTRY AFFAIRS DIVISION PRAIS BROADCAST WAN WAN WIK						
WEEKLY MARKET PRICES FOR BROADCAST						
					DATE:	07-05-99
SUMMARY					SERIAL NO:	05-09-98/99
Average prices (t/kg) as at:						
		07-05-99	Range	28-06-99	June	
ARABICA:						
Green Bean	Y1	347	320 to 370	396	426	
(DIS LAE)	Y2	NQ	NQ	NQ	NQ	
	X	371	340 to 430	426	475	
	A	403	380 to 455	451	504	
PARCHMENT:						
	Class 1	239	180 to 295	286	286	
(Factory Door)	Class 2	221	160 to 285	241	249	
	Class 3	175	120 to 210	219	237	
CHERRY: (Factory Door)						
		75	-to 75	68	66	
ROBUSTA:						
Green Bean		250	-to 250	NQ	268	
Parchment		173	170 to 180	180	157	
Cherry Indicative		N/A	N/A	N/A	N/A	
NEW YORK "C" CLOSING						
Other Mild Arabicas						
US cents/lb		97.95		105.3	111.8	
One Kina=US\$		0.366		0.390	0.393	
Tona/Kg:-						
	Without discount/premium	590.01		595.25	626.91	
	With discount of 10 cents/lb	511.70		533.07	570.86	
Y-grade (Gross F.O.B. Lae)	(1)	511.70		533.07	570.86	
Levy on (1)	(2)	26.00		26.00	26.00	
Y-grade (Net F.O.B. Lae)	(1-2)	485.70		507.07	544.86	
Indicative						

MAKET TOKTOK

Las wik Septemba kopi fiusa long Niu Yok i go daun 7% long wanem i luk olsem bai i nogat kol win na ais long Brazil long dispela wik. Wantaim dispela i gat holido long USA na plenti ol wokbisman ol i malalo long Fraide.

Insait long PNG, prais bilong Y-Gret FOB i go daun 4% long las wik, na prais bilong DIS-Y Gret go daun 12% na prais bilong parsimen kopi long faktori dua i go daun 10% long wanem ol prais i bihainim rot bilong ol fiusa prais long Niu Yok.

Ol i bungim fiusa prais na eksens ret na kamapim FOB prais. Tasol prais bilong wan wan ekspota i no wankair.

Prais long dua bilong fektori (t/kg)					
PARCHMENT RANGE					
					07-05-99
					05-09-98/99
Wik i stat: 07-05-99					
		ARABICA			CHERRY
		CLASS 1	CLASS 2	CLASS 3	RANGE
AREÁ					
NATIONAL		180 to 295	180 to 285	120 to 210	170 to 180 -to 75
KAINANTU		280 to 295	NQ	NQ	NQ
GOROKA		182 to 280	215 to 240	-to 195	-to 75
KUNDIAWA		NQ	NQ	NQ	NQ
MINJ/BANZ		195 -to 285	250 -to 265	0	0
MT. HAGEN		NQ	NQ	NQ	NQ
WAPENAMANDA		NQ	NQ	NQ	NQ
LAE		210 to 250	220 -to 230	-to 210	NQ
ASEKI		-to 210	NQ	NQ	NQ
MUMENG		NQ	NQ	NQ	NQ
WAW/BULOLO		-to 200	-to 190	NQ	NQ
WASU		NQ	NQ	NQ	NQ
MADANG		-to 180	-to 160	-to 120	NQ
EAST SEPIK					170 to 180
Robusta Cherry- Indicative					N/A

1. CIC Ltd-Industri Afeas Divisen i save bihainim dispela mak long putim aut Maket Prais olgeta wik.
2. Eksens Reit: Mande US Dola T/T mak bilong mani egens Kina long PNGBC.
3. 1kg. = 220462 lb.
4. Prais bilong kopi long dispela wik ikam long prais bilong olgeta espota na prosesa long Mande wantaim prais bilong ol fiusa prais long las Fraide.
5. Long kisim moa toksave long dispela, askim Industri Afeas bilong CIC long tele-pon namba 732 1266.

Ol sekretariel stadi sumatin bai go long Australia

MATHIAS MALE i raitim

WANPELA bikipela grup bilong ol sekretariel stadi sumatin bilong Komesel Trening Kolis (CTC) bilong PNG bai mekim wanpela ron bilong ol i go long Australia long mun bihain insait long dispela yia yet 1999.

Dispela em i namba wan taim tru bilong CTC i salim ol sumatin go aut long kantri long go lukluk raun long wanem ol kain skul bilong sekretariel stadi we ol kolis bilong Australia i save skulim na lainim ol sumatin bilong ol.

Tupela meri go pas long dispela ron em tupela Leksera/Tisa bilong ol sekretariel stadi long CTC Misis Joseph Eninah na Logu Rita i tok, tupela yet bai kisim ol sumatin i go na lukluk raun long ol kain wok na skul we ol sekretari save mekim long Australia.

Mista Joseph na Logu i tok, bikipela tingting tru bilong dispela raun i go long Australia, i no bilong go lukluk raun nating o go holido tasol na kam bek, dispela ron em bilong kisim ol sumatin i go long lukim na save long ol kain skul na wok we ol sekretariel sumatin na wokmanmeri save

mekim long ol kolis na opis long Australia.

"Taim ol i lukim ol bai kisim moa skul, aidia, tingting na save moa long ol kain wok sekretari na ol stadis we ol i save kisim long ol kolis bilong Australia." Taim ol kam bek ol bai kamap gutpela sekretari bilong PNG, Misis Joseph na Logu i tok.

Menesing Dairekta Prinsipol Dairekta bilong Komesel Trening Kolis (CTC) long het opis long Lae Mista Geoff Gloway i tok, dispela em i namba wan taim tru long kolis bilong em i salim ol sumatin go aut long kantri olsem na em i gat bikipela amamas tru long dispela raun bilong ol sumatin bilong CTC Mosbi bai mekim i go long Australia.

Mista Gloway i tok em bai askim CTC sentas long Madang, Hagen, Alotau na het opis Lae long bai ol i ken givim han na sapatim ol sekretariel studen long Mosbi brens ken mekim ron bilong ol pastaim go na kam bek long PNG.

"Em i amamas tru bikos ol i apim nem bilong Komesel Trening Kolis (CTC) bilong PNG," Mista Gloway i tok.

Tupela tisa bilong ol sekretariel stadi i tok tupela bai kisim ol sumatin i go tasol nau yet ol i stat long bungim mani na mekim ol

liklik fan resing bilong karamapim ol kos blong ol. Tupela i tok namba bilong ol sumatin bai go long en em i moa long 60 na wanwan sumatin ol i rejistarim ol yet long K200.


"Planti ol i rejista pinis tasol sampela i no yet na ol i weit tasol stap," Misis Joseph i tok.

Ol sumatin wantaim tupela meri go pas long dispela ron ol i tok ol bai raitim pas i go long ol bisnis haus, politisen, pablik na ol papamama, brata, susa long bai ol i ken helpim ol long mekim sampela sponsa o givim han we ol i ken mekim kamap dispela raun we ol i laik mekim long en.

Ol i tok ol bai opim wanpela benk akaun tu na ol pipel i ken givim sponsa bilong ol tru long dispela akaun namba we ol bai tok save bihain long radio, TV na ol niuspepa.

Ol sumatin ol bai go stap wantaim wanpela sekretariel kolis long Kens na lukluk ol kain skul na wok bihain bai ol lain long dispela kolis bai kisim ol i go long Brisben Australia na lukluk raun long ol skul na kolis bilong ol sekretariel stadis na bai ol i kam bek long PNG, Misis Logu i tok.

Ol sekretariel sumatin ya em ol meri taol moa long 60 wantaim tupela tisa meri ya ol bai lusim PNG long mun bihain.



• Ol pipel bilong Wewak stopim dispela sip long noken go long nambis na kisim disel bikos ol i kros long bagarap i kamap long solwara. Foto: Fuzo: Paul.

WANTOK spot wilken

Raiders
daunim
pawa bilong
Cowboys

KIUNGA LIG RIPOT

RAIDERS 26
COWBOYS 24

IAN KAKARERE i raitim

NIWAF Raiders i soim ol arapela tim tu olsem ol i gat namba taim ol i mekim biknem Cowboys 26-24 long bikpela gem bilong Kiunga ragbi lig kompetisen las wiken.

Tupela tim wanpela i wankain namba bilong trai tasol gutpela kik bilong hukla bilong Raiders Joe Pagru i mekim skoa i senis.

Hapbek bilong Cowboys Nelson Gamai i kikim 4-pela konvesen na Pagaru i kisim 5-pela konvesen long 6-pela. Wanpela bilong ol dispela em penalty long Cowoys i mekim takol i no bihain rul.

Ol fowat bilong Raiders and Cowboys i bin kamap gut tru. Ol Raiders i wok long kamapim paia lat wantaim bikpela fowat olsem Dick Katafa, Elias Kup, Joe Pagru i wok long setim pilai.

Ol fowat i wok long brukim difens na dispela i givim moa taim long hapbek bilong Raiders Patrick Namalok na riserv bilong em Unam Elias long putim trai. Tupela i putim wanwan trai long helpim tim i win.

Ol boi Raiders i kamapim strongpela pilai stret na ol Cowboys i surik na mekim planti asua stret ya.

Taim Cowboys i kisim bal em i setim beklain bilong em long skoa. Fulbek Champion Ando, Dicks Livingstone na Gamai i putim tupela trai.

Bihain long gem Mara Kabu bilong Cowboys i tok em i gutpela long lus nau na lus long grenfainel.

Na bikpela fowat bilong Raiders i tok olsem em i gutpela gem tru long salensim strongpela tim olsem Cowboys.

Na skoa bilong ol arapela gem i sanap olsem Waliya winim Norths 18-16 na Tigers wilwilim stret Hawks 26-8.

Lahanis rausim bom bilong Bombers

SP KAP RIPOT

GOROKA LAHANIS 12
LAE BOMBERS.....6

FRANCO NEBAS i raitim

GOROKA Lahanis i strongim kona bilong en long SP Kap resis taim em i rausim sbom bilong Lae Bombers 12-6 long Lae Ragbi Lig pilai graun las wiken

Fulbek bilong Lahanis Francis Seu i putim wanpela senta trai long las 10 minit long mekim tim bilong em iwin. Tupela tim i bin dro 6-6 insait long 70 minit bilong pilai. Dispela skoa inap sanap go long fultaim tasol Seu i mekim ol boi Morobe i wari.

Win bilong Goroka Lahanis i gutpela tru long helpim ol i stap nau long fainels. Tasol long sailtain i gat ripot olsem Kosa Joppa Gomia na tim menesa Marco Corrigan i spak liklik long taim bilong gem.

Dispela pasin bilong tupela opisel i no gutpela na i bagarapim tru nem bilong ragbi lig. PNGRGL bai lukluk long dispela na mekim save long dispela opisel long bihain taim.

Long taim bilong pilai, wanpela opisel i bin tromoi kontena bilong wara i go insait long fil.

Referi Sari Fareho bilong Pot Mosbi i no kia long opisel na stapim gem na rausim dispela opisel long ragbi lig oval. Dispela ripot i stap nau long han bilong PNGRFL.

Wanpela bilong ol opisel bilong PNGRFL Francis Matmilo i bin stap na lukim wanem samting i bin kamap. Planti ol narapela bikman bilong Goroka tu i bin kam na i no wanbei long dispela pasin ol opisel bilong Goroka Lahanis i mekim.

Maski dispela hevi i bin kamap, ol pilai i bin kisim dispela tupela poin we ol i bin laikim long stap pas lain.

Dispela pilai i bin soim tru kala na strong long pilai husat tru bai ron pas lain long stap insait long fainels.

Insait long 10 minit Bombers i putim namba wan trai taim senta Darby Joseph i brukim difens na setim fulbek Michael Moses long skoa.

Tasol bihain long 10-pela minit ol Lahanis i bekim bek na seken rowa

bilong Lahanis John Makam i putim trai.

Hapbek bilong Lahanis Winnas Moihae i kikim na kisim skoa i go 6-6. Ol B52 i soim tru kala bilong ol tasol ol i nogat strong long pinisim.

Dispela skoa i stap i go inap hap-taim. Long haptaim ol bai i putim planti strong long lain bilong Lahanis tasol ol Nokondi i banisim gut banis bilong ol.

Long las 10 minit minit ol Lahanis i sot win na 5/8 Nime Kapu bilong Lahanis i setim fulbek Seu long rong long sait na putim trai aninit long trai pos.

Winga Paul Joshua i kikim bal i go insait na ol i lid 12-6. Dispela skoa i stap i go inap fultaim.



• Kompetisen lida long SP Kap inta siti resis, Cambridge Lahanis. Lukaut long ol. Foto: Sape Metta.

Warriors na Tigers bekim dinau

KOIARI LIG RIPOT

KENNEDY EDENE i raitim

TUPELA tim Warriors na Tigers i bekim dinau long winim Panthers na Lakers long bikpela gem bilong Koiairi ragbi lig kompetisen

las wiken long Sogeri oval. Tigers i hamarim Panthers 16-14 na Warriors i putim wanpela trai tasol long autim tiket bilong Lakers 14-0.

Dispela win ya em bilong namba wan raun, tupela tim ya Panthers na Lakers wipim ol boi Tigers na Warriors. Gem namel long Warriors na Lakers i gutpela tru ya.

Olgeta trai bilong Warriors i kamap long namba tu hap bilong skoa.

Tarangu Lakers i trai hat moa long mekim sampela kain stail tasol hatwok bilong ol i lus nating.

Long gem namel long Tigers na Panthers, tupela tim wantaim i strong tru i go inap klostu long fultaim. Samting olsem 5 minit i stap

yet, referu Vincent Kera i givim wanpela penalti i go long Tigers na ol i kikim konvesen na ol i win 16-14.

Long dispela wik, Tigers bai salensim Lakers. Tupela tim wantaim i stap klostu klostu long point lata na dispela gem bai pulim planti ol pipel long lukim ya. Pukpuks bai skelim strong bilong Panthers, Kongos ba mekim

save long ol Choice na Owls na nupela klab Sapphire Bears bai brukim bun.

Bihain long toksave long rejistresen i go pinis i gat olsem 4-pela klab ol i bai rejistresen bilong ol. Tasol sampela klab i gat sampela moa mani long baim i stap yet wantaim ol Choice K500, Pukpuks K300, na Kongos K230 na K70.



*Eksen
poto
bilong
las wiken*

Pagau go pas long win bilong Brothers

LAE LIG RIPOT

BROTHERS 22
ROYALS 16

LAPUN fowat bilong Brothers Alu Pagau i go pas long tim long nekim Royals 22-16 long Lae ragbi lig kompetisien.

Pagau i go pas long ol yangpela pilaia long lukautim gut pilai. Em yet i setim namba wan trai bilong senta Bruce Hoga long skoa.

Tasol ol plisman i bekim wantaim gutpela trai. Ol pilaia olsem Augustine Justin, Lemeck Unua, Peter Mirau, Samuel Kaupa, George Ipi na Kesco Aitio i pilai strong long painim rot long skoa.

Ol dispela pilaia i strong na brukim difens long larim Justin long skoa long go pas long poin 6-4.

Ol Brothers i no wari. Ol i pilai strong yet wantaim gutpela fowat bilong ol olsem Pagau, Pearson Philip, Judas Ommers na Dinix Dereng i brukim difens bilong Royals. Hatwok bilong ol i karim kaikai taim Joe Kenake i putim wanpela trai long go pas long skoa 8-6.

Philip i kamapim gutpela pilai taim em i ran i go na setim Nathan Philip long skoa. Dispela trai nau i surikim skoa i go long 14-6.

Insait long namba tu hap, Brothers i kamapim paia stret. Olsem na ol i putim tupela trai i kam long Mayang na Kenake.

Ol plisman i putim tupela trai i kam long Agi Tete na Justin tasol dispela i no inap long helpim ol long win.

Skoa bilong ol arapela A gret gem i sanap olsem Spiders nekim Panthers 36-20, Tigers wilwilim Tarangau 42-11, Defence memeim stret Magani 48-6.

Waghi Tumbe bai groa wantaim ragbi lig

WAGHI LIG RIPOT


PETER MAIME i raitim

WAGHI Tumbe SP Kap tim em "bebi na i dring susu yet" na bai gro wantaim ragbi lig.

Dispela em tingting bilong Jonah Amban, wanpela papa bilong ragbi lig long Waghi eria na memba bilong Waghi Tumbe Bod.

Mista Amban i mekim dispela tok-tok taim em i bin stap long Madang na harim olsem Pot Mosbi Vipers i winim Waghi Tumbe 34-11 long Mosbi las wiken.

Mista Amban i bin go long Madang long stretim lek bilong em bihain long wanpela disil drum i krugutim. Dispela disil em bilong makim fil long Minj long redim gem bilong Tumbe na Lae Bombers long tripela wik i go pinis. Dispela yia em namba tu yia bilong Waghi Tumbe long stap long SP Kap kompetisien. Ol i bin winim Hailans Spear Salens Kap long 1997 na long las yia ol i go insait long SP kap resis.



• **Jonah Amban, wanpela papa bilong ragbi lig long Waghi eria na memba bilong Waghi Tumbe Bod**

Mista Amban i tok las yia "Waghi Tumbe i mekim gret wan na nau em i mekim gret tu." Em i tok Tumbe i nogat ekspriens olsem ol narapela

klab olsem Hagen Eagles, Goroka Lahanis, Lae Bombers, Rabaul Gurias, Mendi Muruks na Pot Mosbi Vipers we i gat planti PNG Kumul pilaia.

SP Kap resis long kantri i stap moa long 10-pela yia na ol klab olsem Hagen Eagles, Goroka Lahanis, Rabaul Gurias, Lae Bombers na Pot Mosbi Vipers em ol fes tim long joinim dispela kompetisien.

Em i tok larim ol dispela tim i winim Tumbe. Em i tok bihain bai Waghi Tumbe i bekim bek.

Waghi Tumbe i save kisim ol pilaia long Minj, Banz and Nondugl lig. Planti ol pilaia i kam long ol viles long ol dispela senta.

Mista Amban i tok planti ol sapatas i wok long tingting olsem Waghi Tumbe mas win olgeta taim. Em i tok dispela kain tingting i no stret.

Em i tok, long developim ol pilaia na Waghi Tumbe klab bai kisim sampela taim liklik. Em i tok Waghi Tumbe i gat longpela taim long save long ragbi lig. Mista Amban i tok, bihain long long yia 2000, em taim bilong Waghi Tumbe.


"Larim Hagen Eagles na Pot Mosbi Vipers i winim mipela. Tasol mipela i save win tu. Mipela win long wanpela siti, narapela taim ol i save winim mipela. Mipela i no wari, mipela i nogat ekspriens. Tasol taim bilong mipela bai kam."

Tu Waghi Tumbe i no save kisim ol gutpela sponsa olsem ol narapela senta. Las yia and dispela yia, Wills PNG aninit long simok Spear i givim sponsasip long Waghi Tumbe. Mak bilong Sponsasip long dispela yia em K30,000. Tasol Waghi Tumbe Bod i no kisim dispela mani long kes. Kampani i yusim mani ya long ol yunifom, ragbi bal, jacket, "T" sirt na ol narapela samting bilong klab.

Waghi Mek and Westen Hailans Provinsal Gavman i no givim wanpela helpim olsem ol i bin mekim long las yia.

Las yia Waghi Mek i givim K10,000 na Provinsal Gavman tu i givim K10,000.

Mista Amban i tok, ol liklik mani ol i save kisim long ol sponsa na long get fi, em ol i save yusim long sapatas klab long ron gut.



• **Stail man bilong Waghi Tumbe John Passingan i sot win na lukluk long pilaia bilong Vipers Solomon Hui long ran wantaim bal.**

Tigers bai traim strong bilong Cowboys

KIUNGA LIG RIPOT

TIGERS bai soim olgeta strong bilong em olsem em i gat tingting long pilai long fainel bilong Kiunga ragbi lig taim em i bungim Cowboys.

Tigers i sindaun long namba tri ples long poin lata. Waliya i sindaun long namba foa ples bikos long namba bilong ol gol.

Ol boi Tigers i mas winim tupela gem ya long stap insait long fainel. Sapos ol i winim Tigers, tupela arapela tim olsem Raiders na Waliya bai painim hevi ya.

Ol fowat i holim ki bilong win bilong Tigers. Ol bikpela fowat olsem Rocky Ukin, Iggie Pop na Joe Andrew.

Cowboys i no pilai gut las wiken tasol dispela wik ol i mas tingting na senisim stail bilong ol ya. Ol fowat olsem Kolo Grem, Fegsley Risapi na Jonah Kool i holim strong bilong Cowboys.

Michael Dangan na Amadus Lawrence bilong Tigers na Ando, Gamai, Samsie Lalamo bai kamapim gutpela salens long lukim ol.

Insait long arapela gem, Raiders bai winim Norths na Waliya bai nekim Hawks.

Jon 2 soka sempions long Wampar

LAE SOKA RIPOT

FRANCO NEBAS i raitim

WAMPAR Lokel Level Gavman Kaunsil i bin holim wanpela bikpela soka resis long makim skwat bilong ol long resis insait long Morobe Mini Gems long neks wik.

Ol boi Makhham ya i kukim stret LFA soka graun na soim ol kain stail we selekta bilong ol bai makim tim. Dispela Morobe Mini Gems bai kamap long Julai 22-26.

Dispela em namba wan taim kain resis olsem i kamap long Morobe provins bihain opis bilong spots, kalsa na lika kamapim dispela nupela konsep long holim Morobe mini gem we bai ol dispela i resis long 2-pela spots, soka,

basketbal na volibal long soka grenfainel resis we i kamap namel long Zon 2 na Zon 5, ol boi long Zon 2 i soim moa strong na autim Zon 5 1-0 long kisim taitel.

Long wankain taim tu resis bilong basketbal i lukim Zon 5 i winim taitel bilong man na Zon 7 i winim taitel bilong meri.

Wantok i no kisim skoa bilong volibal taim em i raitim dispela stori.

Long soka grenfainel, Zon 2 na Zon 5 i bin kamap wanpela strongpela pilai stret ya.

Tupela tim wantaim i bin putim kamap ol gutpela stail taim ol i kisim bal.

Zon 5 i bin gat sampela gutpela sans long brukim kiau tasol ol straika bilong ol i no makim gut mak na bal i save abrusim mak.

Taim dispela wok long kamap i stap, wanpela sans i bin kam bilong Zon 2, Marason David i kisim bal na winim ol difenda bilong Zon 5 na kikim wanpela gutpela bal i go antap stret painim het bilong Thomas Vincent.

Vincent husat nogat ol birua salensim ol isi tasol hetim strongpela bal i go stret long mak.

Zon 5 kipa Wesley Absolom i traim long sevim dispela bal tasol i no was gut we bal i pas long mak bilong pos antap na paitim em na go insait.

Dispela gol i bin kamap olsem long pes 15 minit bilong namba wan hap. Dispela gol i lukim Zon 5 i kamampim strongpela pilai i go insait long hap eria bilong Zon 2 traim long levolim skoa. Straika bilong Zon 5, Jack John, Philip

Michael na midfilda Steven Sewar i traim bes long skoarim gol tasol nogat gutpela sapat.

Difens bilong Zon 2, Generon Yasang na Jeffery Jim yet i go pas long putim strongpela difens we Zon 5 i no inap long skoa.

Pilai i stap olsem i go inap long hap taim we skoa i stap yet Zon 2 na Zon 5

Long namba tu hap, Zon 5 i kam moa strong wantaim ol presa futbol tasol i no gat gutpela bek hap na tim wok i lukim nogat gol kamap.

Zon 2 Thomas Vincent, Issac Sammy na Marason David i kamap ol gutpela stail pilai wantaim ol gutpela pas long bal long skoarim gol.

Tasol difens bilong Zon 5 Lucas Sewar, Joe Jack na Ronnix i sambai tasol na save rausim bal long ol.

Namba tu kepten bilong Zon 2 Jeffrey Jim i tok dispela win i bin kamap long gutpela pilai kamap long ol pilaia.

Em i tok, "mipela bihainim gem plen bilong kosa Timothy Luke long yusim ol long bal na spid long wanem long graun i wet."

Long dispela tasol, em nambawan gol bilong mipela i bin kamap. Em tok tu olsem Zon 5 i bin givim gutpela salens. "Ol i bin gat sampela sans long skoarim gol tasol i nogat gutpela pinisim op," em i tok.

Ol lain husat i bin kisim awots em, pilaia bilong tonamen (soka) Ronnix Asa, basketbal (man) Michael Musalu, (wimen) Pewe Wagae na konsalesen tropi i go long Zon 3 soka.

Long basketbal konsalesen tropi i go long Zon 2 man, na wimen Zon 3.

SP Kap fainel klostu nau

IGAT wan pela moa pilai resis bilong SP kap resis dispela wiken na planti tim i pait hait long go insait long fainol faiv.

Poin ledà i soim olsem Cambridge Goroka Lahanis i stap namba wan wantaim 17-pela points bihain long rausim bom bilong Lae Bombers, Rabaul Gurias i stap baksait tru wantaim 16-pela points.

Spia Mendi Muruks i ron namba tri wantaim cambridge Mount Hagen

Eagles long 14-pela poin. Muruks na Tumbe i gat 2-pela moa gems long pilai narapela em dispela wiken na narapela em tupela i bin stap sori long Kumuls na Muruks huka Willie Gabriel, husait i bin i dai long eksiden long balus long las mun autsait long Goroka.

Cambridge Port Mosbi Vipers i gat 13-pela points na sindaun long namba 5 ples. Tasol ol i sindaun long wanpela long fainols sapos ol i lus long ol

Tumbe. Whagi Mek Tumbe i gat 10-pela points wantaim tupela moa plai. Sapos ol i winim ol bai sindaun wantaim 14-pela points na sans long plai long fainols.

Ol Vipers i mas winim dispela pilai namel long Toyota Enga Mioks long Pot Mosbi na sapos ol i lus, ol i mas redi long hangamapim but na redi long neks yia.

Ol Lahanis i bai winim maina primias sapos ol i winim Simbu angras na

Mendi Muruks bai bungim NBPOL Kimbe Bulls long Pot Mosbi.

Banz bai i gat tupela pilai Lahanis bai bungim Angras na Gurias bai sekim Tumbe.

Eagles bai traime na rausim Boni bilong BSZ Bombers long Lae.

Ol narapela tim ya Bombers 10, NBPOL Bulls 8, Mioks 8 na Angras 6 i aut long fainols dispela yia na bai hangamapim but na redi long neks yia.



• Hapbek bilong Paga i traime long ranawe long pilaia bilong Post Puma long Pot Mosbi ragbi lig resis. Post Puma i win 30-16. Foto: Ivan Bayagau.

Okkainhens Ragbi Lig i go bikpela nau

FOAPELA nupela tim i joinim Okkainhens ragbi lig kompetisen bilong ol lain Isten Hailens long Nesenel Kapitel Distrik.

Dispela kompetisen i bin stat las yia na save pulim ol lain pipel bilong Okapa, Kainantu na Henganofi.

Ol tim ya em Comix, Nami, Sianes na Megusa. Ol lain Comix

tim em bilong ol boi Lufa, Nabi em arapela tim bilong Okapa yet, Megusa em ol lain Bena na Sianes em ol lain i sindaun long Watabung.

Presiden bilong Okkainhens Semmi i tokim Wantok olsem kompetisen ya i ran gut na i wok long pulim planti ol lain sapota.

I tru olsem Okkainhens kompetisen i no holim longpela ori-sisen,

ol pipel i sigirap stret long pilai ya. Las wik em i namba tu wik, na kompetisen ya i wok long kamap gut na strong tru.

Insait long A gret, Nami Brothers i nekim Usu Yunaited 8-0, Tapaya i autim ticket bilong Megusa 6-0, Negifi Bears winim Sianes, Yamaso Raiders mekim save long Comix 6-0, Henz i dro

wantaim Gunagi Falcons na Urianos Sharks tu i dro wantaim Kesoso.

Semmi i tok olsem dispela wiken em i namba tri wik bilong kompetisen, na sapos yu wanem man i nogat samting long mekim, plis kam sapotim dispela tonamen bilong ol liklik pipel bilong Isten Hailens.

Resis long winim fainel spot stat nau

Foapela gem i stap yet na fainel bai stat.

Hawks, Post Pumas, Magani, Kone Tigers, Dobo Warriors na Gerehu Yunaited em i aut long dispela yia kompetisen. Maski ol i win, dispela bai i no inap senisim posisen bilong ol insait long fainel.

West i strongim yet posisen bilong em wantaim gutpela win stret. Ol i nekim stret Kone Tigers 35-24.

Tigers i pundaun nau bikos Stanley Haru i lusim ol long holim

wok siaman bilong PRL. Na nau yet i gat planti hevi i wok long daunim klab bilong Haru.

Souths i waraim stret Waliya 40-28 long holim yet namba tu posisen. I tru olsem Brothers i lus long Magani 12-34, ol boi bilong Robin Kafie na kosa Joe Madiu i wok long kamapim gutpela pilai stret ya tasol ol i popaia long Sande.

Menesa Peter Watinga i no mas kaikai gut bihain long tim bilong em i lus. Long dispela

wiken, Brothers bai bekim dinau stret long wanem tim ol i salensim.

West i mas kamapim gutpela pilai long winim ol arapela gem. Sapos ol i laik kamapim dispela kain pilai, ating ol bai kisim taim tu ya.

Souths i wok long kamapim bikpela hetpen long ol arapela tim.

Robert "Lewa" Tia na Jackson Tandape i wok long go pas long tim. Ol i wok long kisim helpim i kam long Ravu Tala na Wayne Moore.

Paga Panthers i lus long Post Pumas 30-16. Sapos PRL i makim top faiv, Panthers em i aut na sapos top seven, ating Panthers bai i gat sans long pilai insait long fainel ya.

Defence em wanpela strongpela tim tasol ol i no win isi. Ol boi Waliya i givim hat traime long ol na ol holim strong bilong ol i go inap long fultaim long win 27-22.

Royals i autim tiket bilong Hawks 22-16 na Tarangau klostu i kisim taim long han bilong Gerehu United na win 23-22.

Morobe provins bai holim mini Gems

FRANCO NEBAS i raitim

MOROBE provins bai kamap olsem namba wan provins long holim mini gems.

Dispela mini gems em nupela aida bilong spot Morobe Provinsal Spots, Kalsa na Lika opis i statim long developim spot insait long provins.

Long wik i go pinis Lod Meya bilong Lae Siti

Tofofomuri Mionziong i opim dispela konsep long Melanesian Hotel.

Mini gems ya bai kamap long Julai 22-25 long Sir Ignatius Kilage stadium we ol spot olsem soka, volibal na basketbal bai kamap.

As bilong dispela konsep bilong Morobe mini gem em long kamapim standad bilong spot long provins.

Dispela mini Gems em long strongim wok pren namel long ol pilaia, sapota na tu distrik.

Morobe mini gems em traime long kamapim kompetisen namel long ol tims we bai ol pilaia i ken kamapim o putim gutpela pilai long ol wanwan spot ol i resis long en.

Dispela gems tu i ken mekim rot bilong ol long winim ples long nesenel tim long ol intanesenel spot even.

Moa long 900 manmeri bai resis long soka, basketbal na volibal.

PRL RIPOT

HENRY MORABANG i raitim

TRIPELA tim Wests, Souths na Brothers i winim pinis spes long pilai insait long fainel bilong Pot Mosbi Ragbi Lig long dispela yia.

Tasol i mas winim tripela moa gem long strongim posisen bilong ol sapos nogat, Defence, Royals, Paga na Waliya na Tarangau i sambai tasol.

Ol independen paitman sainim agrimen



• Ol Is Timor sumatin i tromoi han long soim sapat long ailan bilong ol i mas kisim indipendens long Indonesia.

Dili, Is Timor:

Ol paitman bilong Is Timor wantaim ol sapota na ami bilong Indonesia long las wik bin sainim sainim wanpela pis agrimen na tu stap insait long wanpela bel isi pasin seremoni long Suai taun, 120 kilomita longwe long Dili, ol ripot i tok.

Insait long dispela seremoni, 400 paitman bilong grup ol i kolim long Falintil we ol i laikim Is Timor long kisim independen i bin stap insait long dispela bung long sainim pis agrimen. Wanpela katolik Sios pater Pater Hilario i bin go pas long dispela seremoni, ol ripot i tok. Pater ya i bin strongim tupela grup olsem em i orait long ol i bung long taun na sainim pis agrimen bikos 16 Yunaitet

Nesens Pis kiping grup i stap long dispela taun, ripot i tok.

Bipo long saining bilong agrimen, ol grup i wok long go long siti bilong wetim taim. Hap bilong haus lotu we Pater Hilario i lukautim i pulap long ol refuji na taim ol ami bilong Indonesia na ol sapota grup bilong ol, Laksaur na Mahid i kamap long hap, ol Is Timor independen sapota laik i ting olsem ol i wokim trik long holim pasim ol. Olsem na ol i no laikim dispela pis bung long kamap. Tasol bihain long UN greup i toktok long ol, ol bin go hetim seremoni ya. Tupela grup i bin lusim ol samting bilong pait wantaim long en long dispela taim na givim long han bilong ol atoriti.

Wellington, Nu Silan:

Solomon Ailan gavman putim tambu long ol niusman

Gavman bilong Solomon Ailans i putim tambu long ol niusman bilong kantri na aninit long dispela, kot i no inap long glasim ol samting tasol ol ken go stret long kalabus.

Solomon Ailan i stap nau long Stet ov Imejensi bihainim hevi long lo na oda i go bikpela. Dispela em bikos long hevi kantri i stap insait long en long sikspela mun pinis we ol paitman bilong Guadalkanal Ailan i kamapim. Ol i birua long ol pipel bilong Malaika we ol i sutim tok olsem ol tasol (Malaika pipel) i holim na bosim ol bikpela wok long kantri. Long las mun, hevi i go nogut taim pait namel long tupela grup i kamap.

Ol Guadalkanal paitman i wok long lidim kempein long rausim ol Malaika pipel husat i sindaun long biktaun Honiara we i stap long Guadalkanal Ailan. Bikos long hevi, planti Malaika pipel i lusim Honiara na ol i ronawe i go bek long ples bilong ol, ol ripot i tok.

Tambu we gavman i putim long midia i stapim ol nius manmeri long raitim o autim long radio ol nius we inap long kamapim moa pait na hevi long kantri, ol ripot i tok. Tambu i stap tu long ol ripot na nius we ol niuslain i kisim long ol opisel ripot na dispela we i karamapim na i no gutpela long putim bikos inap kamapim hevi long sekyuriti bilong kantri.

Gavman i bin putim dispela tambu long las wik.

Ripot i tok Gavman i strik tru tasol em i llok em i putim dispela lo bikos sapos ol niusman i putim ol kain ripot long ehvi, dispela bai i no inap long stretim ehvi kwiktiam.

Jakarta, Indonesia:

Hevi taim vot kaunim go het long Indonesia

Raiot plis i bin paiarim tiages long 1,500 pipel husat i no amamas long Jun Nesanel Ilekse long Indonesia. Ol pipel i wok long tromoi ston na singaut long ruling pati insait long politiks bilong Indonesia, Golkar Pati long risain na long ami bilong noken stap inmsait long wok politiks.

Tupela lain husat i stap insait long protes grup i bin kisim bagarap na ol i karim ol i go long haus sik taim ol plis i sut long ol wantaim ol raba bulet. Plis i bin holim pasim sampela protesta tu long dispela taim.

Ol sapota bilong Pipels demokretik Pati i sutim tok long Golkar pati long kontrolim ileksen na wokim sampela samting i no stret long pulim ol vot na win insait long dispela ileksen.

Ol no pinis long kaunim ol vot yet bihainim namba wan demokretik ileksen long Indonesia insait long 44 krismas.

"Golkar i ams aut bikos ol i wokim giaman pasin na baim vot," wanpela man husat i stap insait long dispela protes i to.

Golkar i wok long kamap namba tu long kanding bilong ileksen we i go het yet.

London, Ingran:

Ol balus pret long ron long Yia 2000 Nu Yia

Ripot i tok ol pailot long ol balus kampani long Ingran i les long mekim ron i go olsem long Isten Yurop na Esia long Nu Yia bikos ol i pret long milenium bag o hevi long komyuta we binatang nogut bai kamapim na ol (kompyuta) i no inap long wok taim kilok i lusim 12 biknait long Desemba 1999 na Yia 2000 i kamap.

Ol pailot i pret long eanem ol i tok hevi bilong milenium binatang bai karamapim ol ea trafik kontrol sistem insait long sampela kantri.

Wanpela stadi we Britis ealain pailot Asosisen i karimaut i painim olsem planti long wol na moa yrt long ol liklik na puo kantri, nogat gutpela wok redi i go eht yet long abrusim o redi long dispela hevi we ol kompyuta bai bungim long yia 2000.

Ripot i tok namel long Desemba 31, 1999 na Janueri 3, yia 2000 bai ol ron bilong balus long ol ples balus long Briten i go aut long ol ausait kantri em ol bai pasim na larim liklik lain balus tasol i wokim ron bikos ol laik abrusim ol birua, moa long Afrika, Sentrel na saut Amerika, sampela hap bilong Esia na Isten Yurop.

Mohamed Al Fayed i no amamas


Mohamed Al Fayed em i wanpela risman na milionea i papa bilong wanpela biknem senstoa long Ingran ol i kolim long Harrods na tu long Paris Ritz Hotel long Frans. Nem b'long em i bin kamap bikpela long wol long 1997 taim pikinini man bilong em Dodi Fayed husat i bin prenim leit Prinses Diana i dai wan-

taim em (Prinses Diana) long birua bilong ka.

Gavman bilong Ingran i no laik givim Britis paspot na em bai kamap olsem wanpela sitisen, maski em i stap long hap moa long 35 krismas pinis. Mista fayed i bilong kantri Ijip tasol em i kamap olsem wanpela gutpela na strongpela bisnis man long Briten. As long gavman bilong Briten i no givim em Britis paspot em ol i sutim tok long em olsem em i peim sampela politisen bikpela mani long helpim em kisim sitisensip kwiktiam. Na ol politisen ya i no givim ripot long dispela mani.


Narapela samting em tok i sut long Mista Fayed long i no ripot long plis taim sampela lain i brukim deposit seif na kisim sampela dokeumen bilong bisnis birua bilong Mista Fayed na ol i ting olsem Mista Fayed i stap insait long dispela wok.

Tasol Mista Fayed i tok dispela em ol pipela toktok long rabisim tasol na i no tru.



• Mohamed Al Fayed i no amamas, i sanap ausait long Harrods stoa bilong em long London.

Ol "lus pipel bilong Afrika"



Tupela manki long fran em ol bubu bilong ol Afrika lain husat i sindaun long sampela eria bilong India, pakistan na Sri Lanka. Ol i kolim ol long Siddis na populesen bilong ol i liklik. Ol i save stap long ol liklik ples long not wes kos bilong India.

Ol i save toktok long tokples Gujarati, kaikaim wankain kaikai tasol lukluk bilong ol i narakain. Ol i luk olsem ol Afrika. Sampela ol arapela pasin tumbuna bilong Afrika we ol lain i gat yet na ol arapela i ken luksave long ol jong en em danis, musik na kain toktok bilong ol.

Tasol ol lain i save stap gut wantaim ol arapela pipel na i no


olsem ol blakman long Amerika we ol i save wokim ol nabaut olsem ol hausboi. Mak bilong populesen bilong dispela lain i stap namel long 100 na 30,000 pipel.

Long India ol i kolim ol long Siddis, long Pakistan we ol i save stap long nambis long boda taun, Karachi, ol i save kolim ol long Sheeis na long Sri Lanka we ol i stap long nambis eria, ol i kolim ol long Kaffirs. Ol Shidis, Sheedis na Kaffirs i no save long wanpela arapela olsem ol i wanpela pipel. Liklik lain we i kisim gutpela skul i save na ol i save olsem ol tumbuna bilong ol i bin kam long Afrika bipo bipo yet.

Tasol ol Arab treda na Britis na Potugis koloniel masta i bin kisim ol i kam long ples olsem Mozambique long Afrika na bringim ol long Saut Esia long 15 senseri long wok olsem ol wok-boi, hausboi na soldia. Ol "lost Tribe" ya long Saut esia i sindaun gut wantaim ol arapela pipel tasol skul kala bilong ol tasol i narakain.

Plarti bilong ol i no kisim gutpela skul na ol i save stap olsem ol puo lain. sampela i gat ol liklik wok olsem ol draiva na stoakipa.

- Piksa i kam long Guardian Weekly niuspepa



Biknem piksa kisim 21 krismas long penim gen

Dispela em wanpela peinting ol i kolim long "The Last Supper" we wanpela biknem atis bilong Itali, Leonardo da Vinci i bin wokim long 14 senseri. Em bin kisim foapela yia long wokim dispela peinting, stat long 1494 na pinis long 1498. Dispela bikpela peinting ya i bin klostu bagarap na lus olgeta long taim bilong namba tu bikpela Wol Wo 2 pait moa long 50 krismas i go pinis taim ami bilong ol Alais i karimaut pait long hap Tu ami bilong napoleon i bin tagetim. Sevenpela taim long ol yia bipo i kam inap nau, ol bin karimaut ol wok long stretim. Tasol bihain long 21 krismas long ol wok i bin stat long ripeitim gen o wokim gut dispela piksa, em i pinis na piksa i luk gut stret. Dispela piksa em i namba wan long ol wok bilong atis Leonardo da Vinci. Bikpela bilong piksa ya em 45 skwea mita. *Piksa i kam long Guardian Weekly niuspepa.*

Trinidad bai katim nek bilong 9-pela trabel lain

Karibien:

Chadee long hansut (raithan), bos bilong drag grup. Piksa i kam long Guardian Weekly niuspepa

BOS bilong ol drag grup o ol lain i save salim ol drag olsem mariwana na hiroin Dole Chadee bilong Trinidad long Karibien em ol bai katim nek bilong em wantaim eit-pela narapela lain bilong em, ol ripot i tok

Ol bin nap long katim nek bilong ol dispela lain long las mun tasol Praivi kaunsil long London i bin stapim ol inap ol samting i stret.


Ol ripot i tok ol pipel bilong Trinidad i les pinis long ol trabel, kilim dai man na ol arapela trabel we ol drag grup i wokim long kantri na ol i sapotim strong kapitel panismen o pasin bilong katim nek na kilim dai ol trabel man.

Ol ripot i tok Chadee wantaim lain bilong em i gat nem long kilim dai ol man na stat long

1990, 30 pipel i bin dai long han bilong em. Na pablik i sapotim dai long em na grup bilong em.



India na Pakistan pait long Kashmir



Ol soldia bilong Pakistan i bungim ol hap hap metal bilong wanpela Indien jet paita balus we ol (Pakistani) i sutim na pondaunim. Piksa i kam long Guardian Weekly niuspepa

India na Pakistan i wok long pait long wanpela hap graun we i stap long boda eria namel long tupela kantri na Kashmir, olsem liklik map i hia i soim. (Putim piksa bilong map long hia). Politik bilong tupela kantri i go insait long dispela pait na tenpela krismas stat long taim ol Kashmir pipel i statim hevi taim ol i no amas long India i bosim veli we ol i pait

yet long en, ol 350,000 soldia we India i putim long was long eria i no wok gut tumas olsem bipo.

Hevi namerl long tupela kantri long kashmir i wok long go bikpela na long las mun, ol ripot i tok ami bilong Pakistan i bin sutim daun tupela paita balus bilong India.

Tupela India na Pakistan i strong-pela nuklia pawa long rijen na Yuropien Yunien na Yunaitet Stets i wari long bikpela pait i ken kamap namel long tupela neiba kantri sapos ol i no stretim.



TOKSAVE


Dispela toksave igu long olgeta manmeri long kofi indastri olsem hevi or takis long kofi bai ino inap senis long mun Julai 1999. Takis long grin bin bai stap wankain olsem mun Jun - 26 toea long wanwan kilogrem bilong arabika kofi na 5 toea long robasta kofi. Levi long T Greid bai stap olsem 5 toea long wanwan kilogrem.

Kofi Indastri Korporasin bai toksave gen long pinis bilong dispela mun sapos sampela senis bai kamap long levi.


Tenkyu tru.


BADIRA VARI
Sief Eksekutiv Ofisa


LAI PSTAIL




• Praisin Minista Bill Skate.



• Sir Mekere Morauta.



• Sir Michael Somare.



• Ted Diro.

Husat bai kamap Praisin Minista?

JOE KANEKANE i raitim

WANPELA wik i stap bipo palamen bai bung na nem bilong tupela man i pairap long wok bilong holim sia bilong Praisin Minista. Tupela nem i wok long kamap long ples klia, Sir Mekere Mourata husat i makim ol lain oposisen na em yet i lida bilong Pipel's Demokretik Muvmen. Narapela em Praisin Minista Bill Skate husat i tok em i no wari long husait ol lain i wok long resis long dispela wok. Em i tok olsem em i gat bilip olsem em i ken daunim dispela vot i nogat bilip na tu em bai stap Praisin Minista yet.

Sir Mekere i wok long tok olsem taim em i bungim grup bilong em wantaim ol oposisen namba bilong ol i kamap moa long 80 ol memba. Dispela kain namba bai lusim Bill Skate i gat 23 memba tasol. Ol nuislain i no save hamas lain tru i stap long kem bilong dispela tupela man. Olgeta dei ol i ting namba ol i raitim i em rait namba tasol, long narapela dei, ol i popaia long wanem ol memba i muv gen na namba bilong ol pati i no stap olsem bipo.

Dispela tupela man bai kisim dispela wok we tupela i tingting strong long wokim o bai mipela lukim sampela narapela memba i abrusim tupela na kisim dispela sia.

Tasol long wei bilong PNG politik, planti taim ol lain husat mipela i ting bai kamap Praisin Minista i no save kisim dispela wok. Ol

man mipela i no ting olsem ol bai wokim dispela wok i save mekim. I gat planti taim we dispela kain samting i bin kamap na i gat stronpela bilip olsem dispela kain senis bai kamap long wei ol samting i kamap long wok politik i wok long kamap. I bin gat tupela taim we dispela kain samting i bin kamap.

Long 1994 taim suprim kot i bin painim olsem Praisin Minista bilong dispela taim Paias Wingti i no bihainim mama lo taim em i bin risain na bihain kamap Praisin Minista gen long abrusim vot i no gat bilip, planti lain i wok long lukluk long Chris Haiveta olsem man husat bai kisim Praisin Minista. Long wanem em i bin stap olsem oposisen lida long dispela taim. Olgeta memba i bin bihainim Chris Haiveta na Paias Wingti. Tasol long de bipo long vot, namba tu Praisin Minista Julius Chan i ronawei long kem bilong Paias Wingti na joinim ol lain long Oposisen. Em i kamap Praisin Minista na makim Chris Haiveta olsem namba tu Praisin Minista na Minista bilong Fainens.

Long 1997 ileksen, resis bilong wok praisin minista i stap namel long Sir Michael Somare na Sir Julius Chan. Pati bilong Sir Michael, Nesenol Aliens i bin kamap long ples klia olsem ol i redi long kisim gavman. Sir Julius i bin kisim taim liklik long wanem em i lusim sia bilong em long Namataraia na tu nem bilong em i bagarap liklik long dispela Sandline hevi.

Long wanpela kemp long Wewak, taim Bill Skate i stap, ol i laik makim em olsem Spika.

Olgeta man i kirap nogut taim Bill Skate i abrusim olgeta lain na em i kamap Praisin Minista. Taim em i kamap Praisin Minista olgeta memba i paul. Nogat man i redi olsem dispela man bai kamap Praisin Minista tasol em i daunim tingting olsem tupela man husat planti lain i ting bai kamap Praisin Minista i lus nating.

Minista bilong Difens, Peter Waieng i bin strongim dispela tok, taim em i bung wantaim ol niusman.

"Ol lida bilong ol pati i ken kalap na tok olsem ol i gat namba na ol i ken wokim kain kain toktok tasol ol memba long PNG i no save sanap strong long toktok bilong ol. Olsem na yu bai kirap nogut long husat tru i kamap Praisin Minista long wanem taim bipo long vot i kamap em dispela taim kala bilong ol memba bai kamap long ples klia," mista Waieng i tok.

Mista Waieng i bin wokim wanpela apil i go long ol memba long noken guria na stap isi long opis bilong ol na wokim wok. Long wanem em i bilip olsem dispela kain resis toktok bilong kamap Praisin Minista i wokim na ol memba i no tingting long wok ol bai wokim. Ol i wok long ronim ol lida bilong ol pati we ol i ting i gat namba long kamap Praisin Minista.

Toktok bilong Mista Waieng i wok long kamap tru long wanem nau yet mipela i lusim olsem ol memba i wok long kalap, lusim wanpela pati i go long narapela na bihain gen ol i kalap i go gen long narapela.

Wanem samting i wok long mekim na dispela ol memba i wok long kalap, lusim wanpela pati na

bihain i go long narapela? I no longtaim mipela i lukim tripela memba bilong Westen provins i bin go joinim Pangu. Na taim ol niusman i raitim stori ol i tok olsem ol i no bin mekim dispela pasin na ol i sanap strong wantaim ol pati we ol i tok ol i stap pastaim long em.

Long narapela stori mipela i wok long harim, ol lida bilong sampela bilong dispela ol pati i wok long holim ol memba long sampela ol kem we ol memba i no gat laik long stap insait.

Wanpela saveman bilong Nesenol Rises Institut (NRI), Joseph Ketan i tok olsem ol lain husait i save kam aut na soim tingting bilong ol i gat bikpela wok long lukautim wari na hevi bilong ol memba. Long wanem ol memba i save olsem lida bai lukautim ol long wanem kain nid bilong ol.

"Taim ol memba i tok ol i laik kamap Praisin Minista ol i gat wok long luksave olsem wanem samting ol memba laikim ol i mas givim long wanem sapos ol i no wokim bai ol memba i lusim ol na go joinim narapela pati," mista Ketan i tok.

Em i tok ol memba i sap tru long wokim ol kain kain samting. Sapos ol i save olsem ol i no inap long kisim wanpela samting long wanpela hap bai ol i lusim na go long narapela hap inap ol i kisim wanem samting ol i laikim.

Yumi lukim tu olsem strong bilong kina i wok long sanap long gutpela mak. Yumi save olsem kina i go daun na bikpela mani i mas kam insait long na wanem samting i wokim na kina i go

antap. Mani i kam long we na kina i go antap?

Ol kain askim olsem i mas gat bekim olsem long wanem, ol pipel i mas save gut long ol as we ol dispela ol samting i kamap.

Nau tu i taim nogut bilong ol man long kamap Praisin Minista. Taim bilong stap long niupela milienim i stap klostu, hevi i wok long bungim kantri long mani, retrensemen bilong ol pablik seven i kamap na nogat mani long peim ol. Wok developmen long planti hap bilong kantri i wok long go isi isi na husat tru i holim dispela wok bai gat planti wok long wokim.

Sampela memba husait i gat sans long stap insait long resis bilong Praisin Minista em Ted Diro, Sir Micheal Somare na Pater Robert Lak.

Ted Diro i bin wanpela deputi Praisin Minista longbipo na em i gat planti eksperiens long wokim dispela kain wok. Sir Michael i bin Praisin Minista tupela taim na em tu i gat save long stap long vot i nogat bilip. Pater Lak tasol i nupela memba, tasol em i gat save long pulim ol memba i kam klostu long em.

Ol stori i wok long kam olsem em i bin go pas long ol lain long kamapim Bill Skate olsem Praisin Minista na tu planti lain i save gat rispek long em.

Husait i kamap Praisin Minista em ol memba yet bai wokim dispela disisen tasol man husat i holim dispela sia mas redi long wok hat na kisim kantri i go long narapela 100 yia.

Vanimo bai kamap Fri Tret Taun

JOE KANEKANE i raitim

BIKTAUN bilong boda provins, Vanimo bai kamap wanpela bikipela bisnis taun long ol yia i kam bihain long wanem sampela bikipela plen i stap long kamapim sampela bikipela proiek insait long dispela taun.

Long tingting bilong gavman bilong Gavana John Tekwie, ol i laik kamapim dispela taun olsem wanpela Fri Tret Taun. Dispela i wankain long ol arapela bikipela siti long ol kantri olsem Singapore, Philipines, Australia na Amerika.

Vanimo i stap long wanpela namel hap na tu em i wanpela boda taun i go long wanpela narapela kantri na kamapim bilong dispela taun olsem wanpela bisnis ples bai pulim planti ol lain i go insait long dispela taun.


Dispela i min olsem ol samting we ol man meri bai baim o wokim long dispela hap bai nogat takis. Dispela min tu olsem kain kain kampani long ol arapela hap bilong Wol i ken kam na sanapim bisnis bilong ol long dispela hap.

Nesenal Eksekutiv Kansol (NEC) i bin tok orait long dispela bihain tasol long wanpela miting bilong ol long Vanimo long 1996.

Gavana bilong Sandaun John Tekwie i tok bihain tasol long NEC i bin tok orait long ol kain taun olsem, Vanimo, Daru na Alotau long dispela yia, bikipela wok i bin go long wokim kamap ol plen.

Dispela ol plen i bilong gaidim provins long wanem samting ol i bai wokim na long wanem taim olsem bai plen i ken wok wantaim polisi na sampela program bilong provinsal gavman.

"Mi amamas long tok olsem i no long taim nau bai mipela i pinisim dispela olgeta plen. Mi bilip olsem



• Vanimo Beach Hotel bai pulim planti turis, sapos taun i kamap Fri Tret Taun.

namel long neks yia sapos i gat gutpela gavman sapot bai mipela i ken statim namba wan progrem bilong dispela Fri Tret Taun," Mista Tekwie i tok.

Hevi

Mista Tekwie i tok bikipela hevi i wok long bungim ol wokman bilong em halivim i no kam hariap long ol gavman dipatmen husait i go pas long plenim sampela long dispela ol proiek.

Em i tok em i no wanbel long pasin we dipatmen bilong Tret na Industri i wok long wokim long hariapim sampela bilong dispela ol plen na tu long painim ol outsait lain husait i soim laik bilong ol long stap insait long sampela long dispela ol prosek.

"Dispela tingting em NEC i bin oraitim moa long foapela yia i go pinis na dipatmen bilong Tret na Industri i wok long kisim longpela taim long kam bek long mipela. Provins i redi long muv long wanem gavman i oraitim dispela askim bilong ol na dipatmen i mas muv kwik," em i tok.

Mista Tekwie i tok tu olsem bikos dispela em i wanpela nupela aidia i no min olsem dipatmen i kisim longpela taim long halivim.

"Planti ol arapela kantri i wokim na planti halivim i wok long kamap long ol na sapos gavman i sapotim dispela aidia bai mipela i ken kisim bikipela halivim.

Lukim ol kantri olsem Philipines na Singapore, ol i nogat wanpela bus graun bilong ol tasol ol bisnis i stap long dispela hap i wok long go bikipela olgeta dei," mista Tekwie i tok.

Turis

Long bikipela plen bilong dispela fri tet taun, wok bilong pulim ol turis bai wanpela bikipela rot tru bilong puli mani. Mista Tekwie i tok bai i gat wanpela ron bilong balus i stat long Cairns, Guam na Vanimo. Em i tok bai ol turis i ken stat raun long Guam i go long Cairns na bihain i kam long Vanimo.

"Klostu wan milien ol turis i save go lukim ples Guam long wanwan yia na sapos mipela i kisim 50 tausen bilong dispela ol lain, em i bai gutpela. Long wanem sapos yu skelim ol samting i stap long Guam na wanem samting mipela i gat long hia, ating mipela i moa beta long ol," em i tok.

Mista Tekwie i tok Sandaun i gat sampela ol gutpela ples bilong luk-

luk, nambis, bus graun na plenti ol arapela samting we ol turis bai gat laik long lukim.


Industri

Narapela bikipela samting we Mista Tekwie i plen long kamapim em sampela giraun we ol ovasis kantri i ken sanapim ol fektori bilong ol. Em i tok em bai askim ol kantri olsem Austrelia, USA na Nu Silan long wokim ol hap taun bilong ol long dispela hap. Em i tok em bai askim ol narapela kantri long Asia tu long kam stap insait long dispela tingting.

I no long taim i go pinis, Vanimo Forest Prodaks i bin kamapim plaiwut fektori long Vanimo na Mista Tekwie i bilip olsem dispela bai statim rot bilong ol arapela kampani long go insait long Vanimo.

Em i tok ol i painim gol, na i gat bikipela ol palm developmen na tu i gat rot bilong kisim pis long ol wara long solwara long hap.

"Vanimo i gat plenti ol risos beis na ol kampani husait i kam stap long ples bilong mipela bai no inap long bungim hevi. Mi bilip olsem taim ol i kam statim dispela ol kain wok bai ol i halivim long pulim moa pipel i go insait long kantri," em i tok.



• John Wukreme wanpela mekenik bilong Vanimo Fores Prodaks i kauntim ol timba long plaiwut fektori. Kain fektori bai pulim planti lain i kam insait long Vanimo. Foto: Joe Kane kane.

Moa save long ol Kundu Palai

Lukim ol piksa:

Kundu Palai em man bilong go antap long diwai na planti taim bai yu lukim em long diwai. Long han-sut, snek em wanpela kaikai bilong palai. Aninit, em save yusim tang bilong em long testim win nogut bilong ol narapela abus.

Dispela palai i save smat long san na raun inap sampela kilomita long painim abus.

Long bus, em i save wokim haus bilong em long hul bilong diwai o aninit long ol lip. long ples i drai em bai yu painim em long ol hul bilong ston.

Ol bkepela Kundu Palai inap sanap long lek bilong ol sapos ol i kros na i laik pait.

Mama Kundu Palai inap karim 5-pela o 8-pela kiau long wanpela taim



na brukim bihainim long tupela mun. Taim pikinini i kamap hariap tru em inap raun na painim kaikai bilong em yet. Em i no inap strong moa long papa mama.

Olgeta Kundu Palai em ol man bilong kaikai abus o mit bilong ol arapela abus. na ol inap kaikai ol binatang, rat, kiau na ol snek. Ol Kundu Palai i save ron spit na inap ronim ol abus bilong ol longpela hap i go.


Yu save tu, ol Kundu Palai inap stap moa long 20 krismas long laip bilong ol.

Nau yet i gat 36 kain kain famili bilong Kundu Palai i stap insait long wol.

Longpela bilong wanpela bikipela palai i ken olsem 1.5 mita o moa na hevi bilong ol i ken mak olsem 500 kilogram.



Rot we tupela wanpisin long Hailans kamap



BIPO BIPO tru i gat wanpela ples ol kolim Lokupule na em i stap insait long lalibu, Sauten Hailans Provins. Long dispela ples wanpela lapun meri wan-

taim wanpela pik mama tasol i stap. Tupela i stap i go i go na wanpela taim pik ya i gat bel na em i go aut. Lapun mama i larim pik i go na em wet i go wan wik olgeta. Long narapela wik pes de bilong en em kism bus naip na go painim pik bilong en. Em painim painim i go na nogat tru. Apinun pinis na em laik kam bek long en, man wanpela pisin i lai kam sindaun klostu antap long het

bilang lapun. Na em singaut. Singaut bilong en em olsem Opo-Opo Kongi-Kongi Kango-Kango foapela taim pisin tok olsem. Nem bilong mi em **L o d o n**. Na meri em Opo-Opo. Nem bilong pik em Kongi-Kongi. Kango-Kango i min olsem boy-boy.

Na pisin ya flai i go daun long dispela pik wantaim bebi boi stap long en na kam antap. Man lapun Opo-Opo i go

lukim ya nogat pik wantaim bebi boi slip i stap. Lapun Opo-Opo kism boi ya lukautim na maritim meri bilong en. Na nau planti lain tru i pulap. Dispela lain em ol i kolim Opokai Konginemeli. Sampela hap lain nau ol i go i stap long Kumiylene long Pangia.

Na bikpela klen tru em ol Pupais Nagop o Opokai Pupais.

Lazarus Raleya Goroka, EHP



Nem: Beatrice Peterson

Krismas: 24 (meri)

Adres: P.O. Box 415, Oguua C/R Ghana W/Africa.

Save laikim: Raun lukim arapela ples, harim musik, mekim pren wantaim arapela manmeri na pilai spot.

Nem: Janet Doughhan

Krismas: 23 (meri)

Adres: P.O. Box 1294, Oguua C/R Ghana W/Africa.

Save laikim: Waswas long nambis, makim pen pren wantaim arapela manmeri, werim ol kainkain stail kolos, mi laikim ol man long kantri bilong yupela PNG.

Nem: Misis Barbara Sam

Krismas: 23 (meri)

Adres: P.O. Box CT 350, Oguua Central Region, Ghana West Africa.

Save laikim: Netbal, swim, Lukluk raun long kantri sait, senisim ol aida na painim man long maritim long bihain taim.

Nem: Misis Esther Gaisie

Krismas: 21 (meri)

Adres: P.O. Box CT 858, House No. 38, Cape Coast, Central Region, Ghana, West Africa.

Save laikim: Stap insait long ol spots aktiviti. Baibel riding, muvi, luv meking na kukim kaikai.

Nem: Pitz Tangi

Krismas: 19 (man)

Adres: P.O. Box 595, Morobe Province 411.

Save laikim: Riding, miting nupela poroman, lukim TV, harim musik, serim sekret luv letas na lukautim ol dok.

Nem: Jacklyn Malkem

Krismas: 15 meri

Adres: Maprik High School, P.O. Box 71, Maprik, East Sepik Province.

Save laikim: Raitim pas long pen pren na serim ol samting olsem, poto, sein, yau ring na planti moa.

Nem: Orange Malina

Krismas: 16 (meri)

Adres: P.O. Box 1252, Mt Hagen, WHP.

Save laikim: Pilai basketbal, waswas long wara, lukim TV, harim musik, tok pilai wantaim ol meri.

Nem: Aplonia Yawi

Krismas: 20 (meri)

Adres: Kusaun Village, Catholic Mission, Passam, P.O. Box 107, Wewak, ESP.

Save laikim: Mi wanpela meri mi save stap long ples tasol mi save laikim tumas long rait long pen pren. Na mi save laik long go lotu long Sande.

Nem: George Suruka

Krismas: 16 (man)

Adres: Holy Spirit High School, P.O. Box 750, Bogia, Madang Province.

Save laikim: Riding, pilai soka, basketbal na sampela ol gems.

Nem: Joen Sikalongu

Krismas: 15 ()

Adres: Maprik High School, P.O. Box 71, Maprik, ESP.

Save laikim: Ritim baibel na go long lotu.

Nem: Brenda Tuia

Krismas: 16 (meri)

Adres: Maprik High School, P.O. Box 71, Maprik, ESP.


Save laikim: Ritim buk, raitim pas long pen pren na serim ol aidias na potos wantaim.

Nem: Kathlyn Kenny

Krismas: 16 (meri)

Adres: Maprik High School, P.O. Box 71, Maprik, East Sepik Province.

Save laikim: Pilai volibal na mekim fani wantaim ol pren.



Hevi namel long wok na mama bilong mi

yu gat plen long wokim narapela samting.

Watpo na mama bilong yu i laikim yu long lusim wok? Em i laikim yu long stap klostu long en o em i laikim yu maritim meri we em i makim long yu o em i laikim yu long wok na kism mani?

Sapos yu save long wanem samting em i laikim, ating yu ken painim sampela rot long givim em samting em i laikim taim yu stap yet long skul.

Yu tok olsem yu gat laik long kamap olsem wanpela pater. Yu wanpela Angliken o Katolik? Sapos yu bilong Katolik Sios na yu marit, yu save olsem bai yu no inap kamap wanpela pater.

I luk olsem wari bilong yu em i olsem bai mi inapim askim long mama bilong mi na marit o wokim samting we Bikman i laikim mi long en na kamap olsem wanpela pater. Ating yu wok long gat planti tingting na tok em i moabeta long harim singaut bilong God pastaim na bilong man nating bihain.

Tasol bai yu mas tingting na

pre planti long en bipo yu ken save tru olsem God i laikim yu long kamap wanpela pater na dispela i min olsem yu no inap long wokim samting we mama bilong yu i laikim. Inap yu painim wanpela lain long sios bilong yu long toktok long dispela samting?

Skul we ol Kristen Sios i givim em long luksave long papamama na dispela i stap long Gutnius bilong Mak Sapta 10 ves 19, Efeses Sapta 6 ves 1,2 na Timoti Sapta 5 ves 5. Lukluk long ol dispela Baibel ves.

Jisas i save toktok egensim ol rilijes lida bilong ol Jew bikos ol i givim mani i go long God taim ol inap long yusim long helpim papamama.

Narapela askim bilong yu em wanem helpim tru em mama i laikim. I gat rot i stap we yu ken helpim em na long wankain taim, go hetim skul bilong yu?

Em i save olsem yu gat laik long kamap pater? Ating i moabeta long yu visitim em moa o raitim pas long em na toksave long en wanem samt-

ing yu wokim. Ol mama i save amamas long ol pikinini bilong ol na tokim ol narapela poroman bilong ol gutpela samting we ol pikinini i wokim.

I gat ol arapela hauslain we i ken lukautim mama taim yu stap long skul? Na taim yu pinisim skul bai yu lukautim em?

Narapela askim em mama i laikim yu long go bek long ples na wok gaden olsem wanpela fama o em i laikim yu long kism wok we bai gat pe long en.

Sapos em i laikim yu long kism wok wantaim pe em no gutpela long yu lusim skul nating.

Yu mas painim wanpela wok pastaim bipo yu tingting long pinis long skul. Tude em i hat tru long painim wok na sapos yu pinisim gut skul long yu vesiti, yu bai kism gutpela wok.

Moabeta yu toktok wantaim ol sampela arapela hauslain bilong yu olsem brata bilong mama bilong yu na askim ol long givim tingting bilong ol long dispela samting.

LAIPLAIN



Laiplain,

Mi mas wokim disisen namel long mama na wok bilong mi.

Papa bilong mi i bin dai bihain mama i karim mi. Na mama i bin hatwok long lukautim mi taim mi liklik inap mi go long skul na long yunivesiti.

Mama i lapun pinis nau na em i laikim mi long kism wok na lukautim em. Mi wok long tingting tu long wok liklik taim na bihain, kamap pater.

DIFFICULT CHOICES

Pren,

Yu gat hatpela disisen long wokim ya. Bikpela laik long mama bilong yu i tokim yu long harim tok bilong em tasol

Simen

SAPOS yumi lukluk nabaut long yumi bai yumi lukim olsem planti haus ol i wokim long simen. Ples bilong wok-about tu i gat simen.

Simen i gat planti arapela wok olsem bilong wokim teng wara, stov bilong kukim kaikai, wokim banis, na planti arapela samting.

Wokim simen

Long wokim simen yu mas tanim 4-pela samting na i kamap simen. Em wesana, karanas o liklik ston, simen paura, na wara. I gat sampela as lo bilong wokim strongples simen,

olsem.

1. Skelim gut wesana, na karanas, na simen paura. Skel bilong gut-pela strongpela simen i olsem: 1-pela skel simen paura, 2-pela skel wesana, 4-pela skel karanas.

2. Putim wara bihainim skel stret. Sapos i nogat wara inap, bai simen paura i no holim pas gut wesana. Bai simen i no kamap strong. Sapos i gat planti wara tumas, bai wara i rausim hap simen paura. Putim wara, inap long

simen i kamap malumalu gut.

3. Tanim gut tru simen paura, wesana, ston na wara.

4. Taim yu wokim simen pinis na antap bilong en i drai pinis, orait, tripela de olgeta, san i noken kukim. Yu mas wok long kapsaitim wara antap long simen oltaim, bai em i kamap strong gut.

Narapela rot olsem: Karamapim long plastik o lip banana. Sapos yu laikim simen i kamap namba wan tru, orait,

givim wara long em inap wanpela wik olgeta. Sapos yu wokim tu tup bilong hul. Olsem karamap bilong septik teng o karamap bilong smolhaus, orait, larim simen i stap long ples rot kol na givim wara inap 10-pela de olgeta.

Tok bilong ol tul

Taim yu laik wokim gutpela simen, redim ol tul olsem: Spet na savol, baket o liklik dram, plang bilong paitim na stretim simen, kapa bilong stretim simen.

Tok bilong wesana

Sapos yu laik wokim gutpela simen tru, orait, skelim wesana na karanas i kamap long skel tru.

Wesana bilong wara o wesana bilong graun em i gutpela. Sapos yu laik kisim wesana blong sol-wara, orait, hipim long wanpela hap na ren i wasim na rausim sol pastaim. Nogut sol i bagarapim simen.

Wesana i mas klin. Sapos planti graun o pipia i bung w

Tok bilong tanim simen

Skelim wesana na ston i go antap long dispela plet kapa. Skelim simen paura i go antap. Noken putim wara. Pastaim tanim simen paura wantaim wesana. Tanim gut pinis, orait, hipim long namel na wokim hul (piksa 4). Kapsaitim wara long dispela hul. Nau tanim isi. Wara i noken brukim wesana na ran i go nabaut. Tanim pinis, hipim gen, wokim hul gen, putim wara gen, tanim gen. Mekim olsem inap simen i kamap malumalu gut.

Tok bilong stretim simen

Taim yu putim simen long wanim hap yu laik wokim simen, orait, paitim gut long plang o mekim nois wantaim spet o stik. Simen i ms pulap gut long olgeta hap kona na long olgeta arere, na long namel tu.

Pulimapim pinis, orait, stretim wantaim longpela plang pastaim. Bihain stretim wantaim kapa, ol i kolim traul. Sapos yu laikim naispela simen tru, orait, tromoi liklik paura simen i go antap long dispela simen yu bin wokim na mekim i kamap naispela long traul kapa. Tasol was gut: Sapos yu tromoi planti simen paura, bai simen i nogat strong long bihain. Bai em i bruk kwik.

Tok bilong givim wara na haitim san

Taim simen i strong liklik pinis, orait, was gut long em i noken drai kwik na san i noken sutim. Kapsaitim wara antap long em oltaim, hap 3-pela de. Sapos i nogat planti wara, orait, karamapim long bek kopra o lip banana na kapsaitim liklik wara tasol. Sapos yu gat plastik, orait, kapsaitim wara na bihain karamapim simen long plastik.

Harim gut. Sapos yu bihainim gut olgeta lo bilong simen, tasol bihain yu no haitim long san na yu no givim wara, bai simen i no inap i stap longpela taim na winim planti yia.

Wanpela tok moa. Taim yu wokim simen bilong ausait, inap long ren i wasim, orait, yu noken mekim i kamap nais tru. Nogut em i kamap wel long taim bilong en.

Tok bilong wokim plet bilong tanim simen

Sapos yu nogat simen miksa, em i orait. Yu ken redim wanpela strongpela flet ain wantaim bun diwai. Sapos yu gat flet ain 6x3 fit, wokim olsem piksa namba 3 i soim.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Tok bilong wokim plet bilong tanim simen

Sapos yu nogat simen miksa, em i orait. Yu ken redim wanpela strongpela flet ain wantaim bun diwai. Sapos yu gat flet ain 6x3 fit, wokim olsem piksa namba 3 i soim.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Makim 10cm (4 hs) long olgeta arere bilong flet ain. Krungutim arere i kam antap. Flet ain i mas kamap olsem bikpela plet. Nau pasim insait long bun diwai.

Liklik Buk Infomesen Senta

VAT

VALUE ADDED TAX

INFO 22P

TOKSAVE OLGETA BISNIS

SAPOS YUELA ANTAPIM 10% VAT LONG PRAIS YUELA SASIM LONG OL SAMTING YUELA SALIM LONG STUA LONG LAIK NA TINGTING BILONG YUELA YET NA SUTIM TOK LONG VAT, BAI YUELA LUSIM LAISENS BILONG SALIM.

SAPOS YU NO SAVE LONG WEI BILONG ANTAPIM 10% VAT LONG PRAIS YU SASIM, PLIS RINGIM INTERNAL REVENUE COMMISSION.

TOKSAVE OLGETA GRASSROOTS

SAPOS YUELA I SAVE LONG WANPELA STUA I ANTAPIM 10% VAT LONG PRAIS BILONG OL SAMTING, PLIS YUELA RINGIM IRC LONG TELEFON NAMBA **322 6915**. YU NOKEN TOKIM NEM BILONG YU, TOKIM MIPELA NEM BILONG DISPELA STUA NOGUT.

VAT IND BILONG APIM PRAIS BILONG OL KAIKAI NA OL SAMTING BILONG STUA. YU NOKEN LARIM OL BISNIS I PULIM MONI LONG YU NATING. RIPOTIM OL DISPELA KAIN BISNIS LONG INTERNAL REVENUE COMMISSION LONG TELEFON NAMBA **322 6915**.



FOR MORE INFORMATION, CONTACT:
INTERNAL REVENUE COMMISSION,
P. O. BOX 777, PORT MORESBY,
PHONE: 322 6655, FAX: 321 7962

AUTHORISED BY: DAVID SODE COMMISSIONER GENERAL INTERNAL REVENUE COMMISSION

KANAGE



Kanage em i bilong Madang. Kanage em i singel man. Krismas bilong Kanage, em i 50t. Planti taim Kanage save painim ol meri long marit, tasol ol i save tok papa long em, na em save belhat nating. Wapela de nau em i go putim skin long ples bilong pilai bingo. Sem taim Kanage lukim wapela mama Simbu i kam wantaim pikinini meri bilong em, Kanage i gat laik stret long pikinini meri bilong mama Simbu ya, olsem na Kanage smail long ol. Sem taim mama Simbu ya askim Kanage olsem, papa wapela smok i kam, Kanage harim tasol, em hap ai lukluk long pikinini meri bilong Simbu ya na em bikmaus long mama Simbu ya, yu noken kolim mi papa, mi singel man. Yu noken skelim bodi bilong man. Yu mas skelim laik bilong man.

S. Tobby K Madang

Wanpela taim Kanage bilong Sapmunga long Towet viles. Wapela taim em i tok save long lain bilong meri bilong en. Na em i kiilim wanpela pik. Na givim ol lain bilong meri bilong en. Ol kukim na ol kaikai stap. Sem taim Kanage em tu i go na sindaun sori sori long sip bilong paia stap. Na tambu bilong em i sori tru long dispela turangu Kanage. Na em i katim tru long tambu bilong en. Na tok ples na em tok Oro Ambona na em katim namba wan na em i daunim namba tu taim em i kaikai em laik daunim sem taim meri tambu bilong em i lukim i kaikai stap. Na meri tambu bilong em i tok hai Kanage husat givim pik na yu kaikai man Kanage em kirap nogut na trautilim pik na tekov i go pinis.

Joel Nongi Sapmunga

Kanage i bilong Pelpel na poroman bilong em i bilong pis kantri. Tupela i go skim trep bilong kisim pik, muruk. Tupela sekim i go i go na lukim wanpela muruk i pas i stap em nau tupela holim pas na pasim long stik pinis tupela i karim na Kanage karim baksait na poroman bilong em i go pas tupela karim wokabout na Kanage i wok long lukim as bilong muruk i go na tupela i malolo stap na Kanage i kirap kisim 20 toea na i givim poroman bilong em na tok yu noken tokaut. Orait Kanage kalapim muruk nau em nau poroman bilong em i pilim olsem wanem na em i kirap i givim bek 20 toea i go bek long Kanage na tok poroman mi tu noken tokaut em nau tupela pinisim laik pinis. Tupela karim i go long ples, tupela i givim ol man-meri kukim na kaikai na tupela stap long taim pinis na bihain tupela kros namel long tupela yet long burus na kirap tokim Sepik, yupela lain bilong pilai long as na Sepik i kirap i tok i no Sepik tasol Arawe tu lain bilong pilai long as bilong muruk. Orait Kanage belhat olgeta em i kirap em i tokaut olgeta i no mi tasol yu tu yu givim bek 20 toea bilong mi wanem.

Pilots K. Wallamo Kimbe

Lapun Kanage em man bilong spak stret. Wapela taim em i go spak wantaim ol poro bilong em na i no bin kamap long haus liklik. Meri bilong Kanage i wet i go na belhat nogut tru, meri bilong Kanage ting lapun bilong em. Kanage go painim ol yangpela meri olsem na em belhat. Misis Kanage i tok, "dispela lapun mi save lukautim em taim em i gat sik wasim londri bilong em, kukim kaikai bilong em na givim em moa sevis na nau em raun raun pinis mi wetim em i kamap



HEY, PAPA KANAGE, WANPELA SIMUK IKAM PLUS!

HEY! NOKEN KOLIM MI, PAPA! MI SINGUL MAN YET.. YU NOKEN SKELIM BODI TASOL BILONG OL MAN.. YU MAS SKELIM LAIKS BILONG OL YAH!

!?!

pastaim. Misis go long haus na giaman ai na slip i stap na sani boi bilong lapun go na lukim paps Kanage hapim bia i stap na em i tok hei paps yu dring na mams i dai pinis. Taim lapun i harim olgeta spak i pinis em i ron olgeta spit i pinis taim em i kamap long haus em i wok long toktok long Misis hei lewa mi no go painim meri mi go painim bia, lewa wai na yu mekim olsem taim Kanage go insait long haus lukim meri giaman slip long bet na indai i stap Kanage wok long krai na tok i stap meri bilong Kanage putim stret lek long bros bilong Kanage man olgeta toktok bilong lapun ya i stap tupela ai bilong em i tanim lapun i no isi long pispisim trausis tupela lek i kirap olsem wil bilong smuk balus. Misis Kanage i kirap na hatim Kanage yu save long meri Sepik o yu bikhet long mi tupela lek bilong yu bai kirap olsem wil bilong balus.

Timsen Ubenek Wewak

Kanage narapela nem bilong em Bun Fos em bilong Kimbe tasol em save stap long Kavui seksen '9'. Wapela moning taim em kirap i go wok long gaden. Em wok i go inap belo. Em kisim sop, tauvel na go waswas long klinwara. Taim em i wokabout i kam daun long hap rot em bungim wanpela meri Vitu. Kanage Bun Fos i tokim meri Vitu laki tru na yu kam antap hariap long wara sapos yu stap liklik pikinini bai mi daunim yu long wara ya. Meri Vitu bekim, papa mipela i no save pilai pilai wantaim skin meri. Vitu save sekim na kisim bun stret ya. Kanage Bun Fos i tingting i go na bekim pikinini yu no save ol save kolim mi Bun Fos yu stap long susu bilong mama yet ya nogut. Bun Fos i kiilim yu wansait na yu trautilim blut. Meri Vitu harim olsem na em tekov.

Kanage Rida Kimbe

Kanage, em bilong Sepik. Em wok olsem kuskus long Madang haus sik. Em i maritim meri wantok yet na tupela i gat foapela pikinini. Wapela taim, wanpela pikinini bilong Kanage i pilai wantaim narapela pikinini na i tok nogut. Olsem na papamama bilong narapela pikinini i kisim pikinini bilong Kanage i go long Viles Kot. Meri na pikinini bilong

Kanage tasol i kam long kot. Kanage, em yet i no bin i stap. Kot i painim olsem pikinini bilong Kanage i rong olsem na kot i sasim em K20.00. Taim meri bilong Kanage i harim olsem, em i kirap na em i tokim Viles Kot olsem: "Em i orait, K20.00 em i liklik samting, em i gras bilong hetkota bilong papa bilong em." Taim meri bilong Kanage mekim dispela toktok pinis, em i kisim olgeta pikinini na i go long haus. Bihain long apinun, Kanage pinis wok na i kam long haus. Liklik pikinini meri bilong Kanage i tingim yet hap tok mama bilong en i mekim long Viles Kot. Mejistret, olsem na em i ron i go ausait long dua bilong haus bilong ol, na holim han bilong Kanage na askim em: "Papa, wanem nem bilong hetkota bilong yu?" Man, Kanage i kisim taim stret long bekim askim bilong liklik pikinini meri bilong en.

Miriam MBS Madang

Kanage bilong 40 Mile, orait nau Kanage stap long haus na em salim meri bilong em go long gaden bai em kisim sampela kaikai na kumu long gaden na kam bek long haus, taim meri kam bek pinis long haus, Kanage save go bek long gaden lo lukim lek mak bilong meri em save raun olsem wanem na kisim kaukau na banana. Orait Kanage kam bek long ples na krosim meri bilong em nating tru na taim meri bekim toktok bilong Kanage. Kanage save paitim em nogut tru na tok yu save go long gaden na ol man save paulim yu nau meri tok hey, yu save giaman stret ya noken tok giaman long mi. Orait meri belhat, nau em kukim pinis nau em kukim kaukau long Makam pot na taim em kuk pinis Kanage raun raun go na em kam long kaikai. Na meri aste yet em miksim betri pinis wantaim kaukau na putim antap long haus na taim Kanage kisim kaukau na kaikai em dai. Orait ol wokman bilong sios i kam na prea long Kanage. Ok Kanage ai i op na em kirap na tok, ol man i poisen mi ya na meri bilong em askim em yu save long dispela man o nogut yu giaman. Na Kanage tok mama noken wari yu yet bai pinisim wok nogut bilong sik na em bai orait na orait olgeta.

Chealiph Narun Narun 40 Mile

Kanage i wok olsem wanpela kuskus long Kimbe kot haus, wanpela taim susa bilong bos i ring i kam na Kanage i ensarim em. Kanage harim olsem nek bilong meri na em stailim toktok bilong em. I no longtaim na bos i kam na em stailim toktok bilong em. I no longtaim na bos i kam na Kanage i givim pon long bos bilong em. Wapela taim Kanage ring i go long susa bilong bos, tokim em olsem em i gat laik long em. Susa bilong bos i ting Kanage em wanpela saveman, olsem na em tok em i orait tasol. Tupela i pren longpela taim. Na wanpela taim pren bilong Kanage i tokim Kanage long kam holido long ples bilong em. Kanage i tokim Kanage long kam holido long ples bilong em. Kanage kisim hai pilings stret na tokim pren em rait disisen. Pren meri tokim Kanage em bai save olsem wanem taim em i kam. Kanage tokim em olsem. "Bai mi verim Kauboi kep, dakspek, long jean trausis, jean snot, stokmen na karim tupela brib kes. Meri tokim Kanage bai em putim lip stik, plakim aibro, verim jean sket, top na hil su. Holido bilong Kanage na em kalap long balus na tekov i go long ples bilong meri. Balus i go len na Kanage i kam daun meri lukim Kanage na givim siksti go holim pasim Kanage prenmeri tokim Kanage long helpim em long karim brip kes, tasol Kanage tokim em olsem "It's okay. I can handle it." Taim em ben daun long kisim brip kes. Kauboi kep i lus na prenmeri lukim nupela wol na kirap nogut tokim Kanage long tok Inglis; Oh i oh! Kanage when I heard your voice in the phone I thought that you're youngman but now I see kela i ha na tekov. Kanage sem pipia na kalap long balus na go bek.

Mol & Tonny Miamel Bialla

Kanage em bilong Mendi taun Sauten Hailens provins. Wantaim em go raun long haus bilong wantok bilong em na em sanap long dua. Na nok na wantok i tok coming na Kanage i tok yes John. Na John i tok yes bro kam insait boy ya kam insait long haus em lukim TV i stap na em lukim tu na sindaun na em i bisu stret long TV na John em tu em bisu long kuk na nogat kokonas milk olsem na em askim Kanage long go kisim milk long stua tasol boi tokim John olsem na mi tok kisim Mary ya. Mi wanem kuk mangi bilong you o wanem. Sapos you laik salim olsem orait kisim meri bilong you. Nogat. Orait salim mama bilong you long stua nogat you ken salim papa bilong yu tu. John nogat toktok na em tok em inap bai mi tupela kaikai tasol.

Peter Blue B.F.N Kumin Mendi

Gat wanpela spesol de i kamap long Coke Wats taim na long dispela i gat 100,000 Wats ol i putim long resis. Planti man i save traum long winim 6 o 9-pela nabaut na ol i save winim tru. Na i gat wanpela man ol i kolim Junia Kanage em i save traum long winim dispela Wats em i save traum hat tru long winim. Taim em i save raun nabaut long taun ol wantok na ol lain long ples i save givim em mani em i save bungim long baim Coke Cola wara na traum long winim Coke Wats tasol em i no save winim wanpela Coke Wats tu na klostu em i save laik long krai long em i save westim bikpela mani bilong em na klostu bai Coke Wats tu bai pinis. Taim em save raun long rot em i save traum long painim Coke Cola top, tasol em no save painim tu. Wapela taim em i go na lukim piksa long Aipos hauslain na i no longpela taim edvataisem insait long piksa i tok Coke Wats i pinis na Junia Kanage i kirap na tok giaman long ol na wanpela man long beksait long Kanage i tok nogat Coke Wats i pinis tru tru, na Kanage i kirap na kwestenim dispela man. Coke Wats i no pinis bikpela mani bilong mi i lus long dispela samting na tupela kros i go i kam na olgeta man insait long piksa i kirap na tok Kanage Coke Wats i pinis na yu laikim wanem nau na Kanage i no fit long bekim maus bilong planti man em isi tasol em i krai na wokabout i go.

Mathew Makarai (Gipe) Aipo Viles

KANAGE



Paps Kanage em i bilong ples Yembiyembi long wara Salomei. Papa Kanage em marit pinis na em i gat tupela pikinini. Na stail stail na maus wara bilong em i no pinis yet. em olgeta taim em i save laik long tok pilai wantaim ol yangpela meri tasol. Em i no save laik long tok pilai wantaim ol marit manmeri na ol yangpela man long wanem em i save tok olsem. Tok pisin bilong ol marit manmeri na ol yangpela man i no swit olsem tok pisin bilong ol yangpela meri. Em i olsem drai Makau na drai saksak fraim tasol tok pisin bilong ol yangpela meri em Kanage save tok man, man! I no tok pisin ya "tok pisin bruk long kiao bilong wara Salomei stret. Kanage oltaim em save tok pilai na mauswara i go i kam wantaim ol yangpela meri tasol dispela traipela tok pisin man ol yangpela meri save mekim save long em stret na daunim papa Kanage gut tru. Tasol papa Kanage i no save sem na givap. Papa Kanage em i kain man tu. Kanage stap i go wanpela de olgeta manmeri long ples i go long painim pis long raun wara. Na Kanage tu i laik i go tasol em lukim liklik susa bilong meri bilong em i stap was long tupela pikinini bilong Kanage. Na meri tru tru bilong Kanage em i go long painim pis. Na Kanage i stap bek gen Kanage i go long haus na em lukim liklik susa bilong meri bilong em i sl'p wantaim tupela pikinini. Misis Kanage lukim olsem na tingting bilong sem i paul na i pulim strongpela win stret na Kanage i go sindaun long sia bilong em na em tingting long askim em, tasol em wet liklik long tupela pikinini i mas slip indai pastaim. Kanage sindaun i stap na em lukluk i go insait long rum na Kanage lukim kas meri i slip krangi liklik. Na i no long taim namba tri lek bilong Kanage i muvum spot wea. Kanage werim long em. Kanage traim long holim pasim dispela namba tri lek bilong em i no inap. Olgeta em wok long kirap yet na papa Kanage em tuhat nogut tru! Na em pilim olgeta tok pisin i go pinis arere long taun na i askim kas meri olsem. Eskus mi kas Kanage has three legs and he wants to give you the third leg, do you? Meri kirap isi na soim han bilong em long Kanage long hap han meri ya raitim nem bilong pren boi bilong em. Kanage ritim dispela nem na em askim meri ya nem bilong husat? Meri ya kirap tokim em. Nem bilong boi pren bilong mi. Kanage wanwan boi pren tu na meri ya bekim yu, no, no. Kanage kirap tokim em. Ha yu orait yu write your boy friends name because you sex for feelings.

**Robert Kakua
Wewak**

Kanage i bilong Sepik na em i stap long Konos distrik long Niu Ailan provins. Em i wanpela strongpela man long sutim pis long nambis. Olsem na wanpela taim em i lukim wanpela masta turis i raun long nambis i stap. Kanage i go painim turis na tok long em olsem. "Masta, lukim pis i kalap kalap long antap. Na masta i askim Kanage olsem." Are you sure? "Na Kanage i bekim. Sori tru masta mi nogat sua. Na masta i askim Kanage ken." Are you mad? "Na Kanage i bekim gen olsem. Sori masta mi i no bilong Madang. Na masta i tokim em olsem." You son a bit oh. Na Kanage i bekim gen." Masta! Mi tupela wantaim i sanap long nambis. Na masta i tromoi las toktok nau olsem long Kanage. Kanage you stupid. Na Kanage i bekim nau olsem. Em stret masta! Mi bilong Sepik.

**D. Catchup
Konos, NIP.**



Wanpela taim Kanage bilong Sapmangga long Kote viles insait long Kabwum distrik, Morobe provins. Wanpela taim Kanage tupela pasim toktok long san yet nau tudak liklik nau, 6 kilok na man nupela Kanage ya hairap tru kuk kaikai pinis na i narapela Kanage lusim haus bilong em na i go long haus. Em i go slip i stap na i no longpela taim nau narapela Kanage tuhat wantaim kam insait na opim dua na lukim ya narapela. Kanage slip arere kona i stap. I no long taim nau em ting meri ya slip long kona i stap na rausim trausis na pulim long dua na kam. Narapela Kanage tok olsem Si Okonoi. Man narapela Kanage kirap nogut kisim trausis bilong em na i go aut olgeta.

**Namuce Y. Nongi
Kabwum**

Paps Kanage wantaim Misis kisim Junia Kanage go long Madang taun klinik. Taim ol go kamap, Kanage lukim nes i putim planti bebi long skel bilong ol bebi i stap. Em lukim dispela na tingting bilong em kirap long traim skelim weit bilong em wantaim ol bebi. Taim Kanage lukim nes ya bisu tru long go pepa bilong ol bebi stap, paps Kanage tokim Misis, em nau taim bilong mi long go insait long bebi skel na kalap go insait. Taim em go insait pinis, em askim Misis long sekim nidol bilong skel i no wok, nidel i tanim liklik tasol na go bek gen long jero. Paps Kanage ting em winiri skel mak bilong ol bebi na askim Misis Kanage, "Misis yu lukim skel, weit bilong mi mas winiri ol bebi ya. Misis Kanage paul na laik lukim gut skel i stap na nec, i kam askim, Misis dispela em bebi bilong yu! Kanage harim pinis nek bilong nes na kirap krai "mum - mi - i, su-su-u." Nes ya harim krai na i no moa askim planti askim long Misis Kanage na go stret sekim skel na tokim Misis Kanage, Misis, olgeta bebi i gat gutpela weit tasol bebi bilong yu ya nogat weit tru. Mak bilong nidel i stap tasol long jero. Yu mas kukim planti kumu tripela taim long wanpela de, moning, belo na apinun na em mas kaikai. Taim Kanage harim dispela skul tok bilong nes em tanim het insait long skel bilum.

**Chris Dahl
Madang**

Kanage em bilong Kundiman long Is Sepik provns. Wanpela taim Kanage wantaim tambu bilong em tupela i laik i go raun long bus na painim abus. Tupela kisim bunara wantaim ol spia na go long bus, insait long bus tupela painim abus i go na tupela i no painim wanpela samting na Kanage tokim tambu bilong em long pre pastaim bihain ol i ken raun na tupela go poromanim wanpela as bilong wanpela diwai na Kanage i statim pre. Em i pre olsem papa mitupela tambu i raun nating i go inap apinun nau inap yu givim mitupela wanpela bikpela pik bai mitupela i brukim na givim bikpela hap long yu na bai mitupela i ksim liklik hap. Tambu i harim na tokim Kanage tambu wai na yu tok olsem? Na Kanage tokim tambu bilong em olsem sssss stap issi mi giamanim tasol.

**Kundiman
Angoram**

Wanpela taim wanpela PMV draiva i stap long Mendi na em i laik i go long Lae na em kam long 6 kilok lusim Mendi. Sem taim wanpela wait man long Amerika tu istap long Lae na em i laik i go long Mendi na em i kirap long 6 kilok Kanage yet draivim bas na wait man yet i draivim ka bilong em yet. Nau tupela kilim skin tru long siksti long haiwe na wanpela bris long wara Kagul boda bilong Mendi na Mt.Hagen dispela bris klostu Kanage na wait man ya klostu tupela bam nau. Long bris stret tupela stopim ka na wait man kalap ikam autsait na tokim Kanage olsem yu san of a bits. Kanage kirap na tokim wait man yu tu yu sanap long bris ya.Ol pasirdia lap nogut tru na ol i tekov.

**Paul Wape
Lae, Morobe provins.**

Wanpela taim Kanage igo long Goroka market na em i lukim tupela gutpela yanpela meri na em i wok long lukluk long tupela na tupela meri ya tokim Kanage olsem o yu tubad. Kanage i amamas nogut tru na em igo

long ples na em igo redim tupela bet na bihain em i kam lukim tupela meri ya. Tupela meri ya i tokim Kanage kirap na hapim han bilong em long tupela meri na tok Aste Yet tupela bet i redi pinis. Sori Kanage i luk olsem tupela meri itokim em long igo redim tupela bet tasol tupela kirap na tok Kanage yu bus kanaka bilong Raikos yu no save. Mipela tok tubad em i olsem yu nogut. Sori ol manmeri long maket ikilim skin long lap na Kanage i tekov long ples.

**Paul Wape
Lae, Morobe provins.**

Kanage i bilong Sepik em i kisim oil pam blok i stap. Wanpela taim lapun Kanage i go raun long Kimbe em i harim bon agen i wok long autim tok long taun Kimbe i stap na lapun Kanage i go sanap harim stap taim em i sanap harim stap yangpela man autim tok em i wok long strong na em i wok long tok ol brata na susa i nogat taim nau yupela taunim bel na em lukluk strong long Kanage na i tok sapos yu no tanim bel bai yu go long paia i stap oltaim oltaim. Na em i putim pinga i go long em mekim na lapun Kanage kirap na kros na em i tok yu tok long mi yangpela. Mi tokim yu taim mama i karim mi ron i go i kam na long ai bilong mi mi lukim lotu Katolik planti sista Pater poisen sanguma i kaikaim ol na Jepsens soldia i kilim ol indai tasol mi i no lukim yu wantaim dispela lotu yu sanap long em na olgeta taun yupela save tok baksait long mipela Katolik. Yangpela yu lukim as bilong mango ya as bilong em. Wanpela em i go antap stap na putim han i karim kainkain frut karim mango, apple, laulau yu laik wanem mi a? Orait yu kisim tupela ston wanpela bikpela na wanpela liklik na yu holim long han na tromoi tupela long wara taim yangpela tromoi long wara tupela ston wantaim i go daun na Kanage askim, na liklik ston yangpela i tok liklik tu wantaim na lapun Kanage i tok Katolik na bonagen sios na Kanage putim pinga. Wanwan tasol bai i go long heven.

**Alois K. Wallama
Kimbe**

Kavieng taun sekyuriti i mas putim yunifom

Dia Edit,

Mi i gat wanpela wari long ol taun sekyuriti bilong Kavieng i nogat yunifom.

Planti taim mi save lukim na mi no save amamas long dispela kain pasin we ol sekyuriti i save mekim long jenerel pablik.

Planti taim yupela save holim ol manmeri i save tromoim ol liklik pipia long taun. Na taim ol i kirap nogut long yupela ol givim mani long yupela. Em bai moa beta sapos yupela i putim yunifom na

mekim dispela wok.

Bikos planti lain i save painim na yusim dispela kain we long trikim ol manmeri long painim mani bilong ol yet.

Na narapela samting mi lukim, em long taun i no klin liklik. Planti pipia i stap nabaut na yupela mas traim long klinim pastaim na bihain yupela i ken sasim pablik long tromoi pipia.

Taim yupela i nogat yunifom, ples i doti

na tu sasim ol manmeri nating long liklik pipia i soim olsem, yupela i save giaman-im ol pipel na kisim mani nating long ol tasol long laik bilong yupela.

Sapos yu husat i laik sapotim o egensim, yu ken rait i go long Wantok niuspepa na bai mi ken lukim.

**Monias Kona
Keviang.**

Mi painim tripela susa bilong mi

Dia Edita,

Nem bilong mi Charltou Tetera. Mi no save wanem hap ol dispela tripela susa i stap. Nem bilong ol em:

Elin Sikuri
Jersi Amoko
Gloria Apa Melix

Sapos yu husat brata o susa i save long ol na wanem ol i stap long em plis mi laik bai yu rait tok save long mi. Na sapos nogat, yu ken tokim ol na bai ol i ken rait i kam long mi.

Sapos yupela i save ol i stap we na i laik rait na tok save long mi em hia nem na adres bilong mi;

Charltou Tetera
C.M. Peiwi
P.O. Box 125
Vanimo
Sandaun Provins

Aitape ples balus i smel nogut

Dia Edita,

Plis givim mi liklik spes long mi bai mi ken autim liklik bel hevi bilong long Helt Inspekta bilong Aitape.

Dispela Helt Inspekta bilong Aitape i no save wok na lukluk long Aitape taun na long ol setelmen. Sampela hap olsem klostu long ples balus sampela lain i save go na tromoi ol pekpek long em wantaim ol kankain samting na smel nogut i save bagarapim sampela ol komuniti i save stap klostu.

Inap bai yu (Helt Inspekta) toktok wantaim ol lokol level gavman bilong mipela long painim wanpela ples i long we long setelmen na kapsaitim ol samting i gat smel nogut long en?

Em tasol liklik bel hevi bilong mi long ples na taun bilong mipela.

Sapos yu husat i laik sapotim o egensim em yu ken rait i go tasol long Wantok niuspepa na bai mi lukim.

**Kaspa Animo
Aitape.**

John Muingnepe i no pilai politiks

Dia Edita,

Mi wanpela manki Waria bilong Garaina distrik. Mi laik egensim toktok bilong brata ya Tendias J. Namto bilong Watut. Em i bin komplem long John Muingnepe na pas bilong em i kamap long Mas 4, 1999 Wantok niuspepa.

Mipela i ting olsem, mipela ol pipel bilong Wau Bulolo i nogat memba. Samson Napo em i kam we, mipela i no save. Mi no save olsem na mi askim long yu, yu kam long Ostralia, Inglen o long Yurop? Sapos Samson na yu i bilong hia, em bai inap yu tupela i ken sapotim Jon Muingnepe long bringim ol wok kamap i kam long Bulolo Taun.

Wanpela tumbuna stori em i olsem, yupela ol lain Watut i kamap long liklik tumbuna na mipela wantaim John i kamap long bikpela tumbuna. Olsem tasol, John em bilong bikpela brata na em i helpim yupela ol liklik brata bilong em. Na yu inap long sanap strong long karim hevi wantaim, tasol bilong wanem na yu mekim kain komplem olsem?

Na sapos yu husat i amamas o i no amamas, rait tasol i go long Wantok niuspepa na bai mi ken lukim.

**Robet Moi Kapera
Bulolo.**

TOKSAVE KAM LONG EDITA

Wantok i prinim nau let bilong ol manmeri wantaim potu we i soim klia pes bilong yupela.

Olsem na yupela ken salim tu potu bilong yupela i kam long dispela adres. **Painim Penpren, Wantok Niuspepa, P.O. Box 1982, Boroko, National Capital District.**

Tabibuka distrik i no bihainim nesanel taim

Dia Edita,

Mi wanpela manki long ples Warames insait Tabibuka Distrik bilong Westen Hailans provins.

Sampela taim mi save lukim ol wok man meri long Tabibuka i no bihainim taim tru bilong wok mi lukim i no stret long ai bilong komuniti.

Taim bilong wok em 8 kilok moning i go inap long 4 kilok apinun. Na de bilong wok, em Mande i go inap long Fraide na de bilong kisim pe em long Fraide.

Tasol sampela taim mi save lukim wok manmeri bilong mipela i bihainim taim bilong ol yet. Taim bilong ol em, 9 o 10 kilok long moning i go inap long 1 o 2 kilok long apinun. Na de bilong kisim pe em long Trinde.

Dispela kain pasin mi lukim na mi i gat wanpela askim long askim ol wok lain bilong Tabibuka na long pablik. Dispela askim em i olsem: Wanem kain gavman o kampani i bosim yupela na givim yupela dispela kain

taim long yupela long bihainim?

Taim ol (wok lain o opis lain) i mekim olsem mipela i save painim hat long kam lukim ol long wari bilong mipela.

Ating ol i ting, em bus ples na ol manmeri long ples i no save bihainim taim stret. Yupela ol wok man bilong dispela distrik na yupela mas bihainim tru wok taim. Na maski long bihainim taim bilong yupela yet.

Olsem na mi laik askim ol wok man meri long traim na bihainim taim stret we olgeta opis lain i bihainim long olgeta hap bilong kantri.

Dispela pasin yupela i mekim i no stret long ai bilong mipela ol pipel bilong Jimmi distrik.

Husat i laik sapotim o egensim em i ken rait i go long Wantok niuspepa na bai mi lukim.

**Akol Albet Maikel
Tabibuka.**

Gavana Wenge na Diro i mekim gutpela wok

Dia Edita,

Mi wanpela manki Okapa insait long Isten Hailans Provins. tasol nau mi stap long Lae. Mi laik salim tok tenkyu na amamas bilong mi i go long Gavana Wenge long gutpela wok em i wok long mekim long provins bilong em na long kantri olgeta.

Wankain tok amamas bilong mi tu i go long Gavana bilong Sentral provins, Mista Ted Diro long traim helpim mipela ol grasrut long ples long luksave long wanem ol samting i wok long kamap kantri long bilong mipela. Dispela em long prais bilong ol samting long stoa bai i go antap.

Mipela i amamas tru long ol planti gutpela toktok klia na long wok bilong yutupela Wenge. Mipela amamas long wok bilong yutupela.

Yupela i save gut tru long stap bilong mipela ol man meri long ples. Na tu, yupela i save olsem dispela

takis (VAT) em bai brukim ol poket bilong mipela ol pipel bilong dispela kantri, na moa yet long lain i stap long taun na siti.

Ol narapela memba bilong mipela i no luk save long bagarap bilong em (VAT) long laip bilong mipela ol grasrut na ol man meri i mekim ol wok long kisim liklik pe tasol.

Ol memba i wok long pusim dispela tingting i no ting long mipela. Ol i aipas na tingting tumas long ol yet tasol. Bikos, mipela ol pipel bai i kisim taim na i no long yupela ol memba. Yupela i stap long ples we gavman na dipatmen i lukautim ol sas bilong stap bilong yupela.

Yu husat man o meri i gat gutpela tingting na i laik sapotim o egensim yu ken rait i go long Wantok niuspepa na bai mi ken lukim.

**Aoya Ova
Erab stesin.**

Redio Daru i no klia tumas long harim

Dia Edita,

Mi wanpela manki long dispela provins na mi laik autim wari bilong mi i go long long lain lukautim na wok insait long Redio Daru. Planti taim mi save harim

olsem redio i no save kamap klia wantaim ol progrem bilong em.

Redio em i wanpela bilong ol rot bilong lain-im samting, painim amamas, na harim wanem samting i wok long kamap long narapela hap bilong kantri bilong yumi na long graun olgeta.

Planti taim ol i pilaim ol progrem long redio tasol em i no save kamap klia tumas long harim bilong em. Ating sampela samting i rong long masin bilong salim nois i go aut o olsem

wanem? Olsem na mi laik askim ol bos man bilong Redio Daru long lukim na stretim dispela hevi na kamapim klia harim bilong em.

Bikos, mipela i save bihainim na amamas long harim ol lokol musik na kalsa bilong yumi long kantri long dispela redio stesin.

Sapos husat i laik sapotim o egensim em i ken rait i go long Wantok niuspepa na bai mi lukim.

**Steven Kusu
Westen provins**



PNG HIT

Parade
1999

**SPONSOR -
TRADEWINDS**

W/B	L/W	T/W	SONG	ARTIST
1	1	1	Acting Papua	K-Dumen
6	2	2	Luksave	Pinis Lista
7	3	3	Longwei Long Mama	Itambu
17	12	4	Kandre Meri Waswas	Gembog Band
12	4	5	Martha	Yangillis
5	5	6	16 x 4	Connections Band
0	18	7	Daddy	Escort Band
9	9	8	Brendy	Bluemates
4	8	9	Wok Masin	Kanai Pineri
8	10	10	Size 28Raggae	Midstreet
3	6	11	Aunty Jane	Honai Rhythm
0	0	12	Longpela Rot	Lista
10	13	13	Blu Ais Bilong Sentani	Kamezz Band
13	14	14	Suspect	Connections Band
0	0	15	Heartbreak	Tricm
2	7	16	Wanfela Girl	Demas Saul
0	0	17	Souths Medley	K-Dumen
14	15	18	Tuleple	Honai Rhythm
11	11	19	Oh Tingting	Demas Saul
20	20	20	Mango Uposi	Kulsun Taritos

IN: Longpela Rot Lista
Heartbreak Tricm
Souths Medley K-Dumen

OUT: Kopex Lewa Kamezz Band
Namaliau Tamadogs
Lalos Yo Bluemates

PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Memba bilong Suave o bilong Morobe?

Dia Edita,
Mi wanpela manki bilong Suave, tasol nau mi kam i stap long Mosbi.

Mi lukim na ritim long niuspepa olsem memba bilong mipela i givim bikpela helpim i go long Morobe. Em long sait biong rot long hap bilong Finsafen na tu long narapela ol bikpela wok kamap tu long hap. Taim mi lukim olsem mi sori tru long pipel bilong mi long Suave.

Olsem wanem long rot bilong mipela long Suave i go long Bomai? Inap memba i ken lukim na stretim. Turangu ol manmeri i save kisim taim stret long rot taim ol i laik i go aut long taun o i go bek long ples.

Memba, yu wok long kilim skin long helpim ol pipel long Morobe na pipel tru bilong yu long Suave i kisim taim nogut long rot bilong ol i stap.

Ating yu memba bilong Morobe na olsem tasol yu wok long helpim ol i

stap na yu lus tingting long mipela. Ating ol Morobe i makim yu kamap memba, na olsem tasol yu wok long helpim i stap na lus tingting olgeta long mipela.

Traim na tingim mipela pipel husat i bin givim pawa long yu. I go bek bilong yu long palamen em i stap long mipela ol lain i bin votim yu.

Yu husat i laik sapotim o egensim, em yu ken rait tasol i kam long Wantok niuspepa na bai mi lukim

**Jon Kange
Mosbi**

Is Yangoru Lokol Level Gavman i yusim lapun haus bung

Dia Edita,
Mi wanpela manki Hagama long Is Yangoru tasol mi stap nau long Kimbe. Mi i gat liklik wari na komplem bilong mi i go long Is Yangoru Lokol Level gavman. Olsem wanem, bai i gat senis i kamap long kaunsil semba o haus miting bilong yumi o nogat? Dispela kaunsil semba i bilong 1952 na em i stap yet. Wanem taim bai yupela senisim? Na tu

dispela lokol level gavman bilong yumi i nogat ka na ol kainkain samting we yumi ken amamas na stap wankain olsem ol narapela lokol level gavman long narapela hap.

Ol Wes Yangoru lokol level gavman i go het wantaim gutpela kaunsil semba o haus miting na planti ka na mipela ol Is Yangoru i wok long taitim bun long senisim nem bilong ol distrik i go

i kam yet.
Inap yupela ol memba bilong lokol level bilong Is opim ai bilong yupela na stretim haus man bilong yumi o nogat?

Sapos husat i laik sapotim o egensim yu welkam tasol long rait i go long Wantok niuspepa na bai mi i ken lukim

**Leo Huasinaka
Kimbe**

Sapos yu laik salim ol pas bilong yu i kam long dispela niuspepa. Salim i kam long dispela adres:

THE EDITOR
WANTOK NEWSPAPER
PO BOX 1982, BOROKO, NCD.

King tinpis i no gutpela

Dia Edita,
Mi wanpela kastoma we mi no save amamas long baim na kaikai dispela tin pis ol kolim "King o Sahadin". Dispela tin pis, em i malumalum na grille bilong pis tasol i pulap long tin.

Dispela 'King' tin pis em i tin pis bilong ol pusi na dok. Mipela i no pusi na dok na bai mipela i ken kaikai dispela kain tin pis. Nogat yah!

Solwara na ol wara bilong mipela long PNG i pulap tru long kain kain ol pis na inap mipela i ken mekim ol gutpela tin pis. Na dispela bai moa gutpela long 'King o Sahadin' tin pis.

Makau bilong mipela long Sepik wara i winim tru "Sahadin o King" tin pis na em kostim 50t o K1.00 tasol long maket. Sapos mipela i putim makau long tin em ol man meri bai lus tingting long narapela tin pis.

Yu husat man o kampani i wok long

kisim oda long dispela kain tin pis, plis tru, mi askim yu long no ken putim oda gen long en. Pipel bilong PNG i no wel abus. Nogat tru. Mipela i man kain olsem yu tasol.

PNG inap long mekim ol gutpela tin pis olsem Besta na Tuna na tupela i winim tru 'King' tin pis. Dispela tupela tin pis fektori i stap nau long Madang na gavmen i mas sapotim na statim moa tin pis fektori. Na mipela tu long Sepik i laikim Makau fektori long Wewak long mekim makau tin pis. Sepik wara i pulap tru long makau na ol narapela pis tu ya.

Sapos yu husat i laik sapotim o egensim, yu ken rait i go long Wantok niuspepa na bai mi ken lukim

**Lukas Apinur
Ambunti**

Kisim gavman i go long kot long paulim POSF mani

Dia Edita,
Mi wanpela sapota bilong POSF i no amamas long ritim wanpela hap tok "gavman i no givim mani long POSF yet" i bin kamap long Wantok niuspepa long Mas 4, 1999.

Mi laik autim wari bilong mi olsem, dispela pasin gavman i wok long yusim nating mani bilong ol sapota i no gutpela tumas. Dispela em i no mani bilong gavman.

Ol lain husat i ritrens long 1987 na '98 i wet yet long kisim dispela mani. Na tu ol lain i bin aplai long hausing edvens long 1997 na 1998 i wok long wet yet long gavman long peim POSF na bai ol i ken kisim hausing edvens bilong ol.

I gat wanpela paul pasin i wok long kamap long dispela wanpela bikpela akaun we dispela mani bilong ol memba i stap long

en ol i kolim "Konsolidetet Revenu Akaun.

Mi sapotim tru lairo Lasaro long wokim senis long POSF ekt o lo olsem bai gavman i no inap putim han long dispela mani. Dispela tingting em i gutpela na mi laikim gavman i bihainim na maski long maus wara nating.

Em bai gutpela sapos wan wan dipatmen i gat akaun bilong em yet na ol wok manmeri bilong em i ken putim mani bilong en na long bihain bai isi long ol long kisim taim ol i pinis.

Dispela bai helpim ol long kisim mani bilong ol hariap na i no inap wetim gavman long peim POSF na bihain bai ol i ken kisim. Long dispela rot bai i ken stopim gavman long paulim nating mani na tu long tromoi mani nating long ol samting we i nogat win mani i kam long en.

Long pinisim, mi laikim ol

yunien memba i mas kisim gavman bilong tude i go long kot long peim bikpela dinau mani i sanap ples klia long sait bilong ritrens mani, Hausing edvens mani bilong 1997 na 1998 na tu long POSF mani. Yupela (yunien memba) bai kisim bikpela sapot tru long planti man meri i wok long bungim dispela hevi long POSF i kam inap nau.

**Konsen sapota
Sandaun**

Wanem taim bai yumi makim tru lida?

Dia Edita,
Mi manki Sandaun, tasol nau mi i stap long Kimbe. Mi laik autim bikpela wari bilong mi long wanem as na mi lusim ples na kam i stap long Kimbe.

Mi save lukim ol memba i save toktok na pait hat long ol wok na bisnis long kamap long ol provins ol. Ol kain wok kamap olsem gutpela rot i joinim ol ples i go long taun na ol narapela ol wok. Taim ol i mekim olsem, ol pipel bai i save amamas na mekim wok na stap bek long ples bilong ol. Ol bai i no inap i go long narapela ol provins long painim mani na gutpela sindaun. Bikos ol memba bilong ol i gat tingting o konsen long ol.

Taim mi lukluk i go bek long provins bilong mi, mi lukim sik nogut i stap yet long namba wan taim bilong ieleksen i kam inap nau.

Long yia 1975, taim PNG i kisim Indipenden, mi harim ol papa mama

i tok bai ol i vot long ol memba bilong ol. Dispela em i pes taim bilong mi long harim tok 'memba', na mi askim mama bilong mi olsem "memba em bilong wanem?" Na mama i tokim mi, "memba em bai wokim ol rot na bringim ol bisnis na bai yumi i gat planti mani". Long namba tu taim bilong vot gen mi askim gen, "mama, bipo i go vot na memba i no wokim rot bilong mipela na mani na bisnis bilong mipela we"? Na mama i bekim tok olsem; "pikini, bipo em memba nogut, na i save paulim mani, na nau bai mipela i votim gutpela memba gen.

Em bai bringim ol planti samting olsem: wokim ol rot, skul, Aidpos, na ol narapela gutpela wok i kam long yumi". Yet nogat wok i kamap olsem mama i bin tok. Na mama i tok gen, "em memba nogut, man bilong paulim mani na i save tingting long em yet".

Na dispela kain pasin i stap yet

inap mi kamap bikpela man nau. Nau mi ting olsem, ol man na meriba bilong mipela long Sandaun em ol lain bilong tingting tumas long ol yet na i no save tingting long helpim ol pipel long ples olsem mipela antap long maunten.

Olsem na mi tokim mama, bai mi lusim ples na i go raun long narapela hap na skelim dispela kain pasin wantaim narapela hap. Taim mi kam raun, mi lukim olgeta samting i wankain long tingting bilong mi olsem mama i bin toktok bipo. Ol memba i save lusim tingting long ol pipel long bik bus na antap long maunten.

Taim mi raun i stap long narapela hap, mi bungim planti ol wantok bilong mi na mi tokim ol, mi laik go bek long ples na mekim wok bisinis. Na ol i tokim mi, maski, lus tingting long dispela aidia bilong yu long wokim bisinis long ples bilong yumi.

Bikos nogat rot na maket bilong yumi long wokim bisinis. Sapos yu go bek, bai yu stap olsem tasol ol tumbuna na papa mama bilong, yumi i stap bipo. Dispela nau i mekim mi i tingting planti long mi bai go bek long ples bilong mi o nogat.

Olsem na mi wari long tru long mi yet wantaim ol papa mama na ples bilong mi. Long wanem, ples bilong mi Is Palai em i stap antap long maunten na i long we long Nuku na Aitape stesin. Na tu nogat rot bilong wokim ol bisinis na karim samting i go long painim maket long salim.

**Kas Devit Kapore
Kimbe**

Maski long daunim narapela sios

Dia Edita,
Mi wanpela mangi Sepso insait long Sauten Hailans, tasol nau mi i stap long Rabaul. Mi laik autim komplem bilong mi i go long ol lain husat i save autim tok bilong Bikpela long maket ples na long ol rot na long wankain taim ol i save daunim tumas Katolik na Yunaited sios. Dispela tupela lotu i no mekim wanpela rong o pasin nogut long yupela. Na taim yupela i autim tok bilong God, yupela laik daunim dispela tupela lotu.

Taim yupela laik autim tok bilong Bikpela yupela mas autim stret tok i stap long Baibel na i no long maus o filings bilong yupela long narapela brata susa o lotu.

Sapos i yupela wokman meri bilong God, yupela i mas daunim yupela yet na mekim wok bilong God stret. Na tu i no long apim lotu bilong yupela na daunim narapela lotu. Tingim gut dispela, nogut amamas bilong dispela graun i kisim yupela na yupela wok long daunim narapela sios i stap na bihain long las de Bikpela bai rausim yupela long ai bilong em.

Ol brata na susa, taim Jisas i bin stap long dispela graun, em i no daunim narapela man meri, nogat tru. Em i bin laikim olgeta yet i go inap long em i dai long diwai kros long sevim yumi olgeta. Olsem na sapos yumi laik bihainim em, yumi mas laikim olgeta man meri olsem Jisas yet

i bin mekim pinis.

Yumi noken daunim narapela lotu o sios na pretim ol man meri long tanim bel long pablik ples. Em dispela we tu em i no stret long ai bilong Bikpela taim ol aposel i askim em long lainim ol long prea na Jisas i lainim ol long prea "Papa bilong mipela....."

Plis tru ol brata na susa, tingim dispela na no ken daunim tumas narapela sios long pablik ples. Na tu, yu laik autim Tok bilong Jisas, autim stret tok i stap long Baibel.

Husat i laik sapotim o egensim, yu ken rait tasol i go long Wantok niuspepa na bai mi ken lukim

**PSH Sepso
Rabaul**

Kutubu i no givim mani long mipela olgeta

Dia Edita,
Plis givim liklik spes long pepa bilong yu na bai mi ken au liklik komplem bilong mi long ol brata i save bagarapim nating mipela ol arere Kutubu.

Mi wanpela mangi Kutubu, na mipela save go antap long Mendi taun na sampela lain i save ensapim mipela long rot o ol i save pik poket long mipela long taun.

Tupela man bilong mipela i dai pinis, taim ol i bin sutim ol long wanpela rot blok i go antap long

Mendi. Dispela kain pasin mi yet mi ting em i no gutpela tumas.

Ol lain long Mendi i save ting olsem mipela olgeta lain long Kutubu i papa bilong wel na mani na ol save laik bakarapim mipela long kain pasin nogut olsem.

Mi ken tok aut stret long yupela olsem, i no olgeta pipel long Kutubu i save kisim mani i kam long Kutubu wel projek. Nogat tru.

Mi i save kisim mani long strong bilong mipela yet, taim mipela i salim pis, saksak na ol gaden

kaikai samting.

Plis no ken ting mipela pipel bilong Kutubu i kisim mani long wel. Nogat em samting bilong ol papa graun tasol. Na no ken putim mipela olgeta i go aninit long nem bilong eria Kutubu.

Em tasol na sapos yu husat i laik sapotim o egensim, rait tasol i go long Wantok niuspepa.


**Yadu.T.
Kutubu**



WANTOK

Askim long klasifaid ads: Miri Aiori Ext. 214, John Iagata Ext. 218

KLASIFAID



WANTOK

N I U S P E P A

New Advertising rates for Wantok Niuspepa effective 1st July, 1999

Display Advertising Space. (Casual) Cost. K2.95 per column cm.

Advert. Space	Size	Mono K	1 Colour K	2 colour K	Full colour. K
Full Page:	38x7	784.70	984.70	1,184.70	1,584.70
Half Page:	28x5	413.00	613.00	813.00	1,213.00
Half Page:	19x7	392.35	592.35	792.35	1,192.35
1/4 Page :	19x4	224.20	424.20	624.20	1,024.20

Classified Rate K3.20 per column cm.

* All prices quoted do not include 10% VAT.

Compare Wantok's costs per col.cm. K2.95 per c/cm against the dailies K6.52 for the same size.

Discount rates for volume usage are available on request.

Orogen skul soka tonamen long Pot Mosbi



• Lae St Mary's Anda 17 tim bilong man na meri i mas.



• Ol Igam Bareks i mas long Pot Mosbi.

Kambuou opim 1991 Orogen soka salens

OROGEN SKUL SOKA RI POT

HENRY MORABANG i raitim

PATRON bilong Skul Soka kompetisen long Pot Mosbi, John Kambuou i askim ol kampani long givim sponsarim long skul kompetisen. Kambuou i mekim dispela toktok taim em i opim 1999 Orogen Skul Soka Salens we i

kamp long Pot Mosbi long Mande. Dispela Orogen kompetisen i pulim tim i kam long Vanimo, Lae na Ok Tedi. Goroka na Tari husat i givim nem i no soim pes long kompetisen bikos long hevi bilong ran bilong baius.

Samting olsem 118 skul olgeta insait long Pot Mosbi na tu ausait long Pot Mosbi i kam long dispela resis ya. Kambuou i tok olsem sapos ol kampani i sapatim skul na junia kompetisen, spots insait long kantri bai kamap strongpela.

Em i amamas tru long Orogen i givim mani long sapatim skul soka. Em i tok sapos planti kampani i bihain kain stail bilong Orogen spots insait long kantri bai kamap gutpela stret ya.

Em i mekim bikpela tok amamas i go long Orogen, ol skul mangi, ol tisa na tu ol papamama long gutpela sapat skul soka.

Kambuou tu i givim salens long ol arapela kampani long noken sponsarim bikpela ogenaisesen tasol sponsarim wanpela skul

tasol bai inap. Ol junia na yut kompetisen em ol strong bilong bihain taim.

Siaman bilong Nesenel Orogen Skul soka salens John Mogi i tok welkam long olgeta skul insait long kantri. Em i mekim bikpela tok amamas i go long ol liklik boi Vanimo long baim balus bilong ol yet na kam long Pot Mosbi.

Ol arapela tim em Lae nad Ok Tedi. St Mary na Igam Bareks Komyuniti skul bai karim nem


bilong Morobe long dispela sempionsip.

Kambuou yet i tokaut olsem historii bilong skul soka kompetisen i gutpela tru. Em i mekim bikpela tok amamas i go long man husat i kirapim dispela soka kompetisen, Joe Heenan. Heenan i lusim kantri na gobek pinis long Nu Silan tasol i luk olsem em bai kambek ya.

Dispela sempionsip bilong ol skul soka bai pinis long Sarere long dispela wiken yet.



• Ol sumatin bilong Tabubil i redi long mas long opening bilong orogen skul soka sempionsip long Pot Mosbi.



• Ol mangi Sandaun, nogut oh! Ol i lus ples na redi long bungim ol mangi Pot Mosbi.

Brothers holim ol Royals

BHP BROTHERS i bin holim tru MDC Royals 22-16 long wanpela strongpela na tait gem long Lae ragbi lig fil long las wiken.

Dispela plai i bin kamap bipo long dispela gem bilong SP kap Simbu Antras na Kimbe Bulls.

Seken roa Alu Pagau i bin putim kamap wanpela gutpela taim em i yusim eksperiens bilong em long lidim ol fowets long brukim banis bilong ol Royals.

Hatwok bilong em i karim kaikai taim em i salim senta bilong ol Bruce Hoga long putim pes trai na lid 4-0.

Ol plisman i strongim kona bilong ol taim junia Kumuls na fulbek Augustine Justin, senta David Kunjap, winga Peter

Mirau na fowets Samuel Kaupa, Charcie Bigi na Andrew Ray husait i wok long traim long brukim banis bilong ol mangi West Taraka.

Ol plisman i mekim olsem na salim Justin i go putim wanpela trai na em yet i kik igo insait na ol i lid 6-4.

Ol Brothers i lukim dispela na strongim banis bilong ol. Ol i yusim ol fowets olsem Pagau, Pearson Philip, Judas Omiers, na Dinik Kereng long go pas lain.

Kain ron bilong ol tasol i mekim na fulbek Joe Kenake i go putim wanpela trai long kona ino long taim Philip i painim narapela spes na pulim trai na ol i go pas 14-6.

Tasol riplsman 5/8 Agi Tete bilong Royals i putim wanpela trai na kisim skoa i kam antap 12-14.

Brothers i wok long strong yet na Mayang na Kanake i putim wanpela trai. Ol Royals i putim wanpela taim Justin i pundaun antap long trai lain tasol ol ino inap win. Ol Brothers i nekim ol 22-16.

Long ol narapela pilai Spiders i mekem Panthers 36-10, Tigers holim win paia bilong ol trangau 42-11, Defence rausim trasis bilong Magani 48-6.

Poins leda i sanap olsem Spiders igo pas wantaim 16 poins, Tigers 14, Defence 13, Royals 11, Brothers 10, Panthers 8, Taranagau 8 na Magani 2.

Orogen bai sapatim skul soka

OROGEN Limited i tokaut olsem ol bai amamas long sponsarim skul soka long ol yia bihain.

Mausman bilong Orogen Joe Turia i mekim dispela toktok long opening bilong Nesenel Orogen Soka salens long Sir John Guise stedium long Mande.

Orogen Limited i tromoi moa long K100,000 long sapatim skul soka insait long kantri. Arapela sponsa husat i save helpim yut o skul spot, Coca Cola tu i givim bikpela sapat stret long kompetisen.

Turia i no pulim longpela tok-tok tasol em i mekim bikpela tok amamas i go long olgeta skul long stap insait long skul kompetisen. Bikpela tok amamas bilong em i go long ol skul long

Tabubil, Ok Tedi main, Vanimo na Sen Mary's, Igam Bareks, Koronesen (Lae) long kam stap insait long dispela kompetisen.

Vanimo i longwe tru tasol soka tasol i bringim ol yangpela long kam stap long dispela tonamen.

Turia em wanpela biknem soka pilaia bilong PNG bipo i tok olsem em i laik skul kompetisen i mas kamap bikpela na olgeta senta insait long kantri i mas salim tim. Long dispela as, skul soka bai kamap olsem nesenel skul tonamen.

Nau yet em Pot Mosbi, Lae, Tabubil na Vanimo. Las yia, Tari tasol i kam soim pes long tasol dispela yia nogat bikos long hevi i kamap long Sauten Hailens.



Wiken Spot Dro

PMSA DRAW

Saturday 10th July - Bisini 1

0800 M1	M. Gaindu vs Cyclone
0920 R	IBSPS United vs Tarangau
1040 W1	Tarangau vs Nomads
1200 M1	City Kings vs Bulolo Mocs
1.20 W1	Wanzesi vs Blue Kumul
2.40 R	Guria vs Kurti Andra
4.00 P	IBSPS United vs Tarangau

Bisini 2

0800 M1	Sobou vs YM2
0920 R	Telekom vs Blue Kumul
1040 W1	Telekom vs Sobou
1200 M1	POM United vs SPB
1.20 W2	Cosmos vs POM United
2.20 R	TST Babaka vs Cosmos
4.00 P	TST Babaka vs Cosmos

University

0800 M2	Don Bosco vs W.Heights
0920 M2	Eda Ranu vs City Kings
1030 M2	Dolos vs Naniu
1150 M2	Kula vs City Kings
1.00 M2	Kula vs Mukaso
2.20 W2	Tawala vs M. Gaindu
3.30 M2	Cyclone vs kudtu (C/U)

Inservice College

0800 U19	ICF University vs POM United
0910 U19	Rapatona vs Telekom
1020 U19	Defence vs Guria
1130 U19	TST Babaka vs Tarangau
1250 U19	IBSPS United vs Adu
1.50 U19	Blue Kumul vs Momase
3.00 U19	Cosmos vs K. Andra
4.00 U19	Baomita vs M. Gaindu

Sunday 11th July - Bisini 1

0800 M1	Baomita vs Wanzesi
0920 R	ICF University vs Adu
1040 W2	PS United vs Murat
1200 M1	WMI Togelu vs Bau Futz
1.20 W1	Defence vs Naniu
2.40 P	Telekom vs Blue Kumul
4.00 P	University ICF vs Adu

Bisini 2

0800 M1	Dobomurika vs Nomads
0920 R	Rapatona vs Momase
1040 W1	WMI Togelu vs Momase
1200 M1	Tawala vs Murat
1.20 M1	Verave vs Nisco
2.40 P	Guria vs Kurti Andra
4.00 P	Rapatona vs Momase

University

0800 M2	Cyclone vs BB West
0920 W2	Rapatona vs Adu
1030 M2	Muma vs SPB
1150 W2	POM United vs Bomana
1.00 M2	Korian vs Kutu
2.20 W2	Cyclone vs Cosmos
3.30 M2	Bavaroko vs MON Kayaks

by: Defence (p/r)

Midweek Games

(1) Monday - 12th - Bisini 1

4.30 U19	Nisco vs Bavaroko
----------	-------------------

(2) Monday - 12th - Bisini 2

4.30 W1	TST Babaka vs Telekom
---------	-----------------------

(3) Tuesday - 13th - Bisini 2

4.30 W1	WMI Togelu vs University
---------	--------------------------

(4) Tuesday - 13th - Bisini 1

4.30 W2	W.Heights vs Murat
---------	--------------------

(5) Wednesday - 14th - Bisini 1

4.30 W2	University vs Bomana
---------	----------------------

(6) Wednesday - 14th - Bisini 2

4.30 M1	Baomita vs Sobou (c/u)
---------	------------------------

PEPS LAHI SOCCER ASSOCIATION

Week 9 Draw - Saturday 10 July, 1999.

0800 U19-2	Momase vs Busu
0915 U19-1	Dal Labu vs Eastern Star
1030 W2	SP Sunstriders vs Dal Labu
1145 W1	Lae Biscuit vs Malabu
1300 D1	Malabu vs Milne Bay United
1415 P1	Defence vs Lae Biscuit
1600 P1	Telekom vs Sobou

Sunday 11 July, 1999.

0800 D2	Malabu vs Mungkas
0915 U19-2	Elcom vs Lae Biscuit
1030 D2	TTC Bullet vs Murat
1145 W1	Waliya vs Rapatona
1300 W1	City United vs Elcom
1415 D1	Kamidnorth vs Maiendduo

1600 P1 Dal Labu vs Rapatona
Saturday 10 July, 1999

Unitech Ground 1

1200 D2	Malabu vs Poboto
1315 D2	8 Mile Demdem vs Arnotts
1430 W2	Poasum vs TTC Bullets
1545 D2	Bunawa Souls vs Mungkas

Sunday 11 July, 1999

1315 P2	Defence vs Lae Biscuit
1430 D1	Poasum vs Eastern Star
1600 P1	Sobou vs Under 23 Squad

Saturday 10 July, 1999

Unitech Ground 2

1200	Lae Biscuit vs Guria
1315 P2	Noinas vs Momase
1430 P2	Dal Labu vs Rapatona
1545 D1	Shouten Blues vs Elcom

byes: D1 Milne Bay United, U19/1 Defence
Res: P1 Shell Unitech vs Telekom,
Rapatona, Guria, Bungandi vs Lae Biscuit, Sobou

P2 Shell United vs Telikom, Rapatona, Guria, Bungandi vs Lae Biscuit, Sobou

D1 Mungkas vs Elcom, KA Midnorth, Sunstriders

W1 Shell Unitech vs Guria, Rapatona, City United

W2 Tisol vs Dal Labu, Eastern Star, Bussu vs Asiawe, Bungandi vs Eastern Star, Bungandi vs Poasum, Tisol vs Murat

U19/1 Bungandi vs Sobou, Shell Unitech

U19/2 Tisol vs Bunawa Souls, Poasum

Official forfeits: No field forfeits except K10.00 to be paid to the Association to collect points.

W1 Lae Biscuit vs KA Midnorth, Malabu vs KA Midnorth, Defence vs KA Midnorth

U19/1 Shell Unitech vs Guria, Shell Unitech vs Rapatona, Sobou vs Guria

P1 Telikom vs Asiawe.

LAE SOCCER DRAW

OFFICIAL DRAW

Saturday 10 July, 1999 (LFA)

0900 U16/B	Mopi vs Tent City
0900 U16/B	Poro vs St Martin
1000 U19	Tolec Buresong vs B.Kumul
1000 W	Mopi vs Nadzab
1100 L/Res	Borabora vs Blue Kumul
1100 L/Res	Mitif vs Tolec Buresong
1200 L	Faze vs Topick
1200 1st	Taragol vs Medics
0200 L	Mitif vs Tolec Buresong
0200 1st	Lae Tech vs Seminary
0400 L	Bara vs Poro
0400 1st	MDC vs Titipu Cousins

Sunday 11 July, 1999 (LFA)

0900 U16/G	Tent City vs St Martin
0900 U19/B	Mopi vs Uni Bulolo
1000 W	Borabora vs Uni Bulolo
1000 U19/B	Lae Tech vs Poro
1100 L/Res	Uni Bulolo vs Goro
1100 W	Bara vs Lae Tech
1200 L	Borabora vs Blue Kumul
1200 L/Res	Bara vs Poro
0200 L	Mopi vs HC West
0200 L/Res	Faze vs Topick
0400 L	Bulolo Uni vs Goro
0400 L/Res	Mopi vs HC West.

Saturday 10 July, 1999

0900 U19	Mitif vs Faze
----------	---------------

MT HAGEN SOCCER POINTS TABLE LEAGUE DIVISION

Clubs	P	W	D	L	F	A	Pts
Momads	4	2	0	2	6	4	6
Lae Biscuit BFC	3	2	0	1	4	2	6
Tarangau	3	2	0	1	3	2	6
IC Drifters	4	2	0	2	3	2	6
Blue Kumuls	4	1	2	1	5	4	5
Nomads	4	1	2	1	1	2	5
Puma Kalam	3	1	1	1	6	7	4
Savilu	3	1	0	3	2	5	3
Pascols	4	1	0	3	2	5	3

League Reserve Clubs

Blue Kumuls	4	2	2	0	9	3	8
-------------	---	---	---	---	---	---	---

Puma Kalam	3	2	1	3	3	0	7
LaeBiscuit BFC	3	1	2	0	5	4	5
Tarangau	3	1	2	0	2	1	5
IC Drifters	4	1	2	1	3	5	5
Momads	4	1	1	2	2	3	4
Nomads	4	1	1	2	2	3	4
Savilu	3	1	1	1	3	2	4
Pascols	4	0	1	3	1	4	1

Under 19 Division

Lae Biscuit BFC	4	1	3	0	3	0	6
Blue Kumuls	4	1	3	0	3	1	6
IC Drifters	4	1	3	0	3	1	6
Pascols	4	1	2	1	2	3	5
Momads	4	1	1	2	3	2	4
Puma Kalam	4	1	1	2	2	5	4
Nomads	4	0	3	1	1	3	3
Savilu	3	0	2	1	1	3	2

Points table prepare by John Makanda for Mt Hagen Soccer Association for the very best of the game soccer.

KOIARI RUGBY LEAGUE DRAW

SOGERI - Round: 2/5 (13)

Date: Sunday, July 11, 1999.

Venue: Iarowari Oval (Sogeri)

Time Grade Teams

09.00 B	Panthers vs Pukpuks
10.00 B	Kongos vs Choice
11.00 B	Bears vs Owls
12.00 B	Lakers vs Tigers

by: Warriors

01.00 -A	Panthers vs Pukpuks
02.00 A	Kongos vs Choice
03.00 A	Bears vs Owls
04.00 A	Lakers vs Tigers

By: Warriors

Not: Clubs who fail to pay full registrations this week will find their matches forfeited.

RESULTS

A Grade

Choice	21 beat Owls 16
Warriors	14 beat Lakers nil
Tigers	16 beat Panthers 14

Pukpuks vs Kongos match put off to later date

By: Bears

B Grade

Pukpuks	13 beat Kongos nil
Owls	6 beat Choice 4
Warriors	nil defeated Lakers 8
Panthers	6 beat Tigers 4

By: Bears

CLUB A GRADE

CLUB	P	W	D	L	F	A	Pts
Choice	12	9	1	2	186	131	19
Pukpuks	11	8	1	2	177	108	17
Warriors	12	8	1	4	140	112	17
Lakers	12	7	1	4	173	77	15
Tigers	12	5	3	4	151	136	13
Panthers	12	5	-	7	130	130	10
Kongos	10	3	-	7	82	72	6
Owls	11	1	-	10	124	203	2
Bears	10	-	-	11	16	171	0

B GRADE

Lakers	12	10	2	-	142	57	22
Pukpuks	12	6	2	4	133	35	14
Panthers	12	7	1	4	84	63	15
Choice	12	6	-	6	105	76	12
Owls	12	5	1	6	74	81	11
Warriors	12	5	-	7	78	83	10
Tigers	12	3	2	7	102	103	8
Bears	11	2	-	9	88	115	4
Kongos	11	0	0	8	9	119	0

KIUNGA RUGBY LEAGUE DRAW

Venue: Town Oval

Sunday July 11, 1999.

Round Nine

A Grade

Club

01.30	Cowboys vs Tigers
03.00	Waliya vs Hawks
04.30	Norths vs Raiders

POINTS LADDER

Club	P	W	D	L	F	A	Pts
A Grade							
Cowboys	8	7	-	1	225	98	14
Raiders	8	5	-	3	136	116	10
Tigers	8	4	-	4	136	96	8
Waliya	8	4	-	4	116	168	8
Norths	8	3	-	5	142	181	6
Hawks	8	1	-	7	78	154	2

OKKAINHENS RUGBY LEAGUE ASSOCIATION DRAW

Third Round Weekend Sports Draw

Venue: Hohola Oval

Sunday July 11, 1999.

Time Teams	G
08.00 Yamaso R. vs Nami Bros	B
08.35 Comix vs Usu United	B
09.10 BP Nights vs Kesosa	B
09.55 Gumangi F. vs U. Sharks	B
10.05 Megusa vs Negifi Bears	B
10.50 Tapaya vs Sianes B John Vagi	B

11.00 Yamaso R. vs Nami Bros	A
12.00 Comix vs Usu United	A
13.00 BP Nights vs Kesosa	A
14.00 Gumangi F. vs U. Sharks	A
15.00 Megusa vs Negifi Bears	A
16.00 Tapaya vs Sianes A M.Mogia	A

SP NO. 1 GAME

1999 SP CUP COMPETITION



ROUND TWELVE RESULTS

Vipers	34 def Tumber 11
Bulls	34 def Angras 22
Lahanis	12 def Bombers 6
Gurias	22 def Micks 4
Eagles	def Muruks 10

POINTS TABLE

Club	P	W	D	L	F	A	Pts
Lahanis	12	8	1	3	251	212	17
Gurias	12	8	-	4	236	179	16
Muruks	11	7	-	4	210	184	14
Eagles	12	7	-	5	219	200	

WANTOK SPOT



Souths i putim skin long PRL taitel

SOUTHS Ragbi Lig klap i wok long kamapim nem bilong en insait long bikpela ragbi lig kompetisen long kantri long Pot Mosbi.

Souths nau i sindaun namba tu long poin lata bihain tasol long biknem tim, Gulf Trust Wests.

Las wik Souths i nekim gut stret Tigers 35-24 long holim yet namba tu posisen. Bihain tasol long Souths em Brothers.

Souths em klab bilong ol pipel long Southern Hailens. Tasol em i gat pilaia long olgeta hap bilong kantri.

Biknem pilaia olsem Robert Tia wantaim gutpela menesmen bilong Tony Huai, Dokta Michael Mai, Tony Kila na Rick Linck i wok long holim strong dispela klab.



Singaut bilong rausim PNGFA eksekyutiv

FRANCO NEBAS i raitim

PLANTI toktok i wok long kamap long sampela lokel asosiesen long holim vot i nogat bilip long presiden Andrew Madiu na ol eksekyutiv bilong en.

Wanpela soka opisel i tokim Wantok olsem ol i redi tasol long holim vot i nogat bilip long nupela eksekyutiv bilong PNGFA.

Dispela tingting bilong holim vot i nogat bilip i bin kamap long Mt Hagen we planti soka asosiesen autim wari olsem ol i laik senis i mas kamap long PNGFA level.

Em i tok olsem taim ol nupela opisel i kisim ples, ol i no mekim wanpela gutpela wok bilong PNGFA.

Em i mekim wanpela tok piksa we ol eksekyutiv i no mekim wok, em long nesanel klab sempionsip man na meri i bin kamap long Lae long mun Epril.

Dispela klab taitel ya i no bin ran gut we i gat sampela hevi i kamap. Ol hevi olsem Mendi Bulldogs husat i kam bihain long tonamen i no lukim wanpela eskekyutiv bilong PNGFA i helpim ol. Ol eksekyutiv i bin salim ol i go i kam we klostu bikpela kros na pait i kamap.

Narapela samting tu, ol eksekyutiv i mekim, em i nogat prais mani na

PNGFA eksekyutiv i no bin stap long grenfainel.

Sempion klab bilong ol meri, Telikom long PMSA husat i winim taitel tupela taim i nogat tropi o prais bilong ol

Dispela em i sampela hevi i kamap we ol opisel bilong asosiesen i kamap long dispela resis i no amamas long PNGFA eksekyutiv na laik rausim ol.


Long wankain taim presiden bilong Lahi Soka Asosiesen Moses Demas i tok dispela em i namba wan taim bilong eksekyutiv i painim aut hevi bilong ol dispela nupela PNGFA eksekyutiv.

Demas i tok i tru ol eksekyutiv i pundaun ikong dispela nambawan wan tonamen. Mipela i mas lusim ol inap neks PNGFA tonamen na lukim. Sapos ol i pundaun gen oraitim mipela i ken tingting long rausim ol.

"Nau yumi givim ol arapela sans gen bipo yumi tingting long mekim vot i nogat bilip," em i tok.

Long wankain taim yet, Demas i tok em i no amamas long toktok kosa bilong Rapatona Kisakiu Posman i mekim sampela toktok long asosiesen bilong em.

Demas i tok Posman i bin tok ol sapota bilong Lahi i bin poretim ol pilaia bilong Rapatona long gren fainel egens long Lahi Guria we ol



• Kosa bilong Rapatona Kisakiu Posman.

Rapatona i lus long nesanel klab sempionsip.

Demas i tok dispela i no tru bikos planti ol sapota bilong ol arapela asosiesen tu i bin stap. Em i tok Lahi i no save mekim dispela kain pasin, mipela save pilai long gutpela spotmanship. Demas i tok Posman i no amamas long dispela referi husat i bin

lukautim dispela gem bilong grenfainel.

Em i tok long referi, mi nogat wanpela samting long meri. Referi em arapeal asosiesen we ol yet i making na kisim gem.

Rferi long dispela fainel em Gidas Bayung husat i FIFA referi tasol we ken kisim dispela gemn.

Tripela senta bai i no inap kamap

TRIPLETA senta Madang, Mt Hagen na Manus bai i no inap stap long nesanel netbal sempionsip long dispela wiken.

Presiden bilong PNG Netbal Federesen Janet Sape i tokaut olsem tripela senta ya i painim hat liklik long ran bilong balus na tu mani.

Sape i tok tim bilong Moaripi, Kerema na Sentrel i stap pinis long Pot Mosbi. Na ol arapela senta olsem Lae, Goroka, Wewak, Kimbe, Popondetta na Alotau bai kamap long sempionsip long tude.

President i tok sempionsip bai stap long tude wantaim ol anda 13 i go long anda 17. Orait sempionsip bilong ol anda 21 i go long ol lapun bai stat long Fraide na pinis long Sande.

Long ol arapela nius, Baradeen Holdings Grup i givim K10,000 i go long PNGNF long holim 1999 netbal sempionsip.

Bos bilong kampani ya lan McKay i tok em i amamas long sapotim ol bikpela spot grup bikos em i gat nem pinis wantaim winga bilong Melbourne Storms, Marcus Bai.

Baradeen Holdings Grup em i save wokim na salim dispela mit, Fabulous, insait long kantri.

Samting olsem 60 tim olgeta bai kam long 13 provins long stap insait long dispela sempionsip ya.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.